






~~Hist. 323~~  
~~W. C. 110~~

207  
40


















E

Sen

GE

Qu

ron

ne

Ma

ob

gis

mi

de

ren


mi

ru

cif

re





## AD LECTOREM.

**E**ST, benevole Lector, quod hic quoq; te scire velim: videlicet in tres libros hanc etiam partem, Serenissimum VLADISLAUM IV. REGEM, repræsentantem, me distinxisse: Quorum primus electionem ejus, coronationem, & solennem legationem Romam: secundus totus bellicus, Moscos à Smolensci mœniis pulsos, obseffores obseffos, ad pedes usq; Regis humiliatos, et, dilatatis Regni terminis pacem perpetuam initam: deinde Amurathem Turcarum Imperatorem, terrore adventus Regii, ad ignominiosam pacem compulsum, & Borussia liberatam: Tertius totus pacificus, Regnum visitatum, honorem doctis exhibitum, Cæciliam Re-



AD LECTOREM.

natam ductam & coronatam, & Principem Sigismundum Casimirum ex eanatum, continet. Neque de veritate hujus quoque partis dubitare te volo, quia & à viris fide dignissimis, qui ipsi interfuerunt, accepi, & non minus, quam Primam Partem, à gravissimo Senatore Poloniae Regni, perlectam, ad typum dedi. Fructu itaque sine scrupulo, benevole Lector, & vale.



GESTO.





G E S T O R U M  
 GLORIOSISSIMI ac INVICTISSIMI  
 VLADISLAI IV.  
 PARTIS SECVNDÆ

LIBER PRIMUS.

CAPVT PRIMVM.

ARGUMENTUM.

VLADISLAI IV. in Poloniae Re-  
 gem electio.

SUMMARIUM.

**S**igismundus III. singulari beneficio Dei ad Se-  
 neſtutem pervenit. Gustavus Adolphus Regno  
 ejus infidiatur: Ruſſellius Subdelegatum & lit-  
 teras ad varios Senatores mittit. Litteræ Sigismundo  
 Regi traduntur. Regis in Senatores fiducia, & Se-  
 natorum erga Regem fidelitas. Instrumentum lega-  
 tionis & litteræ comburuntur in foro. Subdelegatus  
 Ruſſe-



Russelij cum ignominia & in rusticali curru dimittitur. Filij Regis, à Republica, à tergo lateribusque Regis, in comitijs publice collocantur. Sigismundi Regis mors & laus. Comitia Varsoviae. Omnium oculi in Vladislaum Principem, cujus Regiae virtutes enumerantur. Mira circa Electionem ejus animadversa. Concordebis omnium votis in Regem eligitur, & lætitia uniuersorum, ob ejus electionem.

Sigismundus III.  
senex.

Gustavus  
Adolphus  
Regno e  
jus insidiatur, per  
Russeliū  
Legatum  
suum.

**I**Am raro Dei naturæque beneficio Sigismundus III. Poloniae Sueciaeq; Rex, ad lassæ ætatis debilitatem rugasq; pervenerat: & præceps quodammodo ad occasum vitæ, per minus quotidie vitæ currebat. Interim prole numerosa, paternæ virtutis æmula & hærede, in qua & vivere & regnare (si ita visum Superis) in multas generationes posset, beatus. Quod tantū solatium ejus, ille, qui tum res novas passim moliebatur, Gustavus Adolphus non parum turbavit. Viditque se vivente, & stipata adolescentibus optimis dignissimisq; Domo, in nullo Filiorum suorum degenerante, Regiis oculis suis Sigismundus, quod ille Sarmatico Sceptro, per Russelium Legatum suum, insidiaretur. Venit hic damnabilibus instructus chartis: sed dum in procinctu & limitibus Sarmatiæ est, non ausus progredi, Subdelegatum cum instrumento, variisq;



PARTIS SECUNDÆ, LIBER I.

variisq; ad diversos Senatores litteris, Warfaviam  
ad comitia mittit, timorem suum ægritudine lar-  
vans; cum, ad quam integros, incorruptibiles, Re-  
gique suo fideles, litteras destinaret, non nesciret;  
adeoque, ante exordium inauspicatæ rei, jam de  
exitu minus prospero suspicaretur. Non fugit, quâ <sup>Litteræ eo</sup>  
providentia erat, Sarmatiæ universæ Senatum, no- <sup>jus Sigis-</sup>  
væ rei pondus: & jam sagaciter consilia subodora- <sup>mundo Re-</sup>  
tus, antequam sigillum litterarum solveret, ad Si- <sup>gi tradū-</sup>  
gismundum Regem se contulit, quod suspicaba-  
tur aperuit, et, quid tali in negotio fieri vellet, sub <sup>Regis in</sup>  
misit quæsit. Rex, per Thomam Zamoscium <sup>Senato-</sup>  
Cancellarium suum, fidem ejus commendans, non <sup>res fidu-</sup>  
parum Sanctioris erga se Concilii reverentia re-  
creari respondit. In mentem quippe redire & i-  
dem gloriari posse, quod in solenni Principum ex-  
ternorum, qualitates terræ suæ laudantium, Sigis-  
mundus Primus; qui unicam hanc gloriam suam,  
dixit, cum omnia possideret quæ cæteri, quod in  
cujusque subditi sinu ac pectore dormire tuto se-  
cureque posset. Quod ad litteras autem & Lega-  
tum attineat, etiam si eâdem, in simili casu, quâ  
olim Carolus, ratione procedere posset, tamen,  
proniore ad clementiam natura, Coelestium mo-  
re, delinquentibus indulgere. Eant itaque, audi-  
ant, legant, consultant; neutiquam se fidei eorum.



diffidere; cuius experimentum semper, & jam  
 vel insolentius fecerint. Dictum, factum. Inspe-  
 xit Sarmatiæ universæ Senatus litteras, & singu-  
 los abominabatur paragraphos, cum tot, in nun-  
 quam satis laudabilem Austriacam Domum, &  
 innoxios Societatis Jesu Patres, obliqua legeret:  
 cum incurabiles Reipublicæ morbos, ab hoste  
 prius (scilicet) quam à se animadversos, miraretur:  
 & imminetia, ab Oriente & Septentrione,  
 Regno mala, vera quidem, sed non, nisi Gustavo  
 Adolpho Polonorum Rege, avertenda rideret.  
 Quasi is vero, & non Vladislaus Ariadna illa esset,  
 quæ Theseum hunc (Sarmatiam puto) pruden-  
 tiæ suæ fortitudinisque filo, è labyrintho pericu-  
 loso eductura esset. Quid ergo? Nunquam pro-  
 nior (qui vel maxime pronus semper fuit) Sena-  
 tus universi in Sigismundum optimum Regem,  
 affectus elucere potuit. Unanimi quippe iterum  
 consensu, & hæc, & quicquid alibi litterarum e-  
 rat, ad eum deferebatur. Qui innocentiam ipso-  
 rum & integritatem laudans, eorum reliquit ar-  
 bitrio, quicquid faciendum porro videretur.  
 Itaque, rogo in medio fori structo, piacularibus  
 flammis litteræ comburuntur: & latores, rusti-  
 cali plaustro ad Russelium suum revehebantur.

*Senatorum  
 erga Re-  
 gem fide-  
 litas.*

*Litteræ  
 publica  
 combu-  
 rantur in  
 foro.*

Tan-



PARTIS SECUNDÆ, LIBER I 5

Tantum vero abfuit ut à prole regia, ad Gu- <sup>Filii Re-</sup>  
stavum Adolphum, Senatus declinaret affectum, <sup>gis in Co-</sup>  
ut iisdem in Comitibus, Terrestres Nuntii, toti<sup>9</sup> No- <sup>mitis à</sup>  
bilitatis Legati, à Sigismundo Rege suo peterent <sup>tergo Re-</sup>  
(quod nunquam antea factum) ut Soboli Regiæ <sup>gis collo-</sup>  
locum in Comitibus faceret, à tergo lateribusque <sup>cantur.</sup>  
suis: ut Reipublicæ paulatim assuesceret, paren-  
tisque Regis judicia imitaretur; adeoque, tan-  
quam successuris aliquando Regibus, abblandi-  
rentur.

Cæterum Sigismundus Rex, adversitate illa <sup>Sigismu-</sup>  
defunctus, integritati innocentiaque Senatus <sup>di Regis</sup>  
Regni sui, experimento irritata, porro confusus, <sup>virtutes,</sup>  
Sarmatiam, prolemque suam, quotidianis preci- <sup>Mors, &</sup>  
bus, de cætero, justo Numini commendavit. Ad- <sup>laus.</sup>  
eoque, ut erat piissimus, continuis ad Deum vo- <sup>An. 162.</sup>  
tis meditationibusque Divinis, tantillum, quod <sup>30. Apr.</sup>  
reliquum erat, vitæ transegit. Hoc quoque in ex-  
tremis ei indulgentibus Superis, ut fiducia, de fi-  
lio Vladislao successuro sibi, à Senatoribus ipsis  
concepta, pleno iudicio, & omnibus Ecclesiæ Ca-  
tholicæ Sacramentis munitus, Cœlestibus animâ  
consignaret. Mortuus est, Anno post Christum na-  
tum, M. DC. XXXII. 30. Apr: Rex vere piissimus,  
Clementissimus, & Catholicæ fidei tenacissimus:  
ipse in armis foelix, per Vladislaum filium, Divino



quodam beneficio, felicissimus; cui adversa quædam, ex votis plurima contigerunt.

*Gnesnen-  
sis Archi-  
episcopus  
disponit  
negotia  
Regni.*

Post ejus mortem Johannes Wezyk Gnesnen-  
sis Archiepiscopus Primas Regni, de Salute Rei-  
publicæ, jam suæ, sollicitus, Provinciarum Nuntios  
convocavit, et, prævia, contra internos externosq;  
hostes, confœderatione, singulis Palatinatibus dati  
judices, & securitati publicæ prospectum, consti-  
tutumque comitiorum tempus, quo Rex novus  
eligeretur.

*Omnium  
oculi in  
Vladislau  
Principe.*

Interim oculi omnium in Sobolem Regiam  
convertebantur, cujus quælibet optimum Paren-  
tis optimi Epitaphium erat, in quo singulæ Sigis-  
mundi virtutes fuse legebantur. Maxime tamen  
Vladislaus Princeps, jam hæreditarius & Serenissi-  
mus Suecorum, Gothorum, Vandalorumque Rex,  
electus Magnus Moscoviæ Dux, animos omnium  
oculosque afficiebat; cum eum quisque Regem  
suum destinaret, & jam Sarmatia tacita animorum  
concordia veneraretur. Quemadmodum enim

*Sen. Con-  
sol: ad  
Marciam*

*agricola, eversis arboribus, quas aut ventus radicitus  
evulsit, aut contorsus repentino impetu turbo confre-  
git, sobolem ex illis residuam fovet, & amissarum se-  
mina statim plantasque disponit, & momento adole-  
scunt amissis latiora; ita Sarmatia, Sigismundo Re-  
ge defuncto, prolem ex eo residuam fovit, eamq;*

*Statim*



statim ad Regnum disposuit: cum jam adolesceret quotidie, immo (si ita fas loqui) adolevisset, amisso lætior.

Inerant quippe Vladislao virtutes Regiæ omnes, adeo ut sæpius, Sigismundo adhuc viventi, <sup>Regia</sup> Vladislai <sup>virtutes.</sup> Primates, de absolutissimo filio congratularentur, & felicitatem suam deprædicarent, quod non alibi quærendus illis Poloniæ Rex, sed in ipsa Sarmatia & prole Regia esset. Prudentia quasi ingeni- <sup>Prudentia.</sup> ta erat, quæ à puero Principem, per adolescentiam, comitata nunquam fefellerat. Immo tantum jam olim apud hostes Moschos valuerat, ut ab illis, prope modum adhuc puer, & maximo Imperio sufficere judicaretur, & in Magnum Ducem eligeretur.

Temperantiâ omnibus in aula versantibus <sup>Temperantia.</sup> exemplo fuerat, plurimis incitamento: Nomentanos, Apicios, & Mæcenates, terrarum ac maris bona conquirentes, & super mensam recognoscentes omnium gentium animalia, & ebrietate quotidiana vertiginosos, semper averfatus; memor plenissimos esse voluptatibus stultissimos quosque, & nequitiam abundare jucundis: magis amans remissas Sapientum voluptates & modestas, languidas fere compressasque, immixtas interpositasque vitæ, ut inter feria ludi. Jam vero, affectibus domandis, robustissimo semper animo fuerat, ne mi-



8 GESTORVM VLADISLAI IV.

ne min<sup>9</sup>, inter quotidianas victorias, fortis animo,  
quam manu viribusque diceretur: non ignarus  
*Sen. lib. 4* *gentes facilius esse barbaras impatientesque alieni ar-*  
*de ben.* *bitrij regere, quam animum suum continere & tra-*  
*dere sibi.*

*Clementia* Clementia, licet adhuc sub Patre & nondum  
omnino sui juris, tamen sæpiuscule se ostendebat,  
cum & hostibus cædi destinatis aliquando parce-  
ret, pro supplicio adjudicatis intercederet, nec  
inimicos quidem suos & adversarios, pro aliorum  
voto, ulcisceretur. Et recte hoc quidem ad mo-  
rem Cœlestium, & optimæ gubernationis nor-  
*Sen lib. 1* *mam. Quod si enim Dî placabiles & æqui delicta po-*  
*de Clem:* *tentium non statim fulminibus persequuntur: quanto*  
*æquius est hominem hominibus præpositum miti animo*  
*exercere imperium, & cogitare, utrum Mundi status*  
*gratior oculis pulchriorque sit sereno & puro die, an*  
*cum fragoribus crebris omnia quatiuntur, & ignes*  
*hinc atque illinc micant. Atqui non alia facies est*  
*quieti moderatique imperij, quam sereni Cæli & ni-*  
*tentis. Crudele Regnum turbidum, tenebrisque obscu-*  
*rum est, inter trementes & ad repentinum sonitum*  
*expauescentes, nec eo quidem, qui omnia conturbat,*  
*inconcusso.*

*Humani-* Humanitate, comitate, affabilitate, tantum  
*tas.* Sarmatas alios supergressus erat, quantum ipse di-  
gnita-



gnitate super cæteros omnes eminebat: nam cum utilem se efficere civibus suis mortalibusque universis proposuisset, non tantum paratus erat petentibus aliquid, sed obvius; nunquam contracta cuiquam fronte rugosus, sed liberalis, lætus, lenis. Adeo ut Serenitate mentis, antequam Rex, jam Serenissimuseffet: occulto virtutis & naturæ suæ genio ad summa trahente, ut jam hoc possideret, unde Reges Serenissimi nominantur, antequam eligeretur, antequam coronaretur. Neque enim ego ullam aliam ob rationem Reges Serenissimos appellatos judicaverim, quam ut jugiter Serenitatis suæ memores, eandem plane faciem servarent, lætam, comem, placidam, & inconcussam.

Fortitudinem tot præliis, certaminibus, hosti-<sup>Fortitudo</sup> busque devictis, tot per annos, tot per arma, tot <sup>& felici-</sup> per hostes probatam, non poterat Orbis satis ad-<sup>tac.</sup> mirari: qui juvenilibus annis, plures, potentiores, formidabilioresque hostes vicerat, quam cana ætate etiam felicissimi Duces consuevissent. Quid Moscovia vastius? Quid Turcia populosius? Hanc terruerat, illam subjugarat: huic Leges posuerat, illi imperarat: istorum potentiam & Imperium tantum non everterat, horum paucis, non dico annis, non dico mensibus aut septimanis, sed diebus, concusserat & debilitarat. Adeo ut verius de

B      illo,



illo, quam Pompeio Magno, illud Ciceronis usur-  
 pari posset, cum tam periculosum Bellum tam par-  
 vo tempore confecisse, *quantum aut ab omnibus Im-*  
*peratoribus uno anno, aut ab uno Imperatore omnibus*  
*annis, confici posse videretur.* Felicitatem vero, cum  
 per tot victorias, nunquam interruptas, nunquam  
 corruptas, comitata fuisset, comitaturam porro,  
 Cœlesti beneficio, sperandam esse.

*Libera-*  
*litat.*

Regia demum illa virtus liberalitas, in Regio  
 Vladislai animo altius radices fixerat, adeo ut li-  
 beralissimus Principum sui temporis merito dice-  
 retur. Inerat quippe illi particula quædam Divinæ  
 auræ; adeoque liberalius de facultatibus suis di-  
 spensans, non tristi, non rugosa fronte, nec rogatus  
 multum, sed ultro quotidie offerebat. Jucundiora  
 enim sunt, quæ humana facie, leni, placidaque tri-  
 buuntur, quæ cum dat superior non insultat, sed  
 descendit in æquum detrahens muneri suo pom-  
 pam. Recte ad naturam beneficii, quod conferre,  
 non perdere liberalitatem, Vladislaus cupiebat.  
*Sen. lib. 1*  
*de ben:* Quid enim beneficium est? *Benevola actio tribuens*  
*gaudium, capiensque tribuendo, in id, quod facit, pro-*  
*na, & sponte sua parata.* Hac itaque vera liberalitate  
 omnium animos sibi colligabat. Quæ profecto  
 tanta in hoc Regio Principe semper emicuit, ut  
 alias, & apud exterarum nationes degens, tam copiose  
 dona-



donaret, ut à quibusdam etiam declinare nonni-  
hil ad alteram partem judicaretur. Sed nesciebant  
illi, quod in aliis vitium, in Regibus Principibus-  
que virtutem esse, *quos eo loco fortuna posuit, ex quo* Sen. lib. 5  
*largiri multa possunt, & quos armis quam beneficiis* de ben:  
*vinci minus flagitiosum est.*

Suspiciebat ergo Sarmatia Univerſa hanc Re-  
giam indolem, hunc integerrimum animum, in  
quo omnes virtutes Regiæ, imo, quod amplius, Anhela-  
bant Sar-  
mata Vla-  
dislaum  
Regem.  
boni Viri, non tantum inerant, sed etiam emine-  
bant. Quid enim aliud, si liceret inspicere, in boni  
viri animo inveniremus? *Pulchram faciem, inquit* Epist. 95.  
*Seneca, sanctam, ex magnifico placidoque fulgentem*  
*videremus: hinc justitia, illinc fortitudine, hinc tem-*  
*perantia prudentiaque lucentibus. Præter has fruga-*  
*litas, & cōtinentia, & tolerantia, & libertas, comitasq̃,*  
*& (quis credat?) in homine rarum humanitas bonum,*  
*splendorem illi suum affunderent. Tum providentia, tū*  
*elegantia, & ex istis magnanimitas eminētissima, quan-*  
*tū, Dii boni, decoris illi, quantum ponderis gravitatisq̃*  
*adderent? Quanta esset cum gratia authoritas? Nemo*  
*illum amabilem, qui non simul venerabilem diceret.*  
Quid horum in absolutissimo Vladislao non vidi-  
mus? Ideoque hunc boni Viri, & hunc Regium  
vere animum, promiscue omnes non amabilem  
tantum, non venerabilem tantum, sed Sarmatico



Sceptro dignissimum agnoscentes, imperare sibi anhelabant: unum illum, plus quam oneri illi parem, qui Sarmatiam sustineret, & liberrimis nobilissimisque Viris mentibusque jura daret, prædicantes.

*Comitia  
inchoan-  
tur.*

Et jam determinatum tempus comitiorum aderat, & paulatim Senatores, Episcopi, Palatini, Castellani, Nuntii terrestres, Nobilesque conveniebant, cum, tentoriis extra Warsaviam in aperto campo fixis, fossa Primates à vulgaribus distinguerentur: extra quam, caupones, lixæ, calones, castris quodammodo exesse jussi, & à nucleo nobilitatis secreti, degerent. Tum jucundum illud risuque dignum contigit, quod, cum Senatores omnes, Palatini, Castellani, Capitanei, aliisque promiscue Nobiles, propter obitum Sigismundi Regis pullæ veste convenissent, neminemque jam velamenta distinguerent, promiscue Baietto tecti, sæpius humilioris conditionis homines, præsertim si lineamenta corporis, gravitas, incessusque venerabiles proposuisset, Senatoribus & Palatinis ignoti, ab iisdem non vulgariter, sed pro Magnatibus honorarentur.

*Duo no-  
tabilia  
circa ele-  
ctionem  
Vladislai*

Cæterum multos dies, immo Septimanas, de legibus & conditionibus, novo Regi præscribendis, & ab ipso ratificandis, tenuit, antequam ad electionem



onem descenderetur. Cum autem convenire præstituto tempore nequivissent, consultius visum eligere, & iterum convenire. Duo autem notabilia & maxime rara, circa novam illam electionem; acciderunt. Alterum, quod toto consultationis & electionis tempore, noctibus singulis à Cœlo pluvia deorsum fusa, mira vicissitudine, dies serenissimas semper natura indulserit: adeo ut, cum de Serenissimo Vladislao Principe eligendo universorum mentes occuparentur, favere Superi, applaudere Cœlum, & ipsa rerum natura videretur. Alterum, quod, inaudita felicitate, Vladislaus æmulum in electione nullum habuerit: Ita mentes omnium, seu desperatione, seu reverentia, seu affectu, cum dignissimum omnes judicarent, in unum conspiraverant. Intercessere ipsi Serenissimi Fratres, Romanus quoque Pontifex Urbanus VIII. Romanorum Imperator Ferdinandus II. Filius ejus Ferdinandus III. Hungariæ Rex, aliisque. Placuit Reipublicæ, quod propositum suum, tot exterorum Principum intercessionibus erigeretur. Nihil ergo restabat, nisi ut vota in voces crescerent, & qui jam animo Rex nominabatur, verbo diceretur. Solum hoc tempus remorabatur, quod tardius, exorbitantium affectu votis currere videbatur. Sed tandem & ipsa adfuit exoptata o-



mnibus serena fronte dies, Vladislaum viduæ Sarmatiæ Regem, Sarmaticum Vladislao collatura Regnum. Itaque, quod felix, faustum, fortunatumque, in campo sub dio Reipublicæ capita convenire: adfuit Generosa & ipsa votis concursura Nobilitas, & plebs innumerabilis Warfaviensibus effussa portis, ad Solennitatem curiosa convenit. Johannes Wezyk Gnesnensis Archiepiscopus Primas Regni, unde initium rerum omnium, à Deo cœpit. Et Sacrum de S. Spiritu hymnum, populo succinente, de geniculis inchoavit. Tum, prævia Oratione, ad talem eligendum Regem universos exhortatus est, qui Ecclesiæ Catholicæ ornamento, Reipublicæ Polonæ præsidio, Sarmatiæ universæ emolumento futurus judicaretur. Ne autem judicia humana fallerent, rogandum Deum Ter Optimum Maximū, ut instillare sensibus omnium & intellectui, dignissimum non dedignetur. Iterum ergo ingenua provoluti adoravere. Interim vero (quod in tanta hominum plusquam centum milliū multitudinem miraculo simile fuit) tam profundum silentium erat, ut ne hinnitus quidem equi, non tussis male sani, non murmur aut strepitus audiretur; immo ne hominum quidem umbra præsens fuisse videretur. Tum vero, cum illa Senatorum Primatumque Majestas se sursum movit, ora omni-



omnibus sua rediere: ita geminato murmure, ut tacuisse tantum ad ingeminandas, recepto spiritu, voces viderentur. Inde mutua reverentia ab invicem discedentes, singuli Palatini ad singula tabernacula se contulere: & votum ipsi suum primo emittentes, à Primatibus Nobilibusq; singulis Palatinatus sui collegere.

Hinc tertium, in ipsa jam electione, rarum emerfit. Cum enim Palatini, ad circulum subdiorum reversi, universorum vota apud Archiepiscopum Gnesnensem deponerent, insolenti quadam concordia, ita in unum Vladislauum conspiravere, ut è tot millibus non unum fuerit, quod ad alium dirigeretur. Singulare hoc Dei beneficium erat, pacis & concordie Principis, qui eandem omnibus mentem Divinitus instillaverat. Amoris & affectus indicium erat, cum, quem pectore suo clausum, singuli gessissent, communibus votis aperuissent. Immo & omen erat felicissimum fore, & concordiam pacemque subditis universis collaturum, in quem tam feliciter & fortunate, tot diversarum suffragia gentium, & Polonica, & Lithuanica, & Russica, & Borussica, & Masovitica, & Podoliana concordassent. Quem Senatores omnes, & Nobilitas universa, & Civitates præcipuæ, quibus ferendi, in electione Regum, suffragii jus competit, pari desiderio anhelarant, unâ omnes elegerant mente ac voce.

*Omnium  
voti Vladislai  
disla<sup>o</sup> Rex  
electus.  
Mense  
Novemb.  
Anna  
1632.*

Sic



Electus  
Rex pro-  
clamatur

Sic etiam Archiepiscopus Gnesnensis accepit,  
& consilia divina miratus, Deū laudans, Sarmatiæ  
novoq; Regi tacite congratulabatur. Itaque hilari  
fronte ad Marscalcum Regni Lucam Opalinium  
conversus, Serenissimum Vladislau hæreditarium  
Suecię Regem, electum Magnū Moscovię Ducem,  
nunc electū Dei gratia Polonię Regem & Magnū  
Lithuanię Ducem, non sine voluptate utriusq; de-  
claravit. Marscalcus Magnatibus Regni, inde po-  
pulo universo, electum Vladislaum Polonię Regē,  
& Magnum Lithuanię Ducem, vicissim aperuit, &  
primus votivam illam lætitię congratulationisq;  
plenā vocem, *Vivat*, ingeminavit. Tum vero uni-  
versa multitudo imitata Marscalcum, eandem vo-  
cē cum fœnore reddidit, tanto reboatu, ut multo-  
rū auditus periclitaretur, cum tot millium guttura  
ad raucedinem laborarent. Inde, cum promiscuum  
vulgus cæpisset vociferandi vovendiq; satietas, ad  
agendas Deo, pro concessa felicitate, gratias, Sena-  
tores cōvertebantur. Et Gnesnensis Archiepiscop⁹,  
SS. Ambrosii & Augustini hymnū. *Te Deū Lauda-*  
*mus*, solenniter inchoavit: qui Musicorum voci-  
bus, Chelis & Cymbalis continuatus, & tandem  
modeste plerorumque circumstantium vocibus,  
præ lætitia, quasi coadjuvantibus, absolutus,  
- fortunatissimæ coronidem electioni  
imposuit.

CA.



## CAPVT SECVNDVM.

## ARGUMENTVM.

VLADISLAI IV. in Poloniae Re-  
gem Coronatio.

## SUMMARIUM.

*Reges à natura monstrari: quæ varias Cere-  
monias, ad eos à vulgaribus distinguendos, excogitavit.  
Hæ Cereemoniæ explicantur: & quod Reges ab ijsdem  
officii sui admoneantur. Polonia anhelat coronationem  
Vladislai IV. ut maturius ejus virtutibus, ab invasio-  
ne hostrum liberetur. Sed Vladislaus, febris corre-  
ptus, & septimanis aliquot lecto affixus, vota omnium  
nonnihil retardat. Tandem tamen convalescens Cra-  
coviã proficiscitur: quam Summa magnificentia &  
pompa ingressus, postridie Parentibus suis justa per-  
solvit, & Anno 1633, 6. Feb: die Dominica, solenniter  
coronatur.*

Q Uemadmodum Reges natura monstravit, ita  
modum quoque suggessit, quo à vulgaribus  
distinguerentur, & non uno titulo venerabiles Ter<sup>Natura</sup>  
rarũ Orbi proponerẽtur. Ad hoc eis Diadema, Sce<sup>Reges</sup>  
trum, Pomum aureum, Gladium, Sacram unctio<sup>monstra-</sup>  
nẽ, Dalmaticã, piviale, & tot cæremonias, in coro-  
natio



natione adhiberi solitas, excogitavit partim, partim etiā revelatione Divina accepit, ut & secularib<sup>9</sup> & Ecclesiasticis gradibus, ad dignam eminentiæ suæ Majestatem, Reges ascenderent: quæ omnia tamen vicissim Reges officij sui commonefacerent; ut quot Ceremonijs totidem fere Sacramentis, ad iustum Regimen, instruerentur. Quid enim oleum, quo primo inunguntur, aliud, quam ut, à Deo faciendum initiū, doceantur, et, sine ope Divina, tanto se operi impares, & infirmos cogitent; cujus, per unctionem, benedictione, in omnibus cōfirmantur? Quid, immediate post unctionē, piviale & Dalmatica, nisi ut, quatuor initijs formato pallio, de potentia Dei pariter moneātur; cui quatuor partes Orbis subjectæ, & cujus indulgentia Reges terram possident? Quid gladius, nisi ut, justitiæ memores, huius adminiculo, puniant improbos, molem iniquitatis, & hostes, destruant; & Ecclesiam, populosque sibi subjectos, à periculis fortiter tueantur? Quid Diadema, nisi ut eminentiam suam cogitent, et, quemadmodum dignitate & honore reliquos homines, ita rebus optimis quoque præcedant; nec virtute minus, quam præmio virtutis emineant; præsertim quia

*Ceremonia coronationis Regia quid significet.*

*Regis ad exemplum totus componitur Orbis?*

Denique ( ut singula non discutiam ) quid Sceptorum

rum



rum sive virga, nisi ut, unde Reges nominantur, moderati regiminis recordentur, et, procul tyrannide, se populorum quasi Magistros cogitent, et, è subditis, malos terreant, bonos elevent, errantes autem & dubios, aut doceant, aut confirment? Recte ergo, tum ad dignitatem eorum, tum ad utilitatem etiam, statim post electionem, vel ipso auspicio sui regiminis, Diademate Reges coronantur; ut uno semel compendio, & sui, & officii sui, à Cæremoniis ipsis admoneantur.

Itaque amabat quoque Polonia Vladislaum <sup>Regis in-</sup>  
 IV. quem ob easdem rationes in Regem suum ele- <sup>firmas</sup>  
 gerat, cæremoniis etiam solitis solenniter confir- <sup>coronatio</sup>  
 mari, & amabat impensius, & serio magis, quo ma- <sup>nem re-</sup>  
 turius ejus virtutibus erigeretur, & ab insultibus <sup>tardat.</sup>  
 hostium Respublica liberaretur. Jam enim & Sarmatiam Mosci intraverant, imminebant Turcæ, vagabantur Tartari, & è longinquo Sueci minabantur. Et anhelabat ipse Vladislaus etiam, ut, dignitate consummatâ, expeditus in hostes & prælia proficisceretur; adeoque Regnum maximum, quod ob virtutes Regias omnes electione acceperat, victis in circuitu hostibus, pacifice possideret. Sed ipsius, & omnium vota, importuna, post electionem ejus, infirmitas non nihil retardavit.

Acutissima enim febris correptus, maximo omniū

cum dolore, decubuit, & non, nisi post Septimanas aliquot, vires recepit.

*Conva-  
lescens  
Cracoviā  
profici-  
tur.* Ut primum autem valetudo in melius ivit, ad consuetum hujus solennitatis locum, Cracoviā profectus est. In cujus viciniam cum venisset, in amenissimo prædio Cellariorum, medio circiter à Cracovia milliari, noctem unam transegit. Ubi illuxit, tanta Senatorum, Capitaneorū, Nunciorum Terreſtrium, & promiscue aliorum Nobilium, ad cohonestandum eius ingressum, multitudo confluit, ut numerosi exercitus speciem præberet. Superant enim, in hac parte, omnes facile Nationes Orbis, Poloni, quas non numero tantum, sed etiam splendore transcendunt.

*Ejus so-  
lennis in-  
gressus An.  
1633.  
3. Feb.* Itaque Vladislaus Rex, aliquot Nobilium milibus comitatus, ea magnificentia Urbem ingressus est, ut triumphū potius quam ingressum diceret. Præcedebat Archiepiscopus, quem Episcopi, Palatini, Castellani, Capitanei, Nuncij Terreſtres, externorum Principum Regumque Legati, & alij, æmulo vestium apparatu, suo quique ordine, Nobiles comitabantur: quorum aliqui, præsertim Senatores, centenis aliquot famulis, pro more Patriæ, comitati, Hunnorum alij, Gothorum Wandalarumque alij, Turcarum, Tartarorum, Persarum, & Hungarorum alij, & omnium fere gentium, aut ut  
viguit



viguit olim, aut ut usurpant modo, habitum referebant. Nec interim Cracovienses feriabantur: quorum alii, è tota Pentapoli, in occursum Regium, multis cuneis egrediebantur: alii expurgatas plateas pinearum semper virentium sertis, & parietes ædium tapetibus variis exornabant. Sic Rex, extra Urbem, à diversis, diversorum Cracoviensium Oppidorum, Senatoribus Salutatus, sub aureo Cælo, inter frequentes tormentorum explosiones, in Urbem equitabat, & Regium deinde Palatium, inventionibus novis & variis exornatum, subiit.

Antequàm autem coronaretur, placuit prius <sup>Parentibus suis</sup> serenissimis Parentib<sup>9</sup> suis (nam Regina quoq; non <sup>justa per-</sup> ita pridem obierat) <sup>solvit 4. Febr.</sup> iusta persolvere. Quod sequenti die omnium Senatorum comitatu factum, prosequentibus, Orationibus gravissimis, typoq; vulgatis, Mathia Lubinski Plocensi Episcopo, & Johanne Lipski, tunc quidem Culmensi & Pomesaniæ Episcopo, nunc autem Archiepiscopo Gnesnensi, Primate & Primo Principe Regni, Tertia autem ab ingressu die, more Regibus Polonorum consueto, pedes, licet nondum omnino in valetudine confirmatus, rupeculam Casimirianam ascendit, & S. Stanislai reliquias venerabatur.

*Ejus in  
Regē Po-  
lonia co-  
ronatio  
6. Febr.*

Sexta demum Februarii die, quæ erat Do-  
minica, ad solennia coronationis processum est.  
Tum Johannes Wezik Gnesnensis Archiepisco-  
pus, Pontificaliter indutus, cum diversis Episco-  
pis, Abbatibus infulatis, & toto Clero, ad Palati-  
um Regium processit: quod cum Episcopis so-  
lis ingressus, Regem ( per Marschalcum interim,  
sandaliis, tunica, chirothecis, alba, Dalmatica,  
Pallioque vestitum ) inter Primores Regni stan-  
tem, aqua benedicta asperfit, & acceptum, inter  
Episcopos Cracoviensem & Cuiaviensem, me-  
dium, præferentibus Senatoribus, quibus hoc  
officii est, Coronam, Sceptrum, pomum aureum,  
& gladium evaginatum, ad D. Stanislai Basilicam,  
solenni processione deduxit. Ibi, postquam re-  
galia, qui ea portabant, Senatores, in altare de-  
posuissent, & Rex, ex concepta formula, jura-  
mentum, de servandis & manutenendis Juribus,  
Privilegiis, Libertatibus Ecclesiasticis & Sæculari-  
bus, privatis & publicis Regni & M. D. Lithuanie,  
præstitisset, Dalmatica & piviali exuebatur: qui-  
bus, cum ab Archiepiscopo oleo Sacro esset inun-  
ctus, solenniter iterum indutus, ab eodem Archi-  
episcopo gladius, ejus dexteræ prius insertus, la-  
teri accingebatur. Inde diadema illi imposuit, &  
aureo pomo sinistram, dexteram vero Sceptro  
imple-



implevit. Quibus solita solennitate peractis, Rex panem & vinum sub offertorio obtulit, et, pacem (ut dicitur) exosculatus, Sacrosanctum Christi Corpus accepit. Demum, absoluto Sacro, ad thronum, medio templo ordinatū, ab Archiepiscopo ductus, & (ut ita dicam) inthronisatus, gubernaculis Regni præficiébatur. Ita Vladislao solenniter in Poloniæ Regem coronato, Archiepiscopus, *Te Deum Laudamus*, exordiebatur: quo omni musicalium instrumentorum genere absoluto, Rex, accepto in manus sacro gladio, aliquot optime de Republica meritos, ad Equestris ordinis dignitatem evexit. Ad Palatium deinde deductus, accumbentibus ordine Senatoribus, ipse in throno, ad mensam eminentiorem, cibum cepit. Et ita quidem istius diei solennitatilatum.

Sequenti die Rex, præferentibus Senatoribus iisdem regalia, maxima cum solennitate, ad <sup>*Festivia*</sup> forum deductus, à civibus, in edito Solio, ad hoc <sup>*post coronationem*</sup> pulcherrime juxta prætorium facto, iurjurandum, & pretiosissima aurea & argentea dona accepit: et, sinistra pomum aureum, dextera gladium evaginatum tenens, aliquot benemeritos, iterum nobilitate donavit. Subsequentibus deinde

inde diebus, coronationis suæ solennia, tum spectaculis variis, tum audiendis congratulantium variorum Principum legationibus clausit; & mox simul à solennibus animum ad alia transtulit, quæ sequemur.





## CAPVT TERTIVM.

## ARGUMENTUM.

VLADISLAI IV. Solennis legatio  
missa Romam.

## SUMMARIUM.

*Vladislaus Rex, post coronationem suam, Georgium Ossolinski, ad obedientiam Summo Pontifici præstandam, Romam mittit. Hic Georgius Ossolinski describitur: ejus prudentia in instruenda legatione. Stupenda magnificentia Romam ingreditur, & obedientiam Summo Pontifici, Vladislai IV. nomine, mira eloquentia præstat. Filij unici titulo à Romano Pontifice cohonestatur, & eadem Pompa regressus, majorem Polonica Nationis æstimationem, Vladislai vero Regis maximam, Orbi illidit; adeoque legatio hæc, in summam utriusque gloriam desit.*

**S**olennitatibus coronationis peractis, more Imperatoribus Regibusque Christianis consueto, de obedientia Summo Pontifici exhibenda, Polonia Rex Vladislaus IV. cogitare cepit: quam præstare quidem certissimum erat, sed per quem in deliberationem venit. Oportebat enim talem esse, qui Regis Septentrionalium maximi Ma-

Rex Georgium  
Ossolinski  
Legatum  
Romam  
legit.

D

jesta-

jestatem, eminentiā, & magnitudinem, moribus suis referret: qui triumphos & victorias ejus, tum & liberrimæ gentis magnanimitatem, generositatem sua exprimeret: & deniq; talem per quem Vladislaus, & Polonia loquerentur. Itaque Rex non minus judicio quam imperio maximus, caput oculos suos circumferre ad opus, & cum plurimos in fortunata hac parte Polonia dignos intueretur, unum tamen ex omnibus Georgium Ossolinski legit velut oportuniorem. Quem Virum, quia non tantum tanti circa se Regis opinioni respondit, sed perennem etiam terrarum Orbi, inusitata hac suæ legationis dispositione, splendore, & ordine, stuporem illis, circa rarum velut una rapti, curiosius aspiciemus.

*Quis iste  
Georgius  
Ossolinski.*

Ille itaque Georgius Ossolinski Comes in Teczyn, antiquæ nobilitatis familia genitus, pueriles & adolescentiæ annos, more majorum suorum, non amœnioribus tantum, sed severioribus etiam Musis impendit: & adeo quidem feliciter, ut easdem, quas diu coluerat, tandem in ævum socias sibi adjungeret. Inde animus ille discendi avidus, & Poloniæ terminis nescius circumscribi, pleraq; alia Europæ Regna, in spem majoris fructus, sibi impressit. Nec minori quam conceperat utilitate, Germaniam, Belgium, Galliam, Italiamque

per-



peragrans, omnium istarum regionum linguas,  
 & necessariam scientiis consummandis experien-  
 tiam, in Poloniam retulit. Mox ergo publicis re-  
 bus admotus, eam prudentiæ & omnis eruditionis  
 famam sparfit, ut legationibus extraordinariis re-  
 gni adhiberetur. Ita Anno 1621. cum periculosum  
 illud bellum Valachicum immineret, à Sigismun-  
 do III. gloriosæ memoriæ, Legatus in Angliam,  
 missus, & è naufragio quasi resurgens, etiam ab  
 illo Rege subsidium militum impetravit: quam-  
 vis, ob belli illius inopinatum finem, serotinum  
 illud, & alterius dolo alio tractum. Ab eo tempo-  
 re, in summis semper officiis, Curios, Tuberones,  
 ac Fabricios imitatus, ea sanctitate vixit, ut nulli  
 corruptioni obnoxius, publice & aperto capite  
 potuerit dicere: *Libertates Regni non vendidi*. Sup-  
 par Offolinio huic, hac in parte, Petrus Rose, in  
 Belgio Sanctioris concilii Præses: qui, antequam  
 adhunc eminentiæ gradum ascendisset, ea semper  
 integritate vixit, ut Secretarius ejus, hanc illi di-  
 gnitatem, ob solam virtutem ejus, ominaretur.  
 Tandem, in ea jam constitutus, ad aucupandam  
 gratiam viri, non infimæ conditionis homo, pre-  
 tiosissima munera obtulit. Quæ ille cum genero-  
 se sprevisset, eo tandem ab importuno flecti se pas-  
 sus est, ut caput porcinum se admissurum pro-

mitteret. Quod cum alter, catena aurea circa dentes disposita, & rictu oris adamantibus auroque repleto, obtulisset, ille, præ indignatione impallens, *ergone me corruptibilem*, inquit, *judicasti?* *Apage: nec aliud à me porro, quam supercilium meum*, & *justitiæ publicæ rigorem expecta*. Et quam recte hoc illi! Prudentissimus quisque, ait Seneca, *cum primum induci videt munuscula, à theatro fugit*, & *scit magno parva constare*. Cæterum, ut ad propositum revertamur, Is, & ejusmodi erat Georgius Ossolinski, cum supremus Polonicæ coronæ Legatus, à Vladislao Rege, Romam destinaretur. Quo munere deinde maxima sua cum laude, & totius Orbis admiratione defunctus, Legatus postea, ab eodem Rege, & ad Rempublicam Venetam, & ad Serenissimum Electorale Collegium Ratisponam missus est. Et talis Sacratissimo Imperatori Ferdinando II. apparuit, qui majoribus titulis dignus judicaretur. Itaque, ab eodem Cæsare, in Sacri Romani Imperii Principem elevatus, parem meritis suis dignitatem in Sarmatiam retulit. Sed hæc per anticipationem.

Omnia  
ad legationem  
necessaria dispo-  
nit.

Ut primum ergo hic Princeps Ossolinski, hoc legationis officium Romam, jussu Regio, sibi subeundum sensit, statim ad media, quibus tanti Regis, à quo mittebatur, Majestatem, victoriarum.

ac



ac triumphorum gloriam, prudentiæ ac magnificentiæ famam, divitias, vires, & arma, quasi primo intuitu, spectatrici Romæ, veluti compendio terrarum Orbis, ingereret, animum vertit. Ad quæ, multa consideranti, tria potissimum necessaria videbantur. Primo, ut comitatum & famulitium legeret, probitate, moribus, corporis proceritate, ac auctoritate vultus, muneri suo conveniens, & ex quo singuli, sicut ille Regem, se loquerentur; non nescius, ex horum compositione, iudicium de Rege, de Regno, de Legato sumi. Secundo, ut omnes secum veste patria uterentur: tum quia nihil in illa fœminei, et, procul ab omni mollietie, magis venerabiles viros proponit, & militares animos viriliter exprimit: tum etiam, quia nunquam antea Romæ visa, ipsa sui novitate, tractos in curiosiorem considerationem intuentium oculos, recrearet. Non ignorabat enim prudentissimus Princeps, si peregrina occidentalium nationum veste uteretur, languidius homines concursuros; nihil amplius quippe visuri, quam quod quotidie præter oculos iret. Præsertim cum in eorundem vestium splendore nihil, quicquid excogitari poterat, à Criquo nuper, Galliarum Regis Legato, fuerat intermissum. Hunc sequi videri polle, si in eadem vestium ratione splendorem æ-

mularetur. Sed & Criquius idem, & notabilis fulgor legationis illius, in mentem veniebat: cui cedere Vladislaum Regem, gentemque Polonam, è dignitate utriusque conveniens non judicabat. Hinc ergo tertiū, quod necessarium videbatur, emerfit. Videlicet ut, quod in Criquii legatione argentum fuerat, aurum faceret: quod aurum, uniones & margaritas: quod uniones & margaritæ, smaragdos, pyropos, chrysolitos faceret & adamantes. Adeoq; non uno modo splendidior, & comitatus sui elegantia, & vestium ibi inusitatarum novitate, & inæstimabilium rerum pretio pompaeque, de omnibus ante hac legationibus, ad Pontificem Romam missis, quodammodo triumpharet.

Laudabile autem hoc in Regibus & Legatis, hac in parte, studium esse, velle eminere, tum Politicorum omnium scriptis, tum inveterata, à tot seculis, Regum consuetudine, comprobatur. Ita Artaxerxes Persarū olim, Politico-Christiani verba sunt, ad Alexandrum Romanum, quadringentos in una legatione misit, omnes corporum proceritate & ornatu insignes, ut merito dubitaverint spectatores, corpora ornatum vestibus, an vestes corporibus darent. Ita mutuo in his forma & vestis lenocinabantur, mutuoque splendore decus addebant & admirationem. Sic ante seculum integrum, & tot insuper annorum

Laudabile est in legationibus velle eminere. scrib. lib. secundo.



rum decades, magnanimus ille Galliæ Rex, non splendidam tantum legationem ad Pontificem, Romam, sed equos etiam argenteis soleis calceatos, primus in Urbem misit. Sequutus modernus Christianissimus Rex Ludovicus XIII. & equos pariter, ex eodem metallo soleis, calcantes humū, cum Criquio Legato suo, in eandem Urbem misit, & numero personarum, in admirabilem magnificentiam exornato, prædecessores omnes suos superavit. Ut taceam, & in China, & in Japonia, & in aliis Regnis, ab Europa toto Cœlo discretis, eandem Regum Legatorumque æmulationem studiūque legi.

Itaque, ut ad Ossolinium Principem reverta-  
mur, hic secundum laudabilem hunc tot gentium  
& seculorum morem, omnibus, eadem magnani-  
mitate, qua conceperat, in effectum deductis, lon-  
gini tandem itineris seriem feliciter auspicatus  
est. Et quamvis non lente procederet, non ante ta-  
men, quam Anno 1633. 20. Novembris, Romanæ  
Urbis territorium attigit: cui statim octoginta,  
sexigæ Cardinalium & Romanorum Equitum,  
cum Cardinale de Torres. Amplissimi Poloniae Re-  
gni protectore, octo ultra pontem Militum mil-  
liaribus Italicis, obviam prodierunt. Cum autem  
Summus Pontifex Urbanus VIII. gravi tunc tem-  
poris

Princeps  
Ossolins-  
ki in Ita-  
liam pro-  
ficiat,  
& Ponti-  
ficem pri-  
vatim sa-  
lutat.

Anno  
1633.  
20. Nov.

poris catharro decumberet, peracto mutuae salutationis officio, ab eodem Cardinale de Torres, aliquot Roma miliaribus, versus portam Flaminiam, ad Palatium Iulij III. deductus est. Inde, assumptis comitum suorum præcipuis, ipse cum Cardinale De Torres, rheda Cardinalis Barberini, invitante Filo Marino Cameræ ejus Præfecto, exceptus, Romam properavit, ut Summum Pontificem privato nomine salutaret. Quod disertissima Oratione, & concinnatis in miram officiositatis speciem verbis ex tempore faciens, statim, prima quasi superficiierum, amorem Summi Pontificis, nec non eximiam eloquentiæ laudem meruit. Adeo etiam ut Summus Pontifex summo pere dolere se diceret, quod infirmitate impeditus, non statim pro voto suo, gratissimo ejus solenni ingressu frui posset.

*In Palatio Iulij III. diebus aliquot moratur.* Caterum, absoluto privatae salutationis officio, Princeps Legatus ad Palatium Iulij III. rediit, et, quoad publicæ legationis suæ munus, inter felicia sua numeravit, quod, ob valetudinem Summi Pontificis, aliquot diebus solennem suum ingressum suspendere copia fieret: tum ut longinqui itineris nauseam, tali præsertim tempore anni, cum comitatu suo, optata quiete decoqueret: tum etiam ut melius omnia, ad solennitatem, & per



per otium quasi, disponderet, diem sui ingressus, quem alias casus pro placito daturus fuerat, electurus: denique ut Romani, quibus, quicquid post Criquium aliquis conaturus erat, vile videbatur, per occasionem, instar præludii, nunc inusitatarum vestium novitate, nunc his, nunc raritatibus aliis, ad splendorem solennitatis totius, & curiositatem, mutua invicem relatione, irritarentur. Factum est ut Princeps judicaverat, & ea curiositas animos Romanorum invasit, ut in spē futuri splendoris Roma erigeretur.

Itaque Princeps Legatus, videns omnia ad <sup>Solemniter & in-</sup> intentum suum adolevisse, & valetudinem Sum- <sup>audita</sup> mi Pontificis in melius ire, tandem 27. Novemb: <sup>magnificientia</sup> (qui erat dies Dominicus) tempore pomeridia- <sup>Romam</sup> no, ad mentem Summi Pontificis, ante Palatium <sup>ingreditur. 27.</sup> Julij III. Suos in ordinem rite disposuit. Quod ubi <sup>Novemb.</sup> Romæ vulgatum, innumerabilis hominum multitudo portis ad spectandum effusa est. Quinimo & omnis Romana nobilitas, Cardinales, externorum Principum Regumque Legati, honoris gratia, aulicos suos in occursum misere. Adeoque & Romanus Pontifex, ipsum aulæ suæ Præfectum, Faustopoli, Amasiensem Archiepiscopum, cum cubicularijs omnibus & famulatu, obviam ire jussit. Et hac tam mirabili rerum fa-

E                      cie,

cie, Princeps Ossolinski, Vladislai IV. Poloniae & Sueciae Regis Legatus, porta Flaminia Romam ingressus est. Præcedebant duo nobiles Poloni in Attaliciis vestib<sup>9</sup> coccinei coloris, quos sequebantur currus viginti duo panno rubro pretiosissimo recti, & Stematibus variis, Principis Legati comitatus insigniti, quos sex muli singulos trahebant. Post currus decem Cameli, ex quibus dromedarii quinque, rubris tegumentis Attaliciis, purissimo auro prætextis, amicti, à Persis & Armenis ducebantur: his vestis erat oblonga aureis filis intertexta, more Turcico caput recti. Deinde tubicines Polonici quatuor, in viridi veste Attalica, ad plantas pedum usque pendula, cum stematibus pretiosissimis Principis Legati, equitabant: quos triginta quatuor Cosaci, in vestibus Attaliciis coccinei coloris, & pennati, more Polonico, sequebantur: quorum terga equitatus Summi Pontificis, & Cardinalium muli claudebant.

Modico ab hisce divortio, viginti Ephebi, pulcherrimis Attaliciis vestibus coloris cærulei, pharetris insuper Orientaliū more, aliisque sumptuosissimis militaribus armis decori, equitabant. Hos præcessit Chociszewski, ætatis proVectæ homo, clypeum & sagittam, Persarum more, manu tenens,



niens, alis etiam ad ephippium alligatis, in splendidiſſimo habitu: adeo auri, gemmarum, ac lapidum pretioſiſſimorum numero ac varietate lucens, ut ſpectantium mirabili fulgore verberans oculos, in ſtuporem pariter animos unraperet. Ducti, poſt Ephebos hoſce, quinque equi Turcici generoſiſſimi, quorum ephippia & ornamenta omnia, auro puriſſimo, pretioſisque lapidibus, ad invidiam uſque, reſplenduere. Primum ephippium ſolis adamantibus erat diſtinctum: Secundum eranis: pyropis tertium: quartum variis pretioſis lapidibus: quintum fere inæſtimabile ſolis adamantibus erat refertum. Præcipue vero periſtroma, quod ob multitudinem adamantum dignoſci non poterat. In fronte inſuper equi quoddam quaſi monile fuit, quod viginti millibus Scuratorum, Polonicalium vero florenorum octuaginta millibus fuit æſtimatum. Hi omnes equi, quod inauditum ab ullo ſeculo, ſoleis aureis calceati fuere, ad fragilitatem omnes diſpoſitæ: quarum duæ etiam per partes in vulgi manus venire. Equos autē hoſce Perſæ pariter & Armeni ducebant, eodem cum Camelorum ductoribus habitu ſuperbi. Poſt hos Principis Legati ſtabuli Præfectus, clavam argenteam manu premens, viginti ejuldem Principis Legati cubi-

cularios, frameis aureis & aliis pretiosissimis armis spectabiles, duxit: inter quos Gembicki, & Lipski, nobilissimi adolescentes, eminuere: quos sedecim aulici Hispaniarum Regis Legati, nec non & Cardinalium Officiales, & variorum, Christianorum Principum, Legatorum familiares, sequebantur.

Modico iterum post hos intervallo, viginti principaliores aulici Principis Legati, inæstimabilis pretii vestibus decori; equitabant: quos Jacobus Zelinski, ejusdem Principis aulae Praefectus, clavam argenteam manu gestans, praecessit; cujus latera nobiles duo claudebant. Inde Princeps D. Enrichemont, Cricuii Galliarum Regis Legati cognatus, magno Gallicorum nobilium numero comitatus, sequebatur; cujus vestigia Cubicularii Summi Pontificis, pariter equites, premebant.

Et jam ad praecipuos Principis Legati comites ordo devenerat, quos Romani Equites bini & bini medios introducebant: ex hisce primus, post Cubicularios Summi Pontificis, Komorowski Cracoviensis Canonicus erat, quem tres germani fratres Narussiewicz, magni Thesaurarii Lithuaniae filii, sequebantur. Post hos autem, Wezick, Johannis Weziek Gnesnensis Archiepiscopi, Primatis



matis & Primi Principis Poloniæ Regni, ex fratre  
 nepos, cum Christophoro Lanzcoronski, & Sta-  
 nislao Minozki, S. R. Majestatis, Cubiculariis, e-  
 quitabat; quorum vestigia Carolus Corniat.  
 Principis Legati nepos, veste lapidibus & pelli-  
 bus pretiosissimis superba, premebat. Inde Lips-  
 ki Plocensis Canonicus, cum Roncallio Secreta-  
 rio, Regio, Summæ doctrinæ & authoritatis Viro  
 sequebatur. Post quos Dobieslaus Ciekliniski Se-  
 cretarius itidem Regius introducebatur: qui e-  
 quo generosissimo Arabico vectus, stupenda,  
 quadam agilitate, catenam auream in frustula  
 minuta dicerpsit; quæ ad equi peristroma pen-  
 dens, anhelanti tandem & curiosæ plebi in spo-  
 lium cessit. Hic veste insuper ad talos usque di-  
 missa, & lapidibus multis pretiosis superba, intuen-  
 tium oculos mira voluptate perfudit. Post  
 hunc, Zebrzydowski natu minor, in splendidissi-  
 mo habitu Gallico, Potocki Palatinides Braslavi-  
 ensis, Palatinides itidem Smolenscensis, & duo  
 Firlei Palatinides Sendomirienses sequebantur:  
 Quorum vestigiis, Comes Theodorus Tarnow-  
 ski, & Alexander Lubomirski Palatinides Russiæ,  
 compositis in admirabilem magnificentiam ve-  
 stibus ornati, insiliebant. Novissime Nicolaus  
 Ossolinski, Ossolinij Principis Patruelis, in longa

& viridi holoserica veste, Zebellinis pellibus pretiosis subducta, & exterius lapidibus pretiosis ornata, equitabat: cujus verticem, Palatinides Callissienfis Grudzinski, & Petrus Danielowicz Praefectus Parsteinensis, ornamentis omnibus fere inæstimabilibus splendidi, & generosissimis equis Turcicis vecti, claudebant.

Immediate Legatū ipsum, Gembicki Gnesnensis Suffraganeus, hujus Legationis Secretarius, præcedebat: Qui latus ejus sinistrum prius stipaverat, sed, ad portā del populo, Reverendissimo Domino Faustopoli, Amasiensi Archiepiscopo, loco cesserat. Ita Princeps Ossolinski, Vladislai IV. Poloniae & Sueciae Regis Legatus, inter hunc & Cajetanum Patriarcham Alexandrinū (qui dexteram ejus occupavit) medius, cludentibus latus ejus utrūq; triginta stipatoribus, unius coloris vestibus, & globis pennisq; argenteis, Polonorum more, ornatis, Urbem Romanam ingrediebatur. Vestis illi inferior pretiosissima Phrygia erat, densissimo plumata auro, quam viginti (ut ita dicam) simbriæ, Polonice vulgo Petlice, adamantinae, & globi viginti ex meris adamantibus decorabant. Framea ex auro purissimo erat, eranis & margaritis pluribus variegata: quæ sola quinq; millibus Scuratorum, hoc est Polonicalium florenorū viginti millibus, æstimabatur.



batur. Vestis superior longissima pariter Phrygiæ; in qua viginti adamantiæ fimbriæ, seu Petlice Polonice, & globi ex singulis adamantibus totidem. Equo Turcico generosissimo, soleis aureis calceato, vehebatur; cui ad caput pluma nigra solis adamantibus lucens. Cristæ auriculares vero, ut & ephippium, stapedes, & peristroma totum, gemmis variis, plurimis, & pretiosissimis distinguebantur. Hunc ornatum Princeps Legatus, propria corporis autoritate in immensum auxit. Et cum Romani equum, paramenta, & ornatum corporis Ossolinii Principis mirarentur, majorem tamen identidem, ex vultu ejus, voluptatem capiebant. Ibi frons lata, ridentes oculi, & facies integra ad temperatâ hilaritatem composita. Deniq; cui deesse nihil eorû videbant, quæ à scrupulosis Politicis, ad Legatum optimum & absolutissimum, requirebantur. Post Legatum Principem, Prælati, Equites, & nobiles plurimi, aut honoris gratia, aut benevolentiam aliquam Polonorum experti, sequebantur. Novissime elegantissima Principis Legati rheda, Attalica viridi inducta, plurimo variegata auro, visebatur. Hanc sex equi generosissimi Turcici trahebant; quibus aurigæ Attalicis togis viridibus, infra plantas pedum pendulis, insidebant.

Hac inaudita ab ullo seculo pompa & magnificent-

ficentia, Princeps Legatus, Porta Flaminia Romam ingressus, ad Palatium suæ commorationi designatum, deducebatur: factis aliquot etiam, à deducantibus Romanis, per nobiliores Urbis regiones, de industria, gyris, quo curiosæ plebis oculi, insolita novitate & splendore, diutius pascerentur. Tantus autem erat ubique concursus, ut aliquando etiam, præ multitudine hominum, vix progredi Legatus potuerit. Ipsum Palatium (quod erat sub monte *della Trinita*) virgultis viridibus, & picturis artificiosissimis, Poloniæ Regis Vladislai IV. victorias, resque gestas repræsentantibus, erat decoratum. Quod cum Princeps Legatus ingrederetur, omnia in circuitu castris S. Angeli tormenta, in congratulationis & lætitiæ signum, detonuere. Triumphum non Legationem diceres. Quamvis nec male dictum iudicem, si utrumq; diceremus. Quippe cum eodem tempore Poloniæ Rex Vladislaus, Schismaticos Moscos, à Smolensci mœniis, in unam stationem abactos, & obsessores obsidens, ad supplicem deditionem paulatim, fortitudine sua sollicitaret, quid aliud videri poterat, quam, per splendidissimam hanc Legationem, in Septentrione cum vinceret, Romæ triumphare! sic est profecto. Nec aliter omnes postea, comperita victoria, acceperunt, quam uni Vladislao IV.

Sup-



Superos induisse, in tanto terrarum divortio, & vincere simul & triumphare.

Cæterum, ut ad Principem Legatum revertamur, hic apud Summum Pontificem Eminentissimo Cardinalium collegio septum, magna presentia sui, nec magnifice minusquam Romam ingressus fuerat, hac Oratione commissum sibi à Serenissimo Rege suo munus Legationis absolvit.

Obedien-  
tiss Sum-  
mo Pon-  
tifici, Vla-  
dislai Re-  
gis nomi-  
ne prestat

*Venit iterum Romam Vladislaus, Pater Beatissime, & qui nuper Barbaricis ornatus laureis, ad tuos pedes venerabundus jacuit, is hodierna die triplici cinctus diademate, ante hanc Apostolicam Sedem tuam, per me Oratorem suum, supplex procumbit. Vladislaus, inquam, Polonia, & Sveciæ Rex, ac Magnus Moschorum Dux, qui antequam regnaret, Regum ac Regnorum Tyrannos debellavit; qui Romam triumphator sine triumpho ingressus, pia vota, & Pontificiorum pedum oscula triumphalibus prætulit; qui, cum videri noscique maxime nollet, Urbis, & Orbis oculos in se convertit; qui nova Tyberim felicitate beavit, cum citra Rhenum fluere solitum, invicta dextera, ultra Tyram, ac Boristhenem traxit; qui denique desertori populo, Græcum Constantinianæ donationis diploma è superba Gaza eripuit, tanquam pro Romano Pontifice pugnasset, cui Romam, hostium etiam spoliis, asseruit. De hoc tali, ac tanto Principe, tibi Pa-*

ter Beatissime, non in cunis, sed in ipso gloria, ac rerum  
gestarum fastigio, non fama, sed aspectu, ac familiari-  
tate noto, quid in hoc amplissimo Orbis Theatro affe-  
ram, haud reperiō. Jam enim olim sapientissimo tuo  
judicio omnes ejus penetraſti ac percenſuiſti virtutes,  
easque, uti probè cognitās, quæ liberæ gentis Sceptra  
moderentur dignas judicaſti, cum non ita pridem Vla-  
dislaum unum eſſe, qui Poloniſ imperare queat, ſolenni  
commendatione aſſeruīſti. Huc ergo potius mea deſte-  
lat Oratio, ut quos, qualesque populos tibi, ſanctæque  
Sedituæ, ſupplices Rex noſter ſecum offerat, declarem:  
quod dum exequor, Pater Beatissime, Paterno affectu  
favēbis Filij, Pontificatus tui natu minimi, glorioſis co-  
natibus. Solenne enim Patrum eſt, eorum geſtis potif-  
ſimum recreari, quos recentiori, ſive lucis, ſive gloria,  
partu Orbi ediderint. Quidcumque ergo gentium Se-  
ptentrio tegit, quam late à Carpathiis Montibus ad  
Caſpium mare, à glaciali Oceano ad Pontum Euximum  
patet Europa, totum id, genu ſectente Vladislao, ante  
thronum tuum proſternitur, Pater Beatissime. Omnes  
enim illæ gentes, aut liberis ſuffragiis eum ſibi Regem  
dixerunt, aut hæreditario jure, licet refragæ, ad ejus  
ſpectant Majestatem, aut denique armis ſubactæ Do-  
minum recognoscunt. Sed primum merito locum obti-  
net Polonia, quæ uti Principibus ſuis libere paret, ita  
Religionem & Sacra, nulla vi, nullo metu adacta colit.

Illæ,



Illa, illa Sarmatia, Romanorum armis imper via, Ro-  
 manæ Religioni mancipata: illa, tot olim superstitionum  
 altrix, nunc unius Dei serva: illa libertatis custos  
 acerrima, nullius jugum experta, Romanis Pontifici-  
 bus, eorumque Sedi Apostolicæ obsequentissima. Polo-  
 nia, inquam, quæ sola Monstra non parit. Nulla in-  
 de hæresis, nullum Schisma, & si qui vicinarum gen-  
 tium peste afflati, acerrimo legum supplicio, & perpe-  
 tue infamiae nota, à reliquæ nobilitatis corpore rescin-  
 duntur. Si quis legem, Vladislao Jagellone Rege la-  
 tam, totius nobilitatis, patrio more, consensu firma-  
 tam, legerit: fatebitur, nullius concilij anathema hæ-  
 resim acrius perstrinxisse. Et quamvis iniquitatitem-  
 porum, amorique consanguineo aliquid indulgisse vide-  
 amur: non tamen legem abrogari, unquam passi su-  
 mus, nec patiemur: testaturi posteritati, nos legum,  
 Patrieque salutem, unius Religionis integritate fir-  
 mare. Hoc ipso lugubri nuper Reipubl. nostræ statu,  
 cum Sigismundum Regem, vivam pietatis Religionis-  
 que imaginem, Cælo receptam, terris ereptam plan-  
 ximus, vidisses, Pater Beatissime, illis ipsis centuria-  
 tis Comitibus, Senatui, Populumque Polonum, magis  
 pro Religione adversus concives suos, dira hæresi cor-  
 ruptos, certantem, quam de communi Patriæ salute,  
 aut de futuri Principis electione sollicitum. Æqua-  
 vit fervor Procerum curam Antistitum; eorumque,

Et tui Apostolici Nuncij solennes exciuit gratiarum  
 actiones. Innatum scilicet genti Polonæ arvitæ Reli-  
 gionis studium. Hinc illa erga Sacrorum Præsides ob-  
 servantia, quæ eis prima in Senatu subsellia detulit,  
 Et præcipuas Reipubl: partes curare iussit. Tacebo  
 prodigam, ut ita dicam, in Templorum adificia, ac or-  
 namenta, liberalitatem: Omittam cultum Numinis,  
 Et Sacrorum ferventissimum: hæc enim omnia ita se  
 habere Orbis consensus asserit. Animorum certe ejus  
 gentis Magnitudinem, vel inde colligere licet, quod à  
 tot seculis adversus feros, Et immanes nominis Chri-  
 stiani hostes excubent; nec stationem deserant. Otto-  
 manorum signa, quæ tot Acies, tot Urbes validas ex-  
 pugnarunt, tot montium claustra penetrarunt, flumi-  
 numque impetus superarunt, tot Christianorum copias  
 fuderunt, nuda Polonorum pectora stiterunt, Et ne pa-  
 tentes, ac per vios ingrediantur campos, hucusq; prohi-  
 buerunt. Scythicam pernecitatem, ne universam qua-  
 qua versus pervagetur Europam, unica Reipubl: no-  
 stræ moratur Provincia. Moschos solo nomine Chri-  
 stianos, re Et moribus quibusvis Barbaris execrabilio-  
 res, toties vicimus, fudimus, Et demum nobilissimam  
 ejus Regionis partem in Provinciam redeimus. Hæc  
 omnia summa animi magnitudine, ac prorsus Romana,  
 steterunt. Parentavimus siquidem antiquæ Urbi, Ma-  
 jorum nostrorum ferocia læsæ, cum in ejus mores, Et  
 insti-



instituta transivimus. Hinc libertatis studium; hinc æqui juris, ac legum amor; hinc masculæ frugalitatis exempla, nil in moribus, nil in habitu corporis molle, ve effeminatum, nil acu pictum. Juventus prætex- tam, non in Cytharædorum Gymnasiis, sed intra castra deponit. Equitibus rura paterna colere haud puden- dum, ne Urbanis enervati delitiis, bello fiant ineptio- res. Humiles domos plerumque habitant: sed excelsos animos fovent; non propugnaculorum, non Pontis sub- licij, sed legum & innocentiae præsidio tuti. Neq; vero hanc magnanimitatem, ferociam quispiam dixerit. Cicurarunt Sarmaticam, si quæ fuit, feritatem, Reli- gio, & Musæ Latinæ. Has ubi è septentrione devolu- tæ gentes latius moverunt (credo equidem) castra se- cutas, eique vitæ assuetas, Heliconi suo prope ultimum valedixisse. Gentem profecto nostram adeo sibi man- ciparunt, ut sine earum præsidio, & ornamento, mili- tarem gloriam minus gloriosam æstimet. Et merito: earum enim beneficio libera Nobilium capita de se ipsis decernunt magno nobilitatis ornamento. Neq; à Scho- larum cathedris interpretes petimus, latino freti elo- quio, quod una cum moribus & institutis, in partem gloriæ nostræ lubentes assumpsimus. Talis itaque ac tanta Polonia, ad tuos pedes prima procumbit, Pater Beatissime: illud collum, nullius unquam jugum fer- re solitum, illas manus liberas, illum animum

excelsum, & ad imperandum natum, Regis sui exem-  
 plo, Majorum instituto, tibi submittit. Tuis auspiciis  
 se Vladislaum Regem dixisse, ac proinde eum tibi de-  
 bere profitetur. Tu enim geniales ejus Divos, Primum,  
 ac Felicianum, Roma discessuro, in sacris cineribus  
 tribuisti, non sine Pontificio omine, eum primum Re-  
 gum nostrorum fore, qui sine æmulo: Felicissimum,  
 qui conjunctissimis tam populosa gentis animis, & suf-  
 fragiis, Rex diceretur. Tuis ergo auspiciis, Pontifi-  
 cum Maxime, habet Vladislaum Polonia, Vladislaus  
 Poloniam, Tu utrumque. Habebis, Deo favente, Vla-  
 dislai invicta dexteratandem aliquando tibi, sanctæq;  
 Seditæ mansuefactos Scandicos rebelles leones. Ha-  
 bebis & desertores communis Pastoris, ad Tuum ovile  
 propediem reduces. Exiit etenim, Pater Sancte, Fi-  
 lius hic tuus, non ætate, & meritis, aut Majestate, sed  
 capeßitæ Regiæ dignitatis tempore, minimus, ad ve-  
 nationem, ut te satiet, famemque tuam impleat, avi-  
 dam gloriæ Summi Dei: inde longævi auspicaturus  
 primordia Imperij, unde Cœli, & Ecclesiæ ruinas spe-  
 rat reparandas. Erige hanc tuam dexteram, Ponti-  
 fex Optime Maxime, qua, nescio quo turbine motum,  
 ac pæne ruentem Orbem retines, summo hujus seculi  
 bono dudum destinatus, & sancta benedictione prose-  
 quere tam chari pignoris pios conatus. Excitabuntur  
 hoc præclaro exemplo reliqui Christianorum Princi-  
 pes,



pes, & postpositis perniciosis eorum nomini & gloriæ  
odijs, illuc arma convertent, quo nefarij Imperiorum  
prædonis libido, jam tandem vindicanda, vocat. Vla-  
dislaus certe Rex, uti nunc se, Regnaque, & arma  
sua sanctitati Tuae tradit, obedientiam præstat, nec se  
ab hujus sanctæ Sedis auctoritate, & observantia, un-  
quam discessurum profitetur: Ita Te Duce, Te auspi-  
ce, paratus semper erit Christianorum Aquilas, notis  
sibi itineribus, non sequi, sed præire.

Ferunt à plurimis annis Legatorum nemi-  
nem, ab Eminentissimo Cardinalium Cætu, ob  
singularem eloquentiam Principis, tanto cum gu-  
stu fuisse auditum. Quinimo & ipsum Summum  
Pontificem dixisse fama est, credere se Ciceronem  
pro rostris melius, & majori populi Romani cum  
voluptate, non perorasse. Ut ut sit, hoc certissi-  
mum est, & summopere à Romano Pontifice fuis-  
se dilectum, & Filii Unici titulo decoratum. Itaq;  
diebus aliquot maximo in honore habitus, eadem  
pompa & magnificentia, Româ in Poloniam tan-  
dem regressus est. Hoc ei Famæ Genio tribuente,  
ut Romani ipsi faterentur, nec fuisse unquam, nec  
fore fortassis, parem gloria, ordine, & novitate  
rerum omnium, Legati alicujus ingressum. Adeo-  
que & sibi persuadebant, non unius capitis, thesau-  
ri, & inventionis rem fuisse, sed ad rei summam.

*Legatus  
Roma dis-  
cedit.*

*Legatio  
hæc in  
maximâ  
Polonia*

Polo-

*Regis gē-  
tisque Po-  
lenae lau-  
dem de-  
sit.* Poloniam integram laborasse: cum tamen Prin-  
ceps Legatus, privatis fere sumptibus, hanc admi-  
rabilem struxisse pompam dicatur. Quod facile  
sibi persuadebit, quisquis splendidissima Polono-  
rum Comitia viderit. In quibus, quotquot Sena-  
tores fere, tot pompa & magnificentia Reges Or-  
bis obstupescit. Desiit ergo Legatio hæc, sicut  
in æstimationem Polonicæ gentis maiorem, ita in  
laudem Vladislai Regis maximam: ut qui toties,  
quoties invicem, inauditam hanc à seculo solen-  
nitatem, Romani referent, toties, recrude-  
scente memoria, in eorum animis  
triumphabit.





in-  
ni-  
cile  
no-  
na-  
Or-  
cut  
a in  
ies,  
en-

GE.

**Numerorum Arithmeti-  
corum, in hac  
tabula obsidionis Smolenscensis, liberationis, ob-  
fessorum ac deditorum Moscoviticorum castro-  
rum, explicatio brevis.**

*Num. 1. Echinata repagula, post qua 7000. Moscorum fusa. Vide  
pag. 65. & seq.*

*Num. 2. Via qua Casimirus Princeps milites & necessaria in Ur-  
bem misit Vid. pag. 67.*

*Num. 3. Mattissonj Statio in Pokroviensi monte, à Vladislao Re-  
ge occupata. Vid. pag. 69. & seq.*

*Hac via. de qua supra Num. 2. & prope mœnia Urbis Num. 4. usq;  
ad fortalitium Sigismundi, Rex procedit, aciem instruit,  
& fortiter pugnat: de quibus Vide pag. 74. & seq.*

*Num. 5. Prozarovy, Caroli Huberti, & Dammij Stationes & mu-  
nimenta, qua eo modo deserunt, ut pag. 77. describitur.*

*Num. 6. Caroli Jacobi, & Leslei Stationes & munimenta, qua  
eo modo deserunt, ut pag. 78. describitur.*

*Hac eadem via, de qua sup: Num. 4. & Num. 2. Rex trans Bori-  
sthenem regressus, Alaudarum, & Skorownium, montes  
occupat. Num. 7. Vid. pag. 82. & seq.*

*Num. 8. Castra Regis generalia, de quibus pag. 90.*

*Num. 9. Pons Polonicus, Artischevj munitio, & Cosacorum Za-  
poroviensium Statio. Vide eandem pag. 90.*


*Num. 10. Locus & fortalitium ubi Mosci Commeatum Polono-  
rum intercipere nitebantur: de quibus vide pag. 98 & seq.*

*Hac via, Num. 11. deditis castris, posteaq; ad Regios pedes vexillis  
Mosci in Moscoviam se recipiebant. De hysce vide pag. 114.  
& seq.*

*Smolenscensis obsidionis &c.*



SMOLENSCENSIS OBSIDIONIS. LIBERATIONIS. OBSESSORVM AC DEDITORVM  
 CASTRORVM MOSCOVITICORVM. DELINEATIO. NVMERIS ARITHMETICIS. SVO  
 ORDINE VT RES GESTA EST. ET PAGINIS. QVIBVS OMNIA IN HAC HISTORIA  
 FVSVS ET SVO ORDINE DESCRIBVNTVR. ELVCIDATA.








PARTIS SECUNDÆ, LIBER II.

49



G E S T O R U M

GLORIOSISSIMI ac INVICTISSIMI

VLADISLAI IV.

POLONIÆ & SVECIÆ

REGIS,

PARTIS SECUNDÆ

LIBER SECUNDUS.

---

CAPVT PRIMVM.

ARGUMENTUM.

VLADISLAI IV. in Moscos Smolenscum obsidentes, expeditio novissima ac felicissima.

SUMMARIUM.

*Michael Fedrowickz illegitimus Moscorvie Dux, incentore Michael Borisowicz Sehino, oblatam à Polonis pacem spernens, quatuordecim annorum inducias rumpit, & Sehinum, cum numerosissimo exercitu, versus Poloniam mittit. Sehinus aliqua Oppida minora expugnans, Smolenscum, cui præfuerat cum à Sigismundo III. expugnaretur, obsidione cingit, & va-*  
G *rijs*

rijs exoticis artibus expugnare nititur. Vladislaus Rex, statim post coronationem suam, tumultuarie collecto exercitu, ad eam obsidione levandam, à Polonia movet. Castra ad Boristhenem ponit; quem transgressus, feliciter cum Moscis pugnat. Interim Casimirus Princeps legionem integram & commeatum in Urbem immitit. Vladislav Rex in castra priora revertitur, & mox, Boristhenem iterum transgressus, Pokrovianum montem, dejectis hostibus, armata manu occupat. Mosci Pokrovianum montem frustra recuperare nituntur. Rex Proforovij locum tenentis Generalis stationem aggreditur, atrox & anceps praelium, pari damno, majore tamen Polonorum gloria. Prozarovius stationem suam noctu deserit, & in Sehini stationem concedit. Inde Leslai stationem Vladislaus Rex aggredi parat: sed Leslaus quoque, Regis resolutione perculsus, suam deserens, in Sehini stationem fugit. Woiewocius Praefectus Smolenscensis interficitur: ejus laus. Rex Alaudarum & Skorownium montes occupat munitque: quos dum Mosci recuperare nituntur, acerrime dimicatur, magno cum Polonorum damno & majori periculo: tandē tamē Mosci retropulsi. Irruptio in Moscovitica castra à Weihero frustra tentatur. Legatio Tartarorum ad Vladislaum Regem: qui hostilia castra obsidione cingit, & emulationes in exercitu suo prudentissime destruit. Magnum Regis periculum, quod



quod animadvertens, insigni clade Moscos afficit. Moscisci commeatum Polonorum intercipere nituntur, sed cum damno rejiciuntur. Rex Moscovitica castra omni ex parte claudit, & Kazanovium in Moscoviā penitiorem mittit; qui spolijs gravis ad Regem revertitur. Poloni triumphant, ob victoriam de Turcis obtentam. Rex Tartarorum Legatis audientiam præbet, & muneribus donatos dimittit. Tractatur de deditio-  
ne castrorum, conditiones à Polonis præscriptæ, & ca-  
strorum deditio. Sehinus cum toto exercitu suo, ter cur-  
vato dorso, Vladislaum Regem veneratur. Rex be-  
ne meritis præmia distribuit, in penitiorem Moscoviam  
movet, Drohobusium & Wiesmam expugnat, Bialam  
obsidet, & varijs copijs Moscoviam vastat. Mosco-  
vitæ pacem petunt, quam Rex, extortis hosti aliquot  
Provincijs, ipsis indulget, & magna cum gloria in Po-  
loniam revertitur.

**U**T fortuna Vladislao Regi Sceptrum, coronam,  
gladiumque dedit; ita statim quoque ut iis  
ad Reipublicæ conservationem uteretur voluit:  
ut & beneficiū non frustra concessisse videretur, &  
simul non esse mollem delicatamque rem regnare  
demonstraret. Redibant ergo quæ Gustavus A-  
dolphus per Russelium suum insinuaverat, & Mo-  
scovitica, & Tartarica, & Turcica, & Suecica, per  
circuitum arma; quibus quomodo suffecerit o-

mnibus, & erectus sub quolibet pondere generose steterit, percurrento singula videamus.

Et primum quidem bellum Moscoviticum *Quid Moscum ad rumpendas inducias moraverit.* erat, quod ante annos aliquot vario Marte gestum, quatuordecim annorum induciæ discreverant; ita tamen, ut penes Poloniam Smolenscia & Czernihovia Provinciæ, tunc subactæ, manerent: penes Vladislaum Principem, nunc Poloniæ Sueciæque Regem, & electio rata, & jus integrum, & incorruptus Magni Moscoviæ Ducis titulus perseveraret. Male hoc habebat Michaëlem Fedrowicz à factiosorum globo, & levibus ad immutanda consilia Moscis, insigni præiudicio Vladislai, in Magnum Moscoviæ Ducem sublevatum. Videbat quippe penes se potentiam quotidie, stipulatis induciis, se magis magisque quidem exerentem, penes alium autē legitimum jus, titulum & partem Imperii perseverare; adeo ut scenicus magis Dux, & anima destitutum cadaver, quam Cæsar Moscoviæ videretur. Insuper tot victoriis, tanta fortitudine, tanta virtute & fortuna celebrem Vladislaum, obliquo animo, livido oculo, & paventi corde intuebatur: & æmulum, immo Dominū suum, ut jure tot annis fuerat, re ipsa aliquando futurum timebat. Itaque, ab ipso potentiæ suæ crepusculo, bellum iterum & arma præparabat: & hoc quotidie



tidie magis, cum induciarum beneficio, pacatæ  
 Provinciæ, omnes nuper exhaustæ, & Polonicis  
 armis vastatæ, ad se redirent, & Michaelis iram &  
 intentionem non vanam facerent. Ardentem præ-  
 terea bella virum, ambitiosus jugiter Schinus in-  
 flammabat, & æstuantem per se animum ad furias  
 promovebat. Quare & hujus suggestione, non  
 quod in Moscovia tantum, sed quod alibi quoque  
 roboris erat, colligebatur, adeo ut delectibus Ger-  
 mania, Gallia, Anglia, Belgium, Sueciâ, Dania,  
 commoveretur, & omnes illæ famosæ fortitudinis  
 nationes, ut robur par Polonico robori opponere-  
 tur, convocarentur. Et jam horum, præter Mosco-  
 vitas, triginta millia in armis erant: non spiculis,  
 non telis, aut inanibus Orientalium terribilimen-  
 tis, sed nitrato pulvere, glandibus ignitis, majori-  
 bus minoribusque tubis, et, quod maximum erat,  
 animâ militiæ, Occidentalium disciplina instructi.  
 Addebat reliquo armorum apparatui, horrendum  
 illud, ad neces generis humani, compendium, ma-  
 chinarum inauditæ magnitudinis numerus. Sic ut  
 diceres Europam universam his terroribus, non  
 Sarmatiam unam peti.

Et Polona Respublica quidem à bello a-  
 liena erat, tum propter incommoda quæ eo  
 tempore eam premebant, tum quia induciæ

Poloni  
 ulterio-  
 res indu-  
 cias aut

*pacemof  
ferunt,  
Mosci au-  
tem re-  
spuunt.*

cum Suecis initæ paulatim ad finem currebant:  
Denique etiam quia de bello Turcico rumor in-  
crebrescebat. Itaque in tempore Legatis in Mo-  
scoviam missis, aut inducias prorogare, aut etiam  
de pace perpetua agere, se non alienam ostendit.  
Mosci autem externis viribus, numerofo exercitu,  
vario bellico apparatu, spe & fiducia sui, feroces,  
facilitatem Polonicam ut metum accipientes, æ-  
qua omnia temerarie & præsumptuose respue-  
bant; ad nihil jam amplius quam belli occasionem  
intenti.

*Ante fi-  
nem in-  
duciarū  
arma Po-  
lonia in-  
ferunt.*

Cum ergo Sigismundus III. gloriofæ memoriæ,  
Sarmatiæ Rex, è terrenis ad cœlestia Regna mi-  
grasset, ad inferenda nefaria arma se composue-  
runt. Quippe tunc necessario capite viduata Polo-  
nia erat: et, secundum morem libertatemq; Re-  
gni, Comitiat prius indicenda, exspectanda, ad se-  
ptuaginta sex ad minimum duratura, in longum  
tempus distraitura Provincias apparebat, & ante  
menses aliquot effluxuros, quam Rex novus eli-  
geretur & coronaretur. Quarum rerum non igna-  
ri Moscovitæ, rupta lege gentium, non exspectatis  
induciarum terminis, securius acies promo-  
vebant, sperantes interea temporis vellicare  
Sarmatiam dum variis occuparetur. Erat Exerci-  
tus Imperator Schinus, qui præter Moscovitarum  
septuaginta, Occidentalium triginta millia, Astra-  
chanen-



chanensium, Casanensium, Czeremissorum, inhabitantium Cingulum terræ, adorantium Auream Anum, populorum quædam millia secum trahabat; ut non tantum armis, sed incognitarum quoque gentium nomine & terrore pugnaret. Et jam, victis viarum difficultatibus, infesta Sarmatiæ arma Barbarus inferebat: & quid ni audacter cum nemo resisteret? quid ni feliciter cum nemo propugnaret? Cesserunt ergo quasi impetu uno vicina omnia, & arces passim & oppida obvia, non secus ac incendio quodam belli correpta, humiliata, depopulata, passim jugum accipiebant. Cessuram hoc impetu suo Poloniam Barbarus porro præsumebat, cum in limitibus oppida minora cefsis-<sup>Sehinus</sup> sent. Adeoque non postremum munimentum <sup>Smolen-</sup> Regni, Smolenscum ipsum (cujus Præfectus fuerat <sup>scum ob-</sup> cum à Sigismundo III. expugnaretur, captus etiam <sup>fidet.</sup> libereque, præstito prius juramento se nunquam <sup>Anno</sup> in Poloniam arma resumpturum, dimissus) per-<sup>1632.</sup> jurus tumidusq; gradiebatur: nec secus quam minatus fuerat obsidione cinxit.

Est autem Smolenscum (ut supra fufius parte <sup>Quod il-</sup> 1. lib. 1. cap. 2. vidimus) antiqua Russiæ Urbs: <sup>lud Smo-</sup> quæ à Basilio, Johannis Basilidis Patre, frustra obsi-<sup>lenscum.</sup> dione tentata, per Michaelem Glinscium Sarmatam expugnata, centum prope annos à Moscovitis possessa,

posseffa, à Sigismundo III. duorum annorum ob-  
sidione fatigata, ac demum armata manu recupe-  
rata, jam iterum à Sehino exercitu Moscovitico  
circumvallata, in idem prope Sarmatis & Mosco-  
vitis evaferat, quod Cicilia olim Carthaginensi-  
bus & Romanis, quod nostra ætate Babilonia Tur-  
cis & Persis.

*Sehini  
artificio-  
sa obsidio*

Cæterum Sehinus non copijs tantum suis, sed  
exterorum etiam ingenijs ferox, Italico Belgicoq;  
more, munimenta moliebatur: prorsus ut ante  
Smolenscum in Oriente, Bredanæ cuiusdam obfi-  
dionis lineamenta formarentur. Propugnacula  
ibi, aggeres, suggestus, valla, cuniculi, stationes, in  
legiones singulas, cohortes singulas, distinctus ex-  
ercitus. Et, quod mirere, una Sehini statio vallo  
fossaque egregie munita, septuaginta Moscovita-  
rum millia continebat, Moscoviticorum Tarta-  
rorum statio altera duodecim millia, & cæt:

*Premittit  
Urbem  
muros  
tormentis  
humiliat*

Et jam Smolenscum mensibus aliquot obfi-  
dione clausum, numerosis exercitibus circumfess-  
sum, cuniculis propemodum evertēbatur. Tor-  
mentis quippe maxima murorum parte nudatum,  
vinci forte potuisset, nisi fortissimus ille vir,  
Woiewocius Præfectus Urbis, miles, ut apparuit,  
infractus, Romana quadam virtute, consilia ho-  
stium & conatus elusisset. Ille hiatum, turribus  
ipsis



ipsis quoque convulsis, immanem, obstruxit alibi, alibi reparavit. Novum autem de integro vallum, terra cespitibusque firmum, fossa munitum, post murorum cicatrices objecit: & irruptionibus variis ita Barbaros fatigavit, ut munimenta alia, propugnacula alia, & accessus alios, ad retundendos impetus, in cervicibus Urbis, necessitate compulsi, molirentur. Ad extremum vero, aut fame, aut ferro, cessurus videbatur, nisi in auxilium tandem Vladislaus aliunde movisset.

Hunc Serenissimum Regem, quo minus Barbarorum præsumptionem caltigaret statim, coronationis suæ necessitas hucusque retardaverat. Simulac vero coronatus fuit, non tanquam assecutus intentum, ad legnem aut inertem quietem se composuit: non somno aut caris turbæ voluptatibus, quicquid in illo erat indolis vivæ, demersit: sed tanquam præteritarum expeditionum, victoriarum, triumphorum, justo præmio ad majora animatus, ab ipsis coronationis suæ festivitatis, statim ad bella animum transtulit. Verum enimvero non una difficultas erat quæ Regem premeret, immo quæ retardare multa conantem potuisset, nisi in Vladislaum incidissent. Aberat nervus belli ærarii publici subsidium. Miles collectus nullus erat, nec sine pecunia colligi poterat. Quartani

Vladislaus  
Rex collegit exercitum.

(hoc est, ordinarij milites, qui à quarta Capitaneatuum proventus parte sustentantur) ob non soluta stipendia integra murmuraturi videbantur. Et alia plura, quæ, Monetæ Divæ gratia non affulgente, in quolibet Regno sueta sunt oriri. Hæc tamē omnia, licet difficillima alias, sola Vladislai persona, solus respectus ejus rupit. Quippe cum ille (non parcens interim quoque thesauro suo, à Parentibus Serenissimis sibi relicto) assuetum servire sibi militem, non semel victorem secum, & quosdam diversarum gentium spoliis divites convocaret; & illi vicissim munificentiam, felicitatem, & fortitudinem Regis sui considerarent, tanquam ab illo omnia sibi promittentes, variis ex locis conveniebant. Præsertim cum promissa ejus nunquam inania experti fuissent, & procul Tyrannide aut Barbarâ quadam sævitia, ob modestiam & Imperii moderationem, nunquam in pravum sese & injusta bella flectentem, affectu omnes & amore prosequerentur: sicut recte Seneca mihi dixisse videatur. *Placido tranquilloq; Regi fida sunt auxilia, quibus ad communem salutem utatur: gloriosusq; miles (publicæ enim securitati dare operam videtur) omnem laborem libens patitur, ut Parentis custos.*

*Lib. I. de  
stem:  
Rex in  
Libua-  
nā mo-*

Cæterum ut & copias, quæ omnibus angulis Regni in bellum properabant, ad celeritatem magis.

gis.



gis accenderet, & vicinior hosti illum vel solius no-<sup>vet, & ad</sup>  
 minis sui terrore concuteret, in Lithuaniam au-<sup>Borysthe-</sup>  
 lico solo comitatu profectus est. Non fefellit Re-<sup>nem ca-</sup>  
 gem consilii singularis effectus: utrumque enim <sup>stra po-</sup>  
 contigit. Siquidem propinquiore Rege, tanquam <sup>nir,</sup>  
 fulmine cominus oculos perstringente, perculsi, <sup>Anno</sup>  
 multū de pristino vigore Mosci remittentes, cuni-<sup>1633.</sup>  
 culos quosdam, velut alibi & à tergo operam ad re-<sup>1. Sept.</sup>  
 sistendum Regi collocaturi, imperfectos relinque-  
 bant: & cum alibi unum tentassent, & pulvis, qua  
 illatus fuerat via, ad suos rediens, quadringentos  
 adustione necasset, tanquam non capiundæ Urbis  
 omen acceperunt, cum & labor proprius suos de-  
 strueret. Milites vero, qui omni Polonia collige-  
 bantur, alacritate Regis sui animosiores, celerius  
 conveniebant; adeo ut ingenti terrarum spatio,  
 brevi tempore, millia convenirent. Quæ ubi Regi  
 se conjunxerunt, non procul stationibus hostium,  
 ad Borysthenem, in loco Huszyca dicto, castra lo-  
 cavit: quo, ad facilius transmittendum militem,  
 duobus pontibus subiugato, munitionibus varijs  
 sua castra firmavit. Tum vero & Christophorus  
 Radzivillius, Dux Birsæ & Dubinki, Palatinus Vil-  
 nensis, & supremus Lithuanici exercitus Genera-  
 lis, qui ad Krasnam, aliquot, ante Regis adventum,  
 mensibus consederat, & non una clade Moscos af-

fecerat, cum septem millibus ad Vladislaum properavit, & Regis copias numerosiores reddidit.

Veruntamen si tumultuarium illum exercitum, & numerum copiarum consideremus, miramur certe ingentem Regis animum, qui hac tam parva manu, tantam hostium multitudinem, munitionibus tormentisque firmam, non dico vincere, sed aggredi quoque præsumpserit. Et profecto temeritatem dicerem, nisi & Regis prudentiam, virtutem, felicitatem, & non unam, minoribus copiis, è numerisissimo hoste, victoriam cogitarem. Commune hoc illi cum Imperatoribus maximis, qui rationibus & consilio ducti, cum numerosioribus copiis possent, paucis pugnare maluerunt. Sic Alexander Magnus, cum, præter Macedonas suos, cunctæ Græciæ & universo Illyrico innumerabilem delectum posset indicare, nunquam maiores quadraginta millibus copias duxit; inhabile regi ratur, quicquid excederet, & turbam potius fore quam exercitum. Sic Pirrhus Epirotarum Rex, è Græcia in subsidium Tarentinorum navigans, exiguum militem, sed multam artem, virtutem, industriam, contra Romanos in Italicum littus exposuit. Sic Annibal, toto terrarum Orbe Romanis quærens hostem, non nisi sedecim millia ab Antiocho Magno, quibus alia via

per

*Regis fiducia in parvis copiis.*

*Magni Imperatores semper paucis copiis dimicaverunt.*



per Alpes, quam prius venerat, in Italiam, tot gentibus terrisque dominantem, rursus descenderet, petiit. Sic Julius Cæsar adversus Pompejum, totius Orientis auxilio dimicantem, paucis, & ad Dyrachium extenuatis quidem legionibus præliabatur. Sic Constantinus Magnus, adversus Maxentium Tyrannum, centum octoginta octo millibus armatorum ferocientem, non nisi quarta exercitus sui parte pugnavit. Sic nuper Georgius Castriotus, vulgo Schanderbechus, adversus immensas trecentorum aliquando millium Turcarum copias, non nisi decem selectorum millibus dimicare, & vincere quoq; cōsueverat.

Demaratus autem Lacedæmonius, apud Senecam, Xerxi tot myriadibus Græciæ bellum inferre meditati, rationibus hisce dissuadet. *Rationes quare.*  
*Verum est, quod dicitur, majorem belli apparatus esse, quam qui recipi ab his regionibus possit, quas oppugnare constituis. Sed hæc res contra nos est. Ob hoc i-* *Lib. 6. de ben:*  
*psum te Græcia vincet, quia non capit. Uti te toto non potes. Præterea, quæ una rebus salus est, occurrere, ad primos rerum impetus, & inclinatis opem ferre non poteris, nec fulcire ac firmare labantia. Multo ante vinceris, quam victum esse te sentias. Quis eventus? Post paucula iterum Senecam audiamus. Acciderunt quæ Demaratus prædixerat. Divina atq; hu-*

mana impellentem, & mutantem quicquid obstiterat, trecenti stare jusserunt: stratusque per totam Græciam Xerxes intellexit, quantum ab exercitu turba distaret. Itaque & Demarati rationes, & tot Heroum exempla Vladislaus secutus, non viginti armatorum millibus, centum septuaginta Moscorum & exterorum millia aggredi non dubitavit. Et eo successu, qualem nec Alexander unquam, nec Schander-Bechus, aut quisquam prænominatorum Heroum habuit. Quippe illi vicere quidem, sed hostem reliquere: hic vicit ut hostilem exercitum nullum relinqueret, Cæterum ordinem rei videamus.

Rex Vladislaus  
miro  
Stratagemate  
statum  
Vrbis cognoscit.

Postquam Vladislaus Rex, tantilla suorum manu fretus, in primis, ad Borysthenem, castris, vicini hostis munimenta, locorum situm, liberationis modum, & hisce similia, accurato oculo perlustrasset, antequam aliquid aggredieretur, statum Urbis, & præfidiariorum in ea, cognoscere constituebat. Sed maxima difficultas erat, cum omnes ad Smolenscum aditus hostilibus copiis insiderentur. Qua autem sylvæ & angusti calles spem faciebant, Mosci suorum millibus equitabant. Interim Vladislaus Rex è re præsentis consilium capiens, inaudito hucusque Stratagemate, spem & fiduciam hostium in suam commodita-

tem



tem vertit. Militem strenuum & audacem virgultis viridibus ita circumquaque vestiri fecit, ut, hominis persona prorsus tecta, arborem mere & virgulta mentiretur. Huic litteras ad præfidi Ephorum & Præfectos Urbis credidit, ad quas responsum si referret, mercedem non exiguam pollicebatur. Miles, Monetæ Divæ gratis allectus, per nota nemora callesque periculo se commisit. Et ubi adventantes aut in propinquo Moscos animadvertit, fixo vestigio hærens, prorsus arborem & virgulta referebat. Adeo etiam ut Mosci ab utroq; latere transeuntes deciperentur. Quibus jam procul agentibus, ubi se sibi & audaciæ suæ redditum vidit, caute rursus progrediebatur. Et tandem ea ratione, inadvertentibus Moscovitis; non semel in Urbem, & ab Urbe regressus, statum ejusdem, & necessariorum rerum in ea penuriam, Vladislao Regi aperuit.

Ubi ergo Rex Smolenscianos, annona, milite, pulvere tormentario, & pecunia indigere didicit, qua via potissimum de his omnibus provideri possent, cum suis in consilium ivit. Erat autem scissio inter Duces: alii enim censebant, ad Prozarovii stationem & munimenta fortunam tentandam, & data occasione, de necessariis Urbi providendum. Et hanc sententiam plures tenebant.

*Deliberatio quæ ratione Urbis succurrendū*

bant, tum ob varias rationes, tum etiam quia Prozarovii statio, castris Regiis vicinior erat. Alii autem Boristhenem transeundum, & ex ea parte præfidiariis subveniendum. Erat enim ibi via, ad pontem Urbanum ducens, quo Boristhenes subjungatur. Hanc Mosci munire contempserant, quod ea parte periculum minus suspicarentur. Et in hac sententia pauciores erant, sed inter hos ipse Rex.

Itaque hujus sententia prævalente, signum ad arma & expeditionem tympanis & tuba datum. Antequam vero castris legiones educerentur, prospectum hoc singulari providentia Regis, ut militem de sarcinis suis sollicitum, hac cura liberaret; ne de alia quapiam re, quam pugna, victoria, & spoliis hostium cogitaret. Itaque eadem prima illa ad Boristhenem castra, pluribus munimentis claudens, in iis impedimenta omnia, currus, & quicquid vel anxium, vel tardum reddere exercitum poterat, reliquit, & quatuor cautissimorum millium præsidio munivit. Et prudentissime hoc providus Vladislaus. Quippe non semel animadversum est, sarcinas cladibus occasionem dedisse, & expeditissimos milites ad victoriam momentum attulisse; cum sarcinati sollicitudine sua divisi, latus ad cladem, pro-



PARTIS SECUNDÆ, LIBER II. 6;

propter impedimenta nudarent, & expediti, quasi levi cursu, ad victoriam & victorum spolia properarent. Nota sunt illa Virgilii.

*Et me quem dudum non ulla injecta movebant*

*Tela, nec adverso glomerati ex agmine Graij,*

*Nunc omnes terrent auræ, sonus excitat omnis*

*Suspensum, & pariter comitiq; onerique timentem.*

Recte ergo militem, ad conceptam animo suo victoriam, expeditum Rex, ante ullam pugnam, reddidit. Tunc autem, Borysthenem transgressus, versus Matthiffonii stationem, ad prima munimenta hostium, solis armis & spe victoriæ gravem duxit. Duo autem alia necessaria cautissimo Regi visa sunt, antequam aggredereetur. Alterum, ne duobus illis Pontibus, quibus, subjugato Borysthene, sua Mosci cis & citra Borysthenem castra univerant, & quodammodo colligarant, copiæ, à dextro latere, hostibus subsidio venirent. Alterum, ne à sinistris, ex ipsa hostium statione pariter, in districtos pugna occupatosque Polonos, subito & de repente incurrerent. Utriq; provida cautela Regis occursum est. Et à dextris quidem, ad hostium pontes observandos, Martinum Kazanovium Palatinum Podoliensem, & Polonici exercitus Generalem, Adami Kazanovii, Sendomiriensis Castellani, & Archicamerarii Regni fratrem

*Septem  
Moscovi-  
tarū mil-  
lia cedit.*

trem patrualem, triginta & amplius, annis, per omnes gradus Martios, probatū militem Ducemq; destinavit. A sinistris, in editiori tumulto, suggestū tumultuatio opere excitavit, & in illo tormentis aliquot collocatis, eruptiones & insultus hostium è statione sua prohibuit. Sic ab utroq; latere tutior Vladislaus, ad unum solummodo à fronte hostem propius admovit exercitum. Tum vero nova & alia difficultas imminentem Barbaris Regem remorabatur. Quippe septem Moscovitarum millia, ad resistendum illi, stationibus suis egressa, opportunis locis, qua adiri maxime poterant, repagula echinata objecerant: quæ humiliare prius oportebat, quā ipsi adiri aut vinci possent. Itaq; Rex hoc quicquid erat operis Radzivillio Duci commendavit. Hic assumptis aliquot Cosacorum, & desultoriorum equitum, Tragonum vulgo, turmis, quadringentis insuper Sclopetariis, quos Heido-nes Poloni vocant, palis securibusque oneratis, ad exequendam voluntatem Regis properavit. Sed major erat, quam sperabatur, difficultas: cum his munimentum destruere, illis defendere & impedire nitentibus, ingens pugna oriretur. Tandem tamen, summo licet periculo & labore defuncti, Poloni superiores, quicquid erat obstaculi humiliaverunt. Tum vero Vladislaus Rex cum universis copiis,



copiis, se septem millibus hostium intulit. Moscovitæ autem acerrime resistebant: præsertim cum duobus illis pontibus in subsidium venire copias à longe conspicerent. Sed has cum Kazanovius magna vi retro trans Borysthenem egisset, & illi ultèrius Regi resistendo non essent, in stationes præcipiti fuga se receperunt.

Interim autem, cum Vladislaus Rex cum septem illis hostium millibus dimicaret, & Kazanovius, ad Moscovitarum pontes cum iisdem fortiter præliaretur, Casimirus Princeps (sic enim inter Duces convenerat) in omnem occasionem interventus, neglecta illa (de qua superius egimus) ab hostibus via, suam legionem peditum, annona, pecunia, nitrato pulvere, aliisque necessariis rebus abunde provisam, per Urbanum pontem, Smolenscum misit: cui præfidiarii obviam progressi, integram illæsamque, nihil sentientibus Moscovitis, in Urbem introduxerunt. Adeoque Strategemate tali, si non Urbs omnino obsidione levata, saltem penuriæ præsentique necessitati, in longum prospectum fuit.

Noctem istam Vladislaus Rex, non in domo, non in tentorio, non in lecto mollique pluma, sed rheda sua transegit: & lassæ imperio prælioque brachia, fatigata non uno labore membra, non ali-

*ACasimiro Princepe Vrbi subvenitur. 7. sept.*

*Fortitudo Regis.*

bi quam in proprio curru ad quietem composuit.  
 Procul à delicatis illis diffluentium luxu moribus:  
*Epist. 56.* quos Anneus in illo notat, de quo dicit. *Aspice illum, cui somnus laxæ domus silentio queritur: cujus aures ne quis agitet sonus, omnis servorum turba conticuit, & suspensum, accedentium propius, vestigium ponitur. Huc nempe versatur atque illuc, somnum inter agritudines levem captans: quæ non audit, audisse se queritur.* Procul, inquam, ab huiusmodi moribus, circumstrepentibus copiis suis & hostium, in medio tumultus, solo carpenti sui ventre clausus, somno se Vladislaus quietique dedit.

Insequenti vero die, Rex, cū omnia hesterni præ-  
*In priora* llii pericula, difficultates, & labores, maturo judi-  
*castra re-* cio ponderasset, quoniam multum cruoris per vi-  
*vertitur.* etoriam quoque fusum erat, aliquot dierum quietem necessariam iudicavit: tum ut miles spiritum nonnihil reciperet: tum etiam, qua ratione, sine multa sanguinis profusione, Urbem penitus liberare posset, viam meditaretur. Commune hoc illi, cum religiosissimis Imperatoribus quibusq;: qui salutem suorum, singulari studio, cladibus etiam hostium præposuere. Sic (ut procul à sanguine ipsius non abeam) Carolus V. invictissimus Imperator, cum in Africa clade non una afficere Mahometanos potuisset, maluit abstinere tamen, quo  
 saluti



saluti suorum confuleret; cuius unius vitam mille sibi Mauris chariorem dixit. Quippe, ut Seneca, *Nullū ornamentum Principis fastigio dignius pulchriusq̃ est, quam illa Corona,* OB CIVES SERVATOS. Non hostilia arma detracta victis, non currus Barbarorum sanguine cruenti, non parta bello spolia. Hæc Divina potentia est, gregatim ac publice servare: multos autem occidere & indiscretos, incendiij ac ruinæ potentia est. Itaque Vladislaus Rex, ut ad propositum revertamur, cum ob has rationes necessariam, ut dixi, quietem judicaret, exercitum suum universum, per pontes, trans Borysthenem in castra priora reduxit. Hostes autem fugere Regem arbitrabantur. Tam caute enim Casimirus Princeps in Urbem subsidium miserat, ut multo tempore nescius hostis, cum recedere Regem videret, re infecta, & quasi desperabundum, longius abire putaret.

Interim Vladislaus, diebus aliquot quiete transactis, cum modum alium non inveniret, aggre-  
gredi stationes hostium armata manu decrevit: ut quicquid instruxerat diuturni sceleris longa molitio, felici tandem congressione consumeret. Quamobrem universas copias, eodem quo prius itinere, per pontes, trans Borysthenem, ad Mattis-

Lib. 2. de  
clem:

Pokrovi-  
ensem mō  
tem, ar-  
mata  
mana oc-  
tupat.  
21. Sept.

sonii stationem duxit. Erat autem statio huius in Pokroviensi monte: qui sicut assensu erat difficilis, ita industria hostium naturam iuvante, & munimentis, (quæ Matthiſſonius idem, immixtus suo milite Barbaris, defendenda susceperat) inexpugnabilis plerisque videbatur. Adeoque & natura loci, situs, difficultas, munimenta, & universum Martis & artis opus absterre quemvis Imperatorem potuisset. Sed ut erat generosi excelliq; animi Vladislaus Rex, ita difficilia & excelsa humiliare, & sub jugum mittere proponebat. Itaque circumspēcte, quo saluti suorum consuleret, per vias tutiores in superiora nitebatur: tandemque feliciter, non uno Stratagemate usus, nemine ex suis desiderato, in verticem saluus evasit. Jam autem & Barbari in armis erant, & Borysthenem, frequentibus copiis transeuntes, Matthiſſonio subveniebant. Ingens periculum erat, cum Chiliarchæ Abrahamovicio, ad latus Radzivilii Ducis, equus cui infidebat occideretur. Et jam in ipso montis vertice, ad maiorem suorum securitatem, reductum moliebantur. Tum vero Vladislaus Rex, immissis tribus solummodo hastatorum (quos Hussaros Poloni vocant) turmis, adeo laborantes terruit, ut equitatu Moscovitico fugiente, peditatus, unius quadrantis horæ spatio,



ad internecionem deleretur: Mattissoniani vero in stationes ipsorum proximas agerentur. Interim potiti præsentī victoriā Sarmatæ, appropinquationibus suis, exequias ipsis Mattissonij castris struebant. Quare pavidī deteriora metuentes Mosci, stationes ultro deseruerūt, & Mattissonius, beneficio noctis, relictis tormentis, annona, alijsque provisionibus, cum suis evasit. Quā autem ratione, quo, & quomodo sese receperit, Mattissonius, confecto bello, postea Gedani interrogatus, noluit dicere. Hoc certissimum est, nisi tenebræ fugam occulissent, non unum è Moscis futurum fuisse, qui evasisset.

Cæterum jam victor Rex ab uno latere Smolenscum omnino liberaverat; adeo ut com-<sup>In Urbem</sup>meatus libere inveheretur, & è contra ex Urbe pro li-<sup>se confert.</sup>bitu eveheretur, quicquid necessarium videbatur. Quinimo & ipse Rex in Urbem aliquando concessit: tum quo & confidentiam suis, & præfidiariis animum adderet: tum etiam quo hostes irritarentur, cum Urbem nunc obsidione liberatam, & præsentia Regia spirantem jam altius, cum dolore, cruciatu, desperatione, metu, & confusis affectibus intuerentur: pro qua tot labores, tot pericula, tot difficultates, incassum subiverant, & diutinos septem annorum apparatus,

ratus, septem annorum molimina, & ineffabiles sumptus, in inane & vacuum abiisse conspicerent: et, quod maximum omnium est, spem ipsam felicioris alicujus successus, quod dicitur, in cinerem recidisse.

*MosciPo- si* Præfecerat autem Vladislaus Rex, in Pokroveni-  
*kroviem- si* monte, munimentis aliquibus Botlerum & Wol-  
*sem mon-* senium Scotos, cum legionibus suis, Chiliarchas:  
*tem fru-* ut & loca illa defenderent, & è superioribus jugis,  
*strarecu-* in subjectas hostium stationes, tormentorum fra-  
*perare* gore detonarent. Fremuere Moscovitici Gene-  
*nituntur.* rales, cum è monte, quem paulo ante insederant, tormentis eminus peterentur; adeoque jam exitio esse, quod præsidio fuerat, & tutelam in metum abiisse. Quid ergo? Tribunis imperant recuperare montem, quem ipsi defendere paulo ante nequiverant. Tum vero Barbari, quo ignominia maculas fortitudine & virtute detergerent, tanto impetu, legionibus variis, in Polonos è stationibus suis ascendebant, ut uno velut momento, per notas sibi valles, nullo adversariorum suorum sentiente, in verticem montis evaserint. Et jam in Sarmatas, repentino malo perculsos, fortiter irruebant: adeoque, post acerrimam quatuor horarum pugnam, eo deventum est, ut pedes pedibus conjungentes, sclopetis, bipennibus, hastis, gladiis, & qui-



quibusvis ad manum armis, pectora invicem, tempora, frontemque pulsarent. Hoc, ardens vindictam, Mattissonius à longinquo videns, ejusdem ipsius montis amissi dedecore stimulante, cum suis quoque militibus alia parte, in subsidium adfuit. Quis tunc furor, quis conatus, quæ partis utriusque pertinacia fuerit, non facile dictu est. Ex eo tamen vel maxime elucescit, quod æquantes ad noctem usque clades, ambigua victoria dimicaretur. Ad extremum una, non virtus, non dextera, non fortitudo Polonos, sed fortuna, familiari in bello casu, perculit; dum referta tria nitrato pulvere vasa, nescio quo infortunio, ignem concipiunt, et, uno velut momento, circumstantes omnes adurunt, disficiunt, & in aëra secum rapiunt. O quantus tunc tumultus, quæ turbatio, quis horror; cum Sarmatæ & à fronte, & à lateribus armis, & in ipsis stationibus suis infortunio miserando & miserabili, ad metum, motum, desperationem, & fugam sollicitarentur! In vestigiis tamē suis, quod mirere, constantissime perseveraverunt; & fortunæ, & hostium furori, qui infortunio ipsorum creverat, pares fuerunt. Sed & Vladislaus Rex, qui erat ad minima quoque suorum vigilans & curiosus, statim post pulveris injuriam, Vice-Tribunum propriæ legionis suæ Meydelium, cum

K

præ-

pratoriana legione sua, in subsidium Botlero Wol-  
senioque misit. Hic adventu suo Polonis animum  
auxit, & terrorem omnem à suis in Moscos tran-  
stulit. Itaque & languidius hi dimicabant, & ap-  
parebat jam magis pudore quam virtute pugnare.  
Ut ergo tenebræ texere frontem, spe subinde irri-  
tati, in totum male multati, retro tandem ad suos  
abiere.

*Rex pe-  
riculose  
Prozaro-  
ry statio-  
nem op-  
pugnat.  
28. Sept:* Vladislaus Rex qui absolutam volebat & sine  
ulla exceptione victoriam, non satis ad gloriam  
suam duxit, quod Smolenscum obsidione levasset,  
nisi etiam inhærentes adhuc Urbis suæ cervicibus  
hostes longius submoveret: & jam non clades, sed  
cladibus fœdifragium persequeretur, & mature  
rebelles, maturis quoque flagellis castigaret. Ad-  
eoque triplici instructa acie, eadem via, qua Ca-  
simirus Princeps Urbi subvenerat, per Urbanum,  
pontem, penes Smolensci muros, usque fortalitiū  
Sigismundi ( quod à Sigismundo III. gloriosæ me-  
morix, juxta profundam vallem structum ) exer-  
citus movit; Prozorovii Locum-tenentis Gene-  
ralis, & Tribuni Dammij stationes, externo par-  
tim, partim Moscovitico milite, armis tormen-  
tisque præsumentes, invasurus. Itaque ipso Wen-  
ceslai festo, hora tertia crepusculo matutino, Co-  
miti Jacobo Weihero, Tribuno Abrahamovicio,  
& Za-



& Zaporoviensibus Cosacis, primum in hostiles munitiones assultum facere imperavit. Quod ea ipsi ferocia præstiterunt, ut ingens illud & late diffusum Moscovitici exercitus corpus, velut ictu uno, ad sensum perductum, totum commoveretur, & extra stationes suas, contractis viribus suis, in aciem & apertum exiret. Inde, jam præparatis ad arma partibus, signo dato acies concurrere. Primus, ut pro animositate sua longius hostibus sese suis ingesserat, Comes Weiherus damnum tulit: cum sclopetarii Barbarorum, longioribus, ad Germanorum morem, tubis, in occupatos certoque hoste districtos, à lateribus satis feliciter explosissent. Ille tamen, ut est probatissimus miles, & militaris scientiæ peritissimus, prudenter cladem texit, periculo provide sese exemit, & hosti vulnera sua reposuit. Proximus ipsi periculo Sapieha fuit: qui cum hastatis suis, & à lateribus, & à fronte, & à tergo, Moscovitarum agminibus omnino clausus atque circumdatus, ab omni parte vellicabatur. Hostilis tamen industria, ferocia, furor, intra Herois instantius virtutem, generositatem, & fortunam fuit. Salvus quippe cum suis evasit; tam longe quidem, inter extrema pericula, à turbatione propria alienus, ut neque militaris ordo, quem pertinacissime adhuc observabat, cum se reciperet, turbaretur.

Signum tamen unum, in hostium manibus, militare, velut, ut dicimus, plumam liquit. Cosacorum eadem fortitudo & fortuna fuit: post crudelissimam enim concertationem, multitudine hostium pressi, pedem retro dedere. Et jam omni ex parte Polonus laborabat. Et profecto periculum non leve fuisset, nisi Vladislaus Rex prudentia, fortitudine, & fortuna sua, omnem rei bene gestæ gloriam hostibus subduxisset. Ille enim partim monendo, partim exhortando, partim suo exemplo præeundo, pronos jam ad fugam Sarmatas, ad constantiam animavit. Et hoc maxime necessario tempore, cum hostilis omnis, alia etiam parte, equitatus, ad consummandam victoriam properaret. Sed hic, à Kazanovio, cum paucis cohortibus, à Rege obviam misso, quod mirere, non distentus tantum, sed inusitata quadam fortitudine & felicitate retroactus est. Quod ut stuporem Sarmatis, ita horrorem Barbaris inferebat; adeo ut languidius jam arma moventes, animum hostibus suis, tanquam pæniteret successus, restituerent. Ad meridiem tandem, cum ab hora tertia matutina fuisset pugnatum, pari gloria parique clade, quasi signo dato, partes in castra se recepere. Moscus autem similior victo, cum initio pugnae vicisse videretur.

Hoc



Hoc autem & ipse existimavit, cum haustum, <sup>Dū Vladislaus iterū op-</sup>  
 ab equitatu, à pauculis Polonorum turmis retro- <sup>pugnati-</sup>  
 acto, metum, post paululum vili desperatione, <sup>onem pa-</sup>  
 patefecit. Siquidem Vladislaus Rex, ambigua i- <sup>rat, Pro-</sup>  
 stius diei fortuna irritatus ( ut est generosissimi a- <sup>zarovius</sup>  
 nimi nunquam successibus dubiis acquiescentis <sup>stationem</sup>  
 genius ) arma iterum, aciem iterum, impetum <sup>deserit.</sup>  
 iterum meditabatur. Nec secus quam cogitave- <sup>29. Sept.</sup>  
 rat, ipso S. Michaelis festo, pugnaturus in cam-  
 pum prodiit. Tum vero quid animi hostibus es-  
 set apparuit, cum & Prozarovius Locum-tenens  
 Generalis, & Carolus Hubertus, & Dammius, a-  
 liique Tribuni militares, relictis stationibus suis,  
 ad Sehinum Generalissimum suum, trepida se-  
 se fuga reciperent. Magnum me hercule hoc pro  
 Polonis erat, cum simul fortalitia octo munitissi-  
 ma, victualibus & annona summe provisa, duo-  
 bus grandibus machinis æneis, armis insuper-  
 aliis, & bellica suppellectile copiosa apprime in-  
 structa, ipsorum arbitrio relinquerentur. Præser-  
 tim cum duobus jam lateribus Smolenscum, sub-  
 motis longius hostibus, sui juris redderetur: &  
 quæ sine dispendio humani sanguinis expugnari  
 non potuissent, ultro, magna indulgentia Supe-  
 rum, in manus traderentur. Tentoria tamen sua  
 Barbari, sive quod labores suos & commoda ho-

stibus inviderent, sive ut immunditiem suam absconderent, incenderunt. Et sanctissimæ Trinitatis templum, victualibus & annona grave, quatenus defendere ipsi non poterant, & tamen hostibus suis eriperetur, supposito rumpi pulvere & ardere fecerunt. Ut fugæ quoque præcipitium & velocitatem colligas, non tantum sibi temporis indulserunt, aut etiam crediderunt, ut languidos, infirmos, immo etiam mortuos, cujus tamen rei Schismatici supersticiosissimi sunt, sine ullo solatio inhumatos relinquerent.

*Caroli* *Huberti* *& Leslei* *statione* *aggressu-* *rus, eos jam* *fugisse* *comperit.* *4. Octob.* nia hostis, & sua felicitate contentus (ut Heroicæ indolis genius est non acquiescere, sed sperare prospera ulteriora semper) quicquid circa Smolenscum adhuc erat hostile, armis destruendum duxit. Restabant autem, præter Sehinum, exercitatissimi exterarum gentium, sub Carolo Jacobo & Lesleo, milites, non fortalitiis tantum & munimentis firmi, sed in ipsis, ad mænia Smolensci, fossis infesti. Quapropter & hos majori animo, pluribus artibus, & Stratagematibus variis, aggredi statuit. Adeoque & exercitum suum, oratione commoda animatum, ipso S. Francisci festo, in aciem cornuaque disposuit: ut vel oculos hostium promptitudine sua ad prælium irritaret, vel



vel ad pavorem animos, copiis expeditis instructisque, sollicitaret. Alterum accidit. Quemadmodum enim membrum unum corporis, si patiatur, totum afficit, & ad viciniora contagio serpens, tandem compositum ipsum sollicitat, dissolvit, destruit: ita timore correpti Barbari pusillanimitatem suam copiis auxiliatricibus exteris, quadam quasi contagione corruperant; sic ut nunc, ad præsentiam imminentis bellicosissimi Regis, geminato ad fugam metu sollicitarentur. Itaque & hi, convasatis omnibus, & ingentibus magno labore machinis ad Sehinum retro-actis, summo cum silentio, ut lateret propositum & ignominia Sarmatas, ad Sehinum retrocesserunt. Nec ante Rex, propius aciem paulatim admovens, fugisse animadvertit, quam in Caroli Jacobi, inde in Leslei stationibus ignes, tentoriis depopulandis destinati, in altius aridam materiam corripientes, fugâ prodidissent. Tunc Vladislaus celerius agmē ad munitiones egit, ut, si posset, hostes fuga adhuc, ut putabat, præpeditos, immixtis levioris armaturæ turmis, turbaret, carperet, cederet, captivaret. Sed fortalitia præsidio vacua ingressus, sparsa sine ordine arma: annonæ, commeatus, tormentorumq; nihil invenit. Cæterum ipsæ Belgico Italicoque more munitiones in stuporem rapuere Polonos, & ma-

& magis quod expugnatu difficiles, ipsi, ne unum quidem expectantes impetum, Occidentales, magna cum jactura nominis sui & famæ, deseruissent. Adeoque Rex, minime præsumptuosus, ipsos pro se Superos pugnavisse palam fatebatur: & cæcitatem hostibus extremam intulisse, ut ea, quæ sollicitè, oppotune, & ingeniosissime, ante aliquot menses struxerant, jam, licet optimis provisi armis, nec alia quapiam difficultate quam adventu & nomine suo pressi, quomodo & qua ratione defenderent, non viderent. Sed ut scelerati, si absit aliunde pœna, saltem conscientia sua; ita fœdifiagi, rebelles, & perjuri, ut apparet, cæcitate crassa, panicoque metu continuo flagellantur.

*Voie-  
vrocij  
Præfecti  
Smolen-  
scensis  
mors.  
6. Octob.*

Verum enim vero Smolenscum jam, singulari benevolentia Dei, & Inviçtissimi Vladislai Regis industria, virtute, fortitudine, & ab Oriente, & ab Occidente, & à Septentrione Regium erat. A Meridie tantum, contractis in unum copiis, Sehin Generalissimi statione quodammodo Moscoviticum perseverabat. Et quo minus hanc ipsam statim Rex quoque aggrederetur, unius viri casus fecit: Erat hic Woiewocii Smolenscensis Gubernatoris, à cuj<sup>o</sup> brachiis obsidionis tempore Urbs tota pendebat. Hic facta cum centenis aliquot, per pontem Urbanum Borysthenis, eruptione, è quodam muni-



munimento Barbaros strictis tantum frameis  
 pepulerat: nec finem eos persequendi faciens,  
 glande trajectus plumbea, in summo gloriæ suæ  
 fastigio, adhuc dum vincit, occubuit, exemploq;  
 suo hemistichium illud, nemini fortunam ten-  
 tandi nimium dissuadentis Homeri verissimum  
 demonstravit:

*Te generose tuus perdet furor.*

*Apud Sen.  
 lib. 1. Cō-  
 trov.*

Potuisset fortissimus Heros, partæ jam gloriæ, lau-  
 dis, & victoriarum satur, cum nullum Urbi resta-  
 ret periculum, suspectis eruptionibus superse-  
 dere, & prosperè gestæ rei præmia, quæ honori-  
 fica ipsi à liberalissimo Rege destinabantur, ex-  
 spectare. Sed voluit nimirum vires egregius, cor-  
 datus, & animosus, hoc etiam glorioso facinore  
 toti patefacere Mundo, non pro necessitate tan-  
 tum & præmio sese, sed gloria etiam Nationis &  
 salute publica dimicare: cujus quantâ rationem  
 haberet, à suo periculo & tandem morte meti-  
 endum voluit. Maeste generosissime vir, & hoc  
 obtinuisti, & præmium meritorum tuorum non  
 exiguum. Per tot enim, quot Mundus stabit, se-  
 cula triumphabis, & fama posthuma, tua fortia  
 gesta, in maximum ornamentum familiæ tuæ,  
 jugiter celebrabit.

Rex cum ordinatis in Urbe rebus, alium ipsi

L

substi-

*Rex Alau-  
darum &  
Skorovv-  
niummō-  
tes occu-  
pat mu-  
nitque  
16. Oct.*
 substituisse, jam in Sehinum ipsum, arma expe-  
 diebat: quod quidem hic nequaquam, præsertim  
 imminente asperissima hyeme, futurum sperave-  
 rat. Putabat enim Vladislaum Regem, Smolensci  
 liberatione, partaque tam illustri victoriarum,  
 gloria contentum, aut in Urbe ipsa aut alibi hye-  
 maturum: quo à tot laboribus vigiliisque spiri-  
 tum non nihil reciperet, & fatigatum non uno  
 castrensi incommodo corpus, suavis dulcedine  
 otii recrearet. Sed alia erat invictissimi adversus  
 omnia infractiq; Regis mens, qui variis rebus, &  
 ipso victoriarum suarum ordine, ad ipsum Sehi-  
 num trahebatur: non quieturus nisi & ipse, & o-  
 mnes qui ad ipsum ignominiosa fuga sibi locum  
 fecerant, in manus simul venirent, & devota exi-  
 tio Sarmatiæ capita meritis affligerentur pœnis.  
 Ad hoc cum universis copiis, per Urbanum pon-  
 tem, Borysthenem iterum transgressus, versus Se-  
 hinum movit. Erant autem Sehini castra in duo-  
 bus montibus posita; quorum alterum ipse, re-  
 spectu Regionum castrorum, trans Borysthenem,  
 cum præcipuis Moscorum Ducibus, vastis tento-  
 riis occupabat: alterum, qui & Virgineus dice-  
 batur, ignobiliore Chiliarchæ, non procul à Re-  
 giis castris, cis Borysthenem, insidebant. Adeo  
 autem sibi invicem opportuni erant, & navali  
 pon-



ponte & munitionibus quodammodo colligati,  
 ut unus sine altero expugnari non posset, & duo  
 velut unam stationem munitissimā & inexpugna-  
 bilem facerent. Itaque Vladislaus Rex non statim  
 Schinum aggressus est, sed, ut & hostem falleret,  
 & destinata facilius exequeretur, rumorem de in-  
 dustria spargi iussit, in penitiorem Moscoviam se  
 exercitum ducere: & ipse interim, quasi continuæ  
 pluviae vota retardarent, aliis copiis, sub oculis ho-  
 stium, ordinata acie perserverabat: aliis, Alau-  
 darum Montem, ob continuas pluvias & aëris ob-  
 scuritatem hostium conspectui ereptum, occupa-  
 bat; quem munitionibus deinde firmavit. Altera  
 vero die, cum Kazanovio, & Skorownium mon-  
 tem ascendit, quem ad propositum suum magis  
 opportunum animadvertens, suggestum eo loci  
 fieri iussit, unde in ipsa Barbarorum castra, ignita  
 mittere iacula pro arbitrio posset. Inde fortaliti-  
 um ingens, cum munimentis alijs, ad defensionem  
 suggestus, excitavit, & utrumq; Montem quatuor  
 legionum præsidio firmavit: ita tum, ut dixi, Vla-  
 dislao Regi famulante natura, ut continuis octo  
 dierum pluvijs & obscuritate, hostiū oculis, quid  
 Sarmatæ molirentur, subduceretur.

Serenitate Orbi reddita, cum & deceptos sese, <sup>Mosci</sup>  
 & nova opera ad perfectum quidem, in perniciem <sup>horribili</sup>  
<sup>impetu,</sup>

*sed fru-  
straneo,  
recupe-  
rare Sko-  
rovniū  
montem  
nituntur.*

suam surrexisse Mosci mirarentur, fremuere: & mox in ultionem exurgentes, una destruere hora præsumunt, quod octo dierum industria laborque struxerat. Et addiderant præsumptioni vota, Strategemata, dolos; ut & Sacramento, & fiducia, & religione, ad virtutem & victoriam acuerentur. Et profecto si Barbarorum, hoc in conatu, singula consideraverimus, nihil Barbarum, nihil non astutum, & ad propositum ipsorum efficax invenimus: nec dubium apparebit, quin exequi etiam statutum potuerint, nisi aut Vladislao Rege cum Polonis fuisset dimicatum, aut Deus foedifragis victoriam & successum omnem prosperum è manibus eripuisset. Disposuerant enim denso ordine, in adversa fluminis ripa, equitatum, & quatuor sclopetariorum millia, hoc equitatu tecta, ad tutum non procul ab eo, ubi dimicandum erat, loco, ad insidias subducebant. Insuper quinquaginta quatuor tormenta legionaria, in ipsa statione Sehini, eo loci disposuerant, unde in Sarmatas, corpore toto, ubi dimicandū erat, obnoxios, suis Sclopetarijs interim loco humiliore tutis, eiacularentur. Naves præterea frequentes, capacitate commodas, & asseribus ad propositū altius structas, quibus & multi, & secure, in alterā ripā arma impetūq; trāfferrent, preparaverant. Ita quasi momento tēporis

Borysthe-



Borysthene superato, vino, ut appellant, adusto, seu cremato, subebrii, quatuor illas, quas Vladislaus Rex in montibus præsidio liquerat, legiones aggrediuntur. Nunquam antea Sarmatæ sic in hac expeditione perculsi. Ut enim præcogitati mali mollis ictus venit, & tela prævisa minus feriant; ita repentinus hic impetus, & hæctenus inexpectata ferocia, quasi geminato malo terruit. Itaque parum absuit, quin, Rege centenis aliquot passibus, tunc temporis, à montibus hisce degente, munimentis, Montibus, & fortalitiis pellerentur, & post tot, incorrupta felicitate, victorias, ascendens in altum Polonici nominis gloria destrueretur. Unus, sicut alias sæpe, celeritate sua, Vladislaus restituit rem. Hic eminus enim animadverso periculo, mox signo dato equitatum omnem, peditatu subsequi iussu, in auxilium suorum, citatissimo cursu, properare iussit. Sed hunc, ubi oportunum Schismatici habuere, ita quinquaginta quatuor tormentis legionaribus illis salutavere, ut multi nobilium Polonorum equis delapsi, terram sanguine suo purpurarent. Cum adhuc magis appropinquarent, illa in insidiis quatuor sclopetariorum millia, candentium globorum grandine turbavere. Sic ut extenuatæ legiones equitum jam non pro solita animositate pugnarent, & ipsi au-

xilio indigerent qui in auxilium venerant. Tum vero Rex quatuor (unam Principis Casimiri, duas Botleri, & unam Wolsenii) legiones, in Montes, ad suos, ascendere imperavit. Quibus advenientibus nonnihil circumacta fortuna est, & Poloni, pulsos à monte Barbaros, ad Borysthenem usq; fugaverunt. Sed nihil actum illa virtute & felicitate. Quippe Barbari numerosioribus copiis succurrentes, non modo suorum stitere fugam, verum etiam, Sarmatis retro actis, longius à flumine submovebant; adeoque & in ipsos Montes revertabatur impetus. Jamque in summum Mosci evaserant, in præceps pronocursu Sarmatas deturbaturi, cum iterum subsidiariæ hastatorum turmæ, & Cosaci Zaporovienses, à Vladislao missi, recentibus animis viribusq; à suis in Barbaros, mira vicissitudine, metum clademque transferrent. Iterum ergo Moscovitzæ à summo in imum & Borysthenem usq; rejecti. Diceret ex composito ludum esse, aut aspicientem omnia dubitare Fortunam cui tandem parti accederet. Rursus quippe Mosci, aliis aliisque jugiter succurrentibus copiis, potentiores evasere: submotisque longius Sarmatis, in Montes tertia vice & victoriam ascendebant. Inde Rex & Radzivillius Dux prætorianis militibus

(res



(res ad Triarios quippe devenerat) adfuere, & Barbaros magna vi in subjectam planitiem fluviumque præcipitaverunt. Et licet, anguium instar, novis subinde novisque viribus confirmati, in unum rursus coalescerent, conatumq; renovarent, tamen ad priorem felicitatem via modusque non patuit. Omnem quippe, præsentia sua, Vladislav<sup>9</sup> successum rupit, & ad noctem usq; pertinaces Barbaros, cædibus vulneribusq; comminuebat. Quo minus autem interneccione dederet, illa quinquaginta quatuor tormenta legionaria, & subducta quatuor sclopetariorum millia impediabant.

Rex suorum ab hisce damnum fremens, & ereptum integræ conficiendæ rei modum frendens, <sup>Rex per VVeiherrū</sup> omnem in sclopetarios illos furorem vertit, & <sup>4000.</sup> ulcisci eadem nocte meditabatur. Et factum <sup>Sclopetariorū hostiliū frustrā noctu obruere tentat.</sup> dubio procul fuisset, si per planitiem, qua facilis apparebat, accessus patuisset. Siquidem Comes Jacobus Weiherus, cui Rex hoc negotium dederat, & alias multum tribuebat, summo cum silentio, ipsis minime sentientibus, stationi ipsorum appropinquaverat. Et cum irrumpere jam cædemq; meditaretur, ecce humus minus solida, cænosa, fallax, & palustris, impedimento, & hostibus saluti fuit; adeo ut momento temporis  
spes

spēs omnis in periculum & difficultatem verteretur. Quia incauti milites alii ad umbilicum, ad genua alii, ad talos pleriq; cœno merſi, maiorem aliquanto difficultatem sentiebant eluctandi, quam evadendi. Et, in tanta propinquitate hostium, aliorum in stuporem membra, aliorum in conatum supra vires movebantur. Nihil certius est, quam plerisq; tunc Polonis, qui aderant, nihil magis ad vitam & salutem profuisse, quam quod hostis ignoraret. Nec sic tamen omnes evaserunt: quippe nonnulli lassitudine, desperatione, metu, in stuporem, & ipso conatu suo in profundius merſi, ad ludibrium hostibus suis inhæserunt.

Itaq; spe sua falsus Vladislaus Rex, sequenti die mane aciem instruit; ratus hostem, vario præcedentis diei successu, toties ad audendum irritatum, rursus fortunam tentaturum. Nec in vanum conjecerat. Jam enim & ipsi, ad assultum præparati, in arma convenerant: sed resolutione Regis & promptitudine ad prælium invitantis conspecta, animum pariter & arma deposuerunt. Rex, cum nihil eos movere videret, & audaciam hostium intra suam virtutem conspexit, arma ponere aliquam copiarum partem imperavit, & ad securitatem maiorem Montium, propugnacula alia, munimenta alia, fortalitia alia, fieri mandavit; quo

despe-



desperationem hostibus etiam aggrediendi injiceret. Ad hoc aciem quoque, continuis aliquot diebus ostentavit, quo fiduciam suis, Barbaris vero metum confirmaret.

Non possum profecto hic satis Regium illum *Regi viro* Vladislai animum admirari: qui non hostium *tutes mi-* numero conatuq; non periculis & difficultate, non *randa &* incommodis vigiliisq; fractus, insuper Regium *labor in-* suum credere novercanti fortunæ sanguinem non *defessus.* dubitavit: et, quod maximum est, indefesso labore castrensib<sup>9</sup> muniis se immisceret, & illam, eo loci, hoc tempore, aëris inclementiam, ut saliva ore projecta antequam terram attingat congeletur, & lachrymæ oculis expressæ mox in ipsis genis, frigore nimio in glaciem varientur, non abhorreret. Sed, credo, magnanimus Heros, sicut antea periculosis & victoriosissimis expediti-  
onibus dignissimum se Regno ostenderat; ita nunc in castrensi pulvere non esse delicatam rem regnare demonstrare voluit. Tum etiam ut se ipsum in exemplū aliis daret, & in ipso videre liceret quantum Custodem publicæ salutis pro salute publica tolerare oporteat. Quippe cujus vigilia omnium domos, cujus labor omnium otium, cujus industria delicias omnium, cujus occupatio deniq; vacationem omnium defendere & tueri debeat de-

M ceatque.

ceatque. Itaq; comes tantarum virtutum Fama  
(cujus magnam quoq; rationem eos habere o-  
portet, qui, qualemq; meruerint, magnam  
habaturi sunt) non Sarmatiæ conclusa terminis,  
perambulabat Orbem, & Regias Vladislai virtu-  
tes in Oriente & Occidente celebrabat.

Quare & nominis, & rerum gestarum ma-  
gnitudine, truculentissimi mortalium Tartari  
movebantur. A quorum Chamo Legatio am-  
pissima, sub hoc tempus, in castra venit: quæ  
festo tormentorum boatu excepta, copiam allo-  
quendi Regem præstolabatur. Interim Rex, cum  
nihil hostem, quotidianis aciebus irritatum, mo-  
vere videret, & optime jam, adversus quemlibet  
insultum, munita in Montibus fortalitia sua vi-  
deret, non procul à Montibus generalia sua castra  
posuit, & Borysthenem, infra stationem Sehini,  
ponte subjungavit, cujus extremitatem Elias Ar-  
tisschevius, vir in militia approbatus, munitione  
firmavit. Cosaci vero, pontem illum transeun-  
tes, in eodem Artisschevii littore, in ipsa, Mosco-  
viam versus, via, stationem suam, non procul à  
statione Sehini, firmitus solito muniverunt. Ad-  
eoque Rex suis necessariam semel, tot laboribus  
vigiliisq; defunctis, quietem indulgit. Quippe  
danda est remissio animis: meliores acrioresque re-  
sur-

Sen: de  
Tranquil.



*surgent. Ut fertilibus agris non est imperandum: cito enim exhauriet illos nunquam intermissa fecunditas: ita animorum impetus assiduus labor frangit. Vires recipient paulum resoluti & remissi. Nascitur ex assiduitate laborum, animorum hebetatio quadam & languor. Erat ergo miles ordinatione Regia porro otiosus, Solus Rex otium sibi non indulgebat: sed munimenta quotidie lustrans, alia super alia, ad securitatem suorum, hostiumque damna, ingeniose excogitabat, fierique jubebat. Ita suggestus varios moliebatur, & in iis tormenta collocans, subinde grandium globorum vomitu stationes hostium infestabat. Et paulatim illa ædificans, alia destruens, à longe tanta dexteritate hostem cingebat, ut, quid intenderet, ille non adverteret, et, quod faciebat, facere non videretur. Sed & Sehinus minime otiosus, opera operibus opponebat: sed inutilia pleraque cum Regis propositum ignoraret. Diceres molitionibus ingeniosis, variis, sumptuosis, vastis, ad Dyrachium Cæsarem iterum Pompeiumque tumultuari. Subinde velitationes inter utraque castra, sæpius vices variante fortuna, nunc animum metumque faciebant: majore tamen cum detrimento hostium, cum à Palatinide Danielo vicio, magnæ dexteritatis adolescente (qui laudabilem*

in hac expeditione operam Reipublicæ præstitit) plurimi quotidie captivi adducerentur. Insuper singulis fere momentis, certatim jam exteris omnibus cum victoria & fortuna Vladislaum respicientibus, transfugæ Polonis accedebant; adeo ut castra hostium quotidie debilitarentur, & Polonorum accrescerent.

Tam felicem vero successum parum aberat  
*Rex magna prudentia æmulatione suorum destruit.* quin Magnatum quorundam inter se æmulatione corrupisset. Quod factum indubie fuisset, nisi adulta Regis prudentia, ut Phœbus nubes solet, æmulationis fumum discussisset. Hoc detestabile in ipsis castris malum tum maxime vires sumpsit, cum a foris hostis amplius non timeretur. Est enim hoc non nisi felicitatis vitium: quod exordium, quidem infelix in ipsis belli tumultibus successibusque sumit, sed non, nisi posito timore hostium, sese exerit & prodit in apertum. Periculo enim foris imminente, in fœdus & auxilium commune constringimur: sed, metu posito, tanquam mutuo, quo ligabamur, vinculo soluti, in varias æmulasque partes dissolvimur. Hinc deinde insolentiæ, detractiones, contumeliæ, insultationes, & parendi uni præ altero dura cervix; & certissimum tandem, nisi matura prudentia Monstrum hoc pessimum in tempore destruat, veloxque exitium.

Adeoq;



Adeoq; & prudentissimus Seneca ex tali recalci-  
 tratione Romani Imperii miserum vaticinabatur  
 exitum. *Hic casus*, inquit, *Romanæ pacis exitium*  
*erit; hic tanti fortunam populi in ruinas aget.* Tam  
*diu ab isto periculo aberit, quam diu sciet ferre frænos:*  
*quos si quando abruperit, vel aliquo casu discussos re-*  
*poni sibi passus non erit, hæc unitas & hic maximi Im-*  
*perij contextus, in partes multas dissiliet: idemque*  
*huic Urbi dominandi finis erit, qui parendi fuerit.*  
 Verebatur idem Vladislaus de exercitu suo, præ-  
 fertim vicino adhuc tam numeroso hoste, quod  
 de Romanis Seneca vaticinabatur. Quare in prin-  
 cipio statim, ut malum sensit, aggressus est, ut tan-  
 quam in scintilla adhuc una extingueret. Alios,  
 primæ admissionis amicos, benevolè blandisque  
 verbis ad concordiam hortabatur: quosdam du-  
 rioris ingenii acriter reprehendebat: nonnullis  
 ne loquebatur quidem, ratus, cum ignorare se,  
 esse illos inter æmulos, simularet, ab hoc tempore  
 saltem à vitio desituros, ne se quoque inter eos  
 fuisse Rex suspicaretur. In totum vero summe ca-  
 vebat, ne res, plena discriminis, in vulgus emana-  
 ret, partes faceret, & hostibus suis innotesceret.  
 Ut enim summa prudentia altissimi viri scelera  
 quædam non vindicare maluerunt, quam vindi-  
 cando ostendere potuisse fieri; ita Vladislaus Rex,

tum mutilando Monstrum, & destruendo, tum etiam non una ratione tegendo, maluit prudentissime totum non videri, quam aliquo severiori indicio prodere, vel semel natum fuisse.

Inde prudentissimus Rex, non nescius otii vitia negotio discuti, armilustria & exercitia militaria frequentiora instituit, & crebrius levioris armaturæ cohortibus, ad conferendas manus, hostes provocavit. Quin immo & ex suggestibus, eo tempore quo ad Ecclesiam Schismatici se conferebant, vigesies in eos exonerari tormenta iubens, notabile damnum intulit: & Mosci è machinis suis respondebant quidem, sed absq; ullo Sarmatarum damno. Contigit hoc 23. Octob. Sequenti die Sehinus, Tibicine ad Vladislaum Regem misso, de commutatione captivorum tractari petiit: & placuit Vladislao Regi, qui horum multitudine gravabatur. Hæc autem tractatio, propter fallaciam Barbarorum, ad Decembrim usq; tenuit. Interim Radzivillius Dux, ad intentum Regis, templum Schismaticorum prope Sehini castra tentavit. Et primo quidem impetu victor evasit, adeo ut Barbari in contignationem fugerent: sed supervenientibus Moscorum turmis, templum deferere iterum debuit, & in aperto pugnare: ad extremum, aliis aliisq; advenientibus copiis, retro ad Smolenscum

Poloni  
templum  
Schisma-  
ticorū op  
pugnant,  
& Mosco-  
viticorū  
Tartaro-  
rū castra  
incendunt.



lenscum usque recedere. Et quamvis res illa sic caruisse successu videretur, non usquequaque tamen obsuit, cum, pugnante adhuc in Barbaros Radzivillio Duce, Palatinides Danielovicus Tartarorum Moscoviticorum stationem incenderet, multisq; aut captis, aut trucidatis, totam in favillas cineremq; redigeret.

Et jam aliquamdiu Mosci, sive pavidi, sive desperantes, defensiva bellum gesserant, nec quicquam amplius offensive videbantur ausuri: cum unus ad Sehinum transfuga, Moscis, Polonos in-<sup>Mosci stationē</sup> vadendi, animum fecit. Hic natione Gallus erat, <sup>Regiā op-</sup> qui Vice-Centurio (leutenantius vulgo) nuper <sup>pugn. nt.</sup> stipendia sub Vladislao meruerat, nunc reforma-<sup>Regis pe-</sup> riculū & <sup>Barbaro-</sup> tus, ut vocant, apud Comitem Jacobum Weihe-<sup>rū clades.</sup> rum morabatur, quo simul & pane frueretur, & ipsius gratiam aucuparetur: jam autem, proditiōnis ergo, ad hostes transferat. Hic itaq; Polonicorum castrorum situm curiose speculatus, viam, ut apparuit, facilem, ad ipsam Regiam usq; stationē, advertit, quam deinde facile expugnari posse putavit, quod de ea minus timeretur. Hoc primum nationis suæ Tribuno Carolo Huberto Gallico nobili, & per hunc Moscorum Ducibus insinuavit. Quid multis? Res periculum faciendi digna videbatur: quæ tamē, si succederet, allatura momen-  
tum

tum foret. Itaque in aciem Mosci, totis, adulta nocte, viribus pugnaturi, congregantur. Nunquam ita Cœlites pro Vladislao Rege vigilasse visi. Hucusq; enim pro Fortuna Rex, jam sola pro salute Regis Fortunapugnasse videtur. Locus erat ad Borysthenem potandis equis Barbaris opportunus. Hunc ex Vladislavianis copiis observaverat Botlerus Chiliarcha; adeoq; & prædæ, & inferendi damni cupidus, aliquot è sclopetariis suis, eadem illa nocte, eodem illo tempore, & eadem illa via, qua Mosci aciem ad stationem Regiam promovebant, illuc ire iusserat. Qui nisi tacitum armorum fragorem, tot millium strepitum, & appropinquantium Moscorum murmur audientes, signum longioribus tubis dedissent, nemine advertente, ad ipsam stationem Regiam incolumes penetrassent; cum jam quoque non adeo multis centenis passibus abessent. Sed excitatus, adulta nocte, sclopetorum explosione Vladislaus Rex, quod erat rei suspicabatur. Quare & jussu ejus Polonos, in munitionibus convocatos, multis ad rem strenue gerendam verbis adhortabatur, & Oratione, ad præsentis rei faciem maxime oportuna, non parum animos eorum ad pugnam & fortitudinem erigebat. *Omnium enim honestarum rerum semina animi gerunt, quæ admonitione excitantur: non aliter quam*

Sen: Epi-  
fol. 94.

qu  
Ev  
vii  
per  
len  
ma  
co  
Ser  
tio  
om  
lut  
Ne  
ma  
du  
vul  
ver  
lica  
tra  
men  
pug  
hof  
qu  
Sec  
pri  
me  
cur



quam scintilla, flatu levi adjuta, ignem suum explicat. Erigitur virt<sup>o</sup> cum tacta est & impuls<sup>a</sup>. Quare, præviis tormentorum, quibus non leviter Barbari percellebantur, tonitruis, ea Schismaticos violentia rejiciebant, quasi viribus plus quam humanis dimicarent. Præsertim cum Regem suum cogitarent, quem unicum ut Patrem Patriæ & Servatorem suum diligebant: quem in hac statione sua præsentem, & præsentia exemploq; suo omnes animantem conspiciebant; pro cujus salute amplius quam sua pugnare decreverant. Nec abs re. Suam quippe milites incolumitatem *amant, cum pro uno homine denas legiones in aciem deducunt, cum in prima fronte procurrunt, & adversa vulneribus pectora ferunt, ne Imperatoris sui signa vertantur, Ille est enim vinculum per quod Respublica coheret: ille spiritus vitalis, quem hæc tot millia trahunt; nihil ipsa per se futura, nisi onus & præda, si mens illa Imperij subtrahatur.* Itaq; pro sua salute pugnabant, cum pro Rege suo præliarentur. At hostes, licet prima vice cum damno ignominiaque repulsi, tamen non ideo statim desperabant. Sed renovantes impetum, quasi geminato per primam repulsam furore, transcendere munimenta moliebantur. Sed mox rejecti iterum, cum clade retrocedebant. Interim & Cosaci Za-

Sen: lib. 1.  
de Clem:

N

poro:

porovieneses arma cæperant, & Borysthenem celeriter transeuntes, ab uno latere in Barbaros ferocius irruebant, & obvios quosq; primo impetu trucidantes, late stragem dedere. Sed Schismatici multitudine abundantes, paulatim non tantum pares, sed superiores etiam evasere. Tum commodum Zaporovienfibus Cosacis venit, quod obversa jam, in omnibus suggestibus, jussu Regio, in Moscovitas machinæ grandes, immani gutture globos in hostes vomerent, magnoque Barbarorum detrimento, viam ad prosperiorem conatum facerent. Iterum ergo pugna, & quidem, ad multas horas, dubio Marte. Ad extremum tamen Schismatici, cum pugnam à media nocte ad meridiem usq; produxissent, varioque successu continuassent, nihil autem spei porro superesse viderent, male multati ad stationes suas, prosequentibus eos à tergo crebris tormentorum ictibus Polonis, cum ignominia se recepere.

*Moscipolono-  
rum  
commea-  
tū inter-  
cipere ni-  
tuntur,* Schinus, hoc damno suorum irritatus, medi-  
um modumque excogitabat, quo hostibus suis  
cladem ignominiamq; reponeret. Cum ergo sta-  
tio Regia non cessisset, & ipse de ea quicquam  
prosperioris successus porro desperaret, viam ob-  
servare voluit, qua Sarmatæ commeatum ex Ur-  
be



be Smolenſco in ſua caſtra transferrent : ratus, *ſed cum*  
 majore Polonorum ignominia & dolore debel- *damno*  
 latum iri, ſi à latere penu clauderetur. Itaq; oc- *reycium*  
 caſionem quotidie captans, tandem præſidiarium *tur.*  
 militem, qui commeatum deducebat, magno  
 cum fervore aggreſſus eſt. Putabat enim facile  
 illum multitudini aut ceſſurum, aut, ſi pertina-  
 cius reſiſteret, celeriter, antequam ſubveniretur,  
 obrui & internecone deleri poſſe : quomodo-  
 cunq; autem accideret, ſibi commeatum & glo-  
 riam, Polonis hoſtibus ſuis pudorem famemque  
 ceſſuram. Omni, ſecus acciderunt, & Fortuna  
 iis iſtis, in quibus ſperabat, mediis, in Sehini rui-  
 nam utebatur. Tanta quippe præſidarii milites  
 pertinacia reſtitere, ut Barbari, ſæpius licet impe-  
 tum redintegrantes, ne veſtigio quidem uno eos  
 movere retro poſſent; ſemper cum ignominia,  
 & clade repulſi. Cum ergo Dux Radzivillius, ex-  
 pedita manu in ſubſidium veniēs, cervicibus im-  
 mineret, in tempore Moſci retroceſſere : non  
 ſemel queſti, adverſis ſeſe Numinibus, & inau-  
 ſpicato bellum inchoaſſe.

Vladislaus Rex, cum ad locum pugnæ veniſ- *Rex Mo-*  
 ſet, & viam quā Barbari in ſuos irruerant, cogno- *ſcorū ca-*  
 viſſet, extemplo fortalitium loco maxime, ad ex- *ſtra omni*  
 cludendum hoſtem, opportuno fieri imperavit. *ex parte*  
*concludit*

Inde arbores frequentissimas incidi iussit, & ab uno fortalitio & munimento ad alterum, quacunque vel angusto calle hostem venturum suspicabatur, trabibus arboribusq; magnis vias omnes sepsit & obstruxit: adeo ut ab illo latere Barbari ne evadere quidem, etiam si omni robore conarentur, possent. Et jam Sehino non nisi una, Moscoviam versus, via patebat. Sed & in hanc Vladislaus Rex jam oculos intentionemq; conjecerat. Et in ipsa regia via quidem, frustra obnitentibus & impedire conantibus Barbaris, fortalitium ingens, vastum, munitumq; excitavit. Reliqua viarum calliumq;, quæ aut equitari aut ambulari etiam, posse videbantur, succisis millibus arborum, ita sepsit, obstruxit, fossisque munivit, ut vix expedito homini, ne dicam exercitui gravi & armato, etiam si libere permitteretur, exitus patuisset. Non aliter ergo Vladislaus in Oriente Moscos obsederat, quam Julius Cæsar olim in Occidente ad Gergoviam Gallos. Insuper illum, inter munimenta sua & obsessa hostium castra, gyrum, levioris armaturæ turmis jugiter equitabat; adeo ut ne suis quidem castrorū portis hostes pedem efferre pateretur. Lignatum ibant, obruebantur: pabulatū, concidebantur: aquatum, in ipso opere capiebantur. Et omnia paulatim Barbaris, quæ obsessis e-

venire



venire solent, morbi, mortes, & atra fames, contingebant. Ita exercitus ille, centum paulo ante & septuaginta millium, quotidie minuebatur, sic ut ad extremum, cum deditionem faceret, non viginti millia excefferit.

Erat autem tunc temporis communis fama, alium & numerosum exercitum, ex Moscovia, in subsidium Sehinò venire. Et fidem passim rumor, etiam apud Regem, inveniebat, cum nemo dubitaret Moscoviam aliquid, pro tantorum Ducum, Nobiliumq; totius Imperii liberatione, ausuram. *Rex Kazanoviu in Moscovia penitiorē mittit, qui magna cum prada revertitur.*  
 Hinc & Vladislaus Kazanovium Exercitus Polonici Generalem, cum aliquot levioris armaturæ millibus, in penitiorem Moscoviam, tum ad recognoscendum, tum ad terrorem Polonici nominis latius inferendum, tum etiam, si hostem alibi inveniret & pugnae copiam faceret, ad confligendum, misit. Exequitur diligentissime, quod erat imperatum à Vladislao Rege, Kazanovius. Et Drohobusium, Viatinæam, & Kolugam prætergressus, Mozaiscum usq; , viginti solummodo à Stolitza seu Metropoli Moscuæ milliaribus, penetravit: omnia, quæ inter Smolenscum & id loci intercedebant, sexaginta duo milliaria, longe lateque populatus. Nihil magis autem copias ejus in risum & stuporem, quam D. Nicolai (quem supersti-

perstitiose Schismatici colunt) imagines traxere. Has, ædium cubiculorumque januis affixas, cum Poloni, lucri studio, avulsas, secum abstulissent, indefesso labore Barbari ad multa milliaria pedites sequebantur: & Sarmatas affecuti, nil de opibus & substantia sua direpta questi, solam imaginem D. Nicolai humili oratione repetebant. Quam deinde Poloni non ante se reddituros, nisi aliquam pecuniæ summam stipularentur, simulabant. Et superstitiosi, si quid adhuc ex nummulis occultaverant, totum tradere quam D. Nicolai imaginem omittere maluerunt. Revertebatur ergo, longe lateq; spoliata Moscovia, ad Regem, præda gravis, Kazanovius: & nullum tanto terrarum spatio visum à se hostem indicavit. Immo ne aliûs quidem exercitus in penitiore Moscovia famam aut rumorem esse: metum autem ingentem, tam Cnesiorum & Boiariorum, quam vulgarium animos occupasse; sic ut potiora offerendæ pacis, quam formandi exercitus, signa appareant.

*Poloni triumphant ob Turcas à Konecpol scio victos*  
 Rex hoc tam felici nuntio lætus, jam pleniore animo hostes aggrediebatur, & quotidie incessanter, ex suggestibus omnibus, in hostium castra, & Sehini ipsius tentorium, globos mittebat: ut non tantum fame eos & tædio, sed detrimento quoque & metu, ad desperationem & ignominiosam



iam deditioem cogeret. Dum autem Rex hujus  
 tam boni nuntii felicitate fruitur, ecce alterum,  
 longe meliori voluptate animum ejus mulcens.  
 Siquidem ex Podolia, litteris ad ipsum scriptis, a-  
 periebatur victoria, à Konecpolscio, in Valachia  
 de Turcis obtenta. Quare autem Osmanidæ in  
 Sarmatiam arma caperint, & quomodo ad extre-  
 mum, præsentia & virtute Vladislai Regis territi,  
 ad pacem Poloniae gloriosissimam, & ignominio-  
 sam ipsis, compulsi fuerint, paulo inferius, imme-  
 diate post bellum hoc Moscoviticum, dicemus.  
 In præsentiarum autem Vladislaus Rex, ob nunti-  
 um à Konecpolscio bene gestæ rei, tormenta in  
 suggestibus omnia tribus vicibus exonerari jussit.  
 Quo triumpho territi, quid rerum ageretur nescii,  
 Moscovitæ, tandem intellecta causa, & nos vobis-  
 cum, ad Polonos vociferabantur, *si scivissemus, ob*  
*victoriam de Mahometanis obtentam, Christianita-*  
*ti congratulantes, triumphassemus.*

Interim Vladislaus Rex, iam tempus vacuum  
 nactus, Tartarorum legationem, hucusque, in tot  
 tamque felicibus ejus successibus, præsentiam ejus  
 anhelantem, audire decrevit. Hæc autem, coactis <sup>Rex Tar-</sup>  
 in encomia verbis, Regi faustam Sarmaticæ co- <sup>tarorum</sup>  
 ronæ adeptionem, & felicissimum fortunatissi- <sup>Legatos</sup>  
 mumque regimen porro, partim & congratulaba- <sup>audire &</sup>  
 tur, <sup>muner-</sup>

bus dona-  
tos dimit-  
tit 30.  
Novemb.

tur, partim optabat. Tum fortitudinem ejus, virtutes, & frequentes victorias prosperosq; successus ejus, quibus se non paucis interfuisse sibi congratulabatur, elevabat. Vovere autem porro, ut Coelites conatus ejus adjuvare & prosperare, usq; ad summam hostium suorum confusionem, velint. Ad hoc, ne verba tantum adferre videretur, nomine Chami sui, centum millia expeditissimorum militum, adversus Moscum, offerrebat. Gratissima Vladislao Regi Legatio, congratulatio, & auxiliorum oblatio fuit. In praesentiarum autem, magna benevoli animi significatione, gratias egit. Tum Principes Legationis, & quemq; pro statu & conditione sua, Regia prorsus munificentia & liberalitate donatos, ad sua dimisit.

Rex VVo-  
necium  
Moscuam  
mittit,  
Mosci mi-  
sericordi-  
am semel  
petentes,  
& resili-  
entes, se-  
cundo mi-  
sericordi-  
am Regis  
implorat.

Tractababatur interim adhuc, quod superius inchoatum diximus, de commutatione captivorum. Et causa erat tam tardi processus, precipuos captivorum occultantium Moscorum, dolus: qui tandem, magna ejus cum indignatione, Perspicacissimo Regi patuit. Quare Woronecium Notarium terrestrem Smolenscensem, ad Moscoviticam nobilitatem, de fallacia questum, Moscuam misit: tum etiam, ut, quid rei in Provincia ageretur, & quid ipsis animi esset, caute simul adverteret & expiscaretur. Post hujus disces-



discessum & dolum animadversum, acrius infestari Barbaros Rex tormentis jussit: quos eo tandem, continuis aliquot dierum explosionibus, desperationis adegit, ut misericordiam ejus implorantes, deditionem offerrent, dummodo toleranda viris imperarentur. Rex, etsi perdere omnes potuisset quos in manu habebat, tamen, qui est clementiæ ejus genius, condiciones temporis & statui eorum cōvenientes præscripsit: quæ quoniam graves nimis videbantur, discussa concordia spe, arma iterum & explosiones. Quibus in tantas hostes angustias redigebantur, ut plurimi nationis peregrinæ milites, relictis Moscorum castris, ad Polonos fuga transirent. Inter quos è præcipuis Centurionibus unus, morbos, famem, & miserabilem Moscoviticorum castrorum faciem, summo omnium cum stupore, depinxit. Quinimo & Sehinum litteras à Michaële Fedrowics Magno Moscoviæ Duce accepisse, quibus ignavia ipsi & bellicæ rei inscitia objecta fuerit, ut qui septem annorum apparatus, & exercitum numerosissimū, exercitatissimis Occidentalium nationum militibus, ingeniosissimis exoticarum artium inventionibus instructissimum, tam turpiter à Rege Poloniæ, tumultuarie tantum collecto exercitu belligerante, cedi, fugari,

gari, destrui, & ad extremum, summa cum ignominia Moscovitici nominis, obsideri permiserit. Erigebantur hisce Polonorum animi, & continuis in Sehini castra explosionibus, postremam ditorum castrorum gloriam anhelabant. Nec desepxit utilem, ferocis populi, fervorem felicitas. Iterum quippe Barbari à Vladislao Rege misericordiam imploravere: quam difficilius assecuti sunt, quia tam facile primo contempserant. Tandem tamen, ad supplices eorum preces, iterum ad clementiam Rex descendit. Petebant præterea Barbari, ut armistitii gratia fieret, & damnosæ partibus explosiones ad 18. Febr. diem suspenderentur. Interea vero temporis, à Commissariis, ad id à partibus designandis, ad deditio- nis pacta formanda laboraretur. Assensit & hisce, pro Regia sua clementia, Vladislaus Rex: sed ea lege ut interea temporis deditio- nis leges concluderentur.

*Vorone-  
cius ex  
Moscovia  
redit, &  
paulo post  
Legati  
Moscovi-  
tici ad-  
veniunt.*

Interim Voronecius, ad Metropolim & Moscoviticam nobilitatem paulo ante à Rege missus, cum optima contentatione revertebatur. Non poterat ille satis studium & benevolentiam, à Moscovitis anhelantibus pacem, sibi exhibitam collaudare: non aliter ac si Mercurius aliquis evangelia Moscis tulisset. Certe adeo, belli ra-  
dio,



dio, æternæ pacis & concordiaë desiderio ferri, ut propediem Legati ipsorum, qui ipsum non longo temporis & itineris intervallo secuti fuerint, adfuturi videantur. Hos Vladislaus Rex, cum paulo post advenissent, quatuor à castris suis milliaribus, audientiam præstolari iussit. Erat tum 17. Febr: dies, qua deditiois leges jam conceptæ omnes erant, quibus non nisi conclusio deerat. Quas cum Legati Moscovitici perlegissent, unus & præcipuus eorum, infelicitatem suæ gentis, & labem nunquam eluendam amare flevit.

Et jam præscripta conclusioni dies aderat, qua conclusio quoque sequuta est: ignominiose quidem respectu Barbarorum, gloriosissime vero respectu Regis & Reipublicæ Polonæ. Contra-  
<sup>Condi-  
ones de-  
ditionis  
conclu-  
duntur An-  
no 1634  
18. Febr.  
& præci-  
pua recen-  
sentur.</sup>  
 ham plurimas in compendium conditiones, & reifum-  
<sup>no 1634  
18. Febr.</sup>  
 summam brevibus enarrabo. Inprimis, licet sufficientissimam causam, aut omnes trucidandi, aut militiæ Sacramento astringendi, Rex haberet, tamen pro clementia sua singulari, liberum ad suos abitum, quatuor hisce conditionibus fere, clementer indulgit.

I. Ut juramento se obligarent, nullatenus, aut quacunq; etiam ratione, contra Regem Rempublicamque Poloniam, quadrimestri spatio, à discessu suo ex castris, se militaturos.

II. Castra ita integra, cum tormentis omniq[ue] apparatu bellico, quin immo & ipsis demortuorum armis, Boiariorum & equestrum virorum phaleris, & pharetratorum insigniis Regitraderent, ut si quispiam vel minimum ad castra spectans subduxisset aut corrupisset inveniretur, reus omnium bonorum suorum haberetur: exceptis duodecim tamen tormentis legionariis, quæ Rex Sebino avehenda permisit.

III. Profugi & proditores omnes Vladislao Regitraderentur: peregrinæ vero nationis militibus, ut & Moscovitis ipsis, aut manendi, aut servitio se Regio obligandi, aut ad propria redeundi liberum esset. Subditi autem Vladislai Regis, etiamsi Moscis militassent, cum uxoribus, liberis, & bonis omnibus, in castris relinquerentur.

IV. Ut involutis vexillis, fomitibus sclopetorum extinctis, sine tympanorum aut tubarum sono, ad locum à Vladislao Rege præordinandum exirent. Inde sua Vexilla Signiferi ad pedes S. R. M. deponerent, tribusque passibus & terna reverentia retrocedentes, tam diu morarentur, quoadusque Dux Radziwillius Lithuanie Generalis, S. R. M. nomine, reassumere vexilla mandaret. Ipse Michaël Borisowicz Sebinus autem Moscovitarum Generalissimus, cum Palatinis, Ducibus, Tribunis, Officialibus Supremis & aulicis, cujuscunque nationis essent, ex equis suis descendentes



dentes, ad pedes S. R. M. vitamque exorantes sese prosternerent, quoadusq; à Radziwillio Duce surgere, & equos ascendere iussi, tympanorum & tubarum clangore audito, cœptum prosequerentur iter. Nemini autem subditorum S. R. M. in via molestiam facerent, sed commeatum, æqua pecunia licitati, coëmerent.

His quidem conditionibus tunc convenerat: sed quæ est Barbarorum istorum levitas, iterum, aut pudore, aut pœnitentia ducti, à proposito resiluere. Et eo quidem titulo, quod Imperatoris sui nomen & titulus in conditionibus non legeretur: sine quibus pactis conventis stare difficulter possent. Hic quidem titulus erat, revera autem æmulatio & ambitio, etiam inter Barbaros mala, rem turbaverant. Carolus Hubertus & Prozorovius, cum de conditionibus ageretur, ad concilium, nescio qua de causa, vocati non fuisse dicebantur. Hoc illi, quia neglecti fuerant, velut contemptum interpretabantur. Cum ergo iste quindecim equitum Gallorum turmis, hic sagittarijs omnibus & nobitati præesset, quod facile poterant, tumultuavere. Et titulum quoque invenerant, quo superbia tegeretur, ut sine ratione nihil movere viderentur. Ignaviam Sehino obijciebant, qui cedere foemineum in morem proposuerit, cum vires adhuc, arma, & manus habeat. Fortunam audacia,

Mosci à  
conditio-  
nibus hi-  
sce resili-  
unt, sed  
Regis ar-  
mis pressi,  
ut iidem  
fruantur  
supplicat.

ciæ, fortitudinis, & Virtutis comitem esse: per-  
rumpenda esse hostium castra, viam ferro facien-  
dam, & virorum instar in Moscoviam retroce-  
dendum. Insuper callide, per subornatos profu-  
gos, spargi iusserant, exercitum Polonorum non  
tria millia virorum excedere, & Ducem Radzi-  
villium Lithuanici exercitus Generalem, ab auxi-  
liatrice manu lethaliter vulneratum: adeo ut &  
Tribuni & gregarii milites, ut armata manu cede-  
ret, Sehinum adhortarentur. Sehinus autem, *qui  
vult cedere, cedat*, inquit, *ego duodecim tormenta  
disponere volo*. Tamen, prævalente multitudine  
inimicorum, eo, quo retulimus, titulo, à conditio-  
nibus factis ad arma resiluere. Tentari patientia  
Regis videbatur: itaque magna cum indignatio-  
ne, sicut alias nunquam, è superioribus jugis in ho-  
stium castra detonuit. Quinimo & Palatinidem  
Russiæ Danielovicium templum S. Spiritus, pro-  
pugnaculi in formam à Moscis munitum, assilire  
iussit. Quod hic non minus fortiter, quam erat im-  
peratum, exequutus est. Assiliit enim, pugnavit,  
expugnavit, omnibus, exceptis iis quos velox fuga  
furori exemerat, ad unum trucidatis. Barbari ca-  
stra ipsa sua Polonos aggressuros putabant, & di-  
spostis in gyrum tormentis in vanum jaculaban-  
tur. Adeoque pavidi in munitionibus jam suis ti-  
mebant,



mebant, qui paulo ante Polonorum aggredi velle præsumperant. Ergo perrumpendi consilium sedit: & misericordiam iterum, cum machinis Regiis lacerarentur, supplices rogavere. Et placuit iterum misereri, quia culpa vacavisse Sehinum compertum fuit. In pœnam tamen levitatis & inconstantiae suæ duodecim illa tormenta, Sehino concessa prius, negata fuerunt. Et acquievere Barbari, qui quidvis potius tolerare, quam in periculum Regiæ indignationis tertio labi decreverant. Ex singulari tamen indulgentia Regis, duodecim illa tormenta, Sehino rursus concessa fuere, quia tam facile cesserat.

Porro unum adhuc necessarium erat, ut illa, quibus convenerat, juramento roborarentur. Factum est solenniter hoc 25. Februarij. Tum in tentorio, ad hoc præparato, posita mensa Ecclesiæ mappis strata: in illa autem Crux argentea Ruthenico more. Ut primum deputati ad jurandum convenere, Dux Radzivillius Palatinus Vilnensis, ad juramentum fideliter & Christiane præstandum, Commissarios adhortatus est. Accessere primo Mosci, & Crucem exosculati, formula ipsis consueta, juramentum explevere. Sequebantur Moscos, peregrinarum nationum nomine, Carolus Hubertus & Lesleus: qui, tradita à Kerffio juramenti

Conditio-  
nes de-  
ditionis  
juramen-  
to robo-  
rantur.  
25. Feb.

for-

formula, aliis cum cæremoniis juravere. Tertio accefferunt, Sarmatarum nomine, Charlinius Aulicus Regius & Tribunus Botlerus: qui, juxta ritum Catholicum, flexis genibus, accepta juramenti formula à Marciano Tryfna tunc Lithuaniae Referendario, juramentum præstiterunt. Novissime diversæ Religionis, erectis tantummodo digitis, juravere.

*Sehinus & alij Duces subscribunt conditionibus 27. Febr.* Sequenti die, qui erant in Virgineo monte, Moscisci, relictis tormentis & aliis, ut convenerat, omnibus, duabus ante meridiem horis, ad Sehini castra, complicatis vexillis, abiere. Vigesima septima Februarii Commissarii Regii se ad Sehinum, in Moscovitica castra contulere: quo conditiones in charta positas, cum Prozorovio, Artemio Ismahelis, & Cnesio seu Principe Bialosolielsi, & nomine & juramento confirmaret. Quod Sehinus quidem cum Prozorovio & Artemio Ismahelis, magna cum submissione præstitit. Cnesius Bialosolielsis autem, podagra quo minus adesset impeditus, missis conditionibus, in tentorio suo subscripsit, & juramento roboravit.

*Moscovici Legati paucem pertrahunt.* Eadem die Moscovitici Legati, quos superius paulo post Woronecium venisse diximus, coram Jacobo Zadzik Cracoviensi Episcopo Magno Cancellario Regni, in præsentia plurium Senatorum



rum audientiam habuere. Quibus multum circa Magni Ducis sui titulos tumultuantibus, Magnus Cancellarius Regni abstinere suavit. Nullum enim se, præter Vladislauum Regem, pro Magno Moscoviæ Duce agnoscere: si aliquid autem Boiariorum vel Moscoviæ Senatorum nomine indicandum haberent, simpliciter, sine multis titulorum phaleris, exponerent. Nondum acquiescentibus Moscovitis, Dux Radzivillius Lithuanicus Generalis, admota dextera capulo, *de titulis*, inquit, *non verbis, sed ferro disputandum est.* Qua fiducia Generalis fracti Moscovitæ, Boiariorum seu Moscoviæ Senatorum nomine, pacem petivere. Quibus mox Dux Radzivillius, *si pacem*, inquit, *et Legatos nostros ante biennium audire voluissetis, non tantum sanguinis Christiani effusum fuisset.* Subjungunt, lachrymis oculos eorum occupantibus, Moscovitæ. *Puniat disperdatque infausti belli incentores Deus: apparet enim perspicue illi displicuisse, qui nos gemino malo, damno et ignominia castigavit.* Petebant porro Legati, ut locus prope Smolenscum, dies circa festum S. Johannis, pro tractanda pace, assignaretur: interim autem milites utriusque partis abducerentur, & arma suspenderentur. Magna cum indignatione Poloni Proceres hæc accepere, & responsum, non prope Smolenscum, si pacem vel-

P

lent,

lent, sed Stolitizam sive Metropolim, ubi victoriosus Regis exercitus mox futur<sup>9</sup> esset, tractari oportere. Nec esse eam intentionem Regis, durantibus tractatibus arma suspendere; proinde, si sibi consultum vellent, proximum tempus pro iis optimum fore. Tandem in hoc conventum est, ut 5. April. eo, ubi Vladislaus Rex in persona propria futurus esset, loco, tractatus inchoarentur.

Et jam illuxerat destinata gloriæ Regiæ, & ignominia Barbarorum prima Martii dies. Tum *Castro- deditio, & Moscorum ad pedes Regios prostratio.* Sacra Regia Majestas, hora diei decima, Palatinis & nobilibus comitatus, Borysthenem transgressa, prope Zaporoviensium Cosacorum stationem, ad duodecim millia militum in aciem ritè disposuit. *I. Mart.* Vehebatur ipsa equo Neapolitano, phaleris & peristromatib<sup>9</sup> Regiis exornato. Nō procul ab ipsa Serenissimus Princeps Casimirus, Magn<sup>9</sup> Cancellarius Regni, Dux Radzivillius, Kazanovius aliq; Senatores bellic; Duces. Exercitus Moscoviticus, ad tympanorum tubarumque in Regiis castris clangorem, stationibus castrisque suis mediocri ordine, sed vexillis complicatis, sine ullo tympanorum tubarumque sono, in apertum prodiit. Primus & ordine & dignitate Michaël Boriszowicz Sehinus Generalissimus, Prozarovio, Artemio Ismahelis, Cnesio seu Principe Bialosielsi, & novem

Præ-



Prætorianorum militum cohortibus comitatus, ad Regem equitavit. Ubi propius & ad destinatum à Rege locum ventum est, equis suis omnes delapsi, nutum Serenissimi Regis expectabant. Tum Vexilliferi, debita cum reverentia, vexilla sua ad pedes Regios posuere. Inde Schinus, Prozarovius, Artemius Ismahelis, & Cnesius Bialosiel-  
 sis accessere, & trina profunda capitis ad terram, submissione reverentiam exhibuere. Quibus ergo rite peractis, vexilla deinde permissa, & posse progredi clementer indultum. Abeuntibus à Radzivillo Duce hæc alta voce acclamata. *Vos Domini Palatini agnoscite, non exiguum modo à Regia Majestate gratiam vobis exhiberi, cum sanguinem vestrum in manibus suis habeat. Adeoque tanquam benefactori vestro clementissimo, qui vitam denuo dederit, gratias agite; Deum Ter Optimum Maximum rogantes, ut diu feliciter regiminis clavum dirigere, ad plurimum emolumentum & salutem, queat.* Ad hæc illi. *Reddant hoc Sacræ Regiæ Majestati Cœlites, quod nobiscum, ut Principem optimum & Christianum decet, misericordiam fecerit.* Et facta iterum capite, ad terram usque, reverentia, captum prosequerantur iter. Cum vero Schinus equis, quibus duodecim campestria illa tormenta (quæ Rex illi clementer indulserat) in Moscoviam avehi possent,

sent, destitueretur, eadem Radzivillio Duci donavit.

Verumenimvero Barbarorum Ductori Sehino Carolus Hubertus Nobilis Gallus, & quindecim equitum Gallorum turmis Præfectus, succedebat. Qui pari ratione, positus ad Serenissimi Poloniae Regis pedes militaribus signis, profunda humilique reverentia, Majestatem & virtutem Regiam adoravit. Ad extremum tamen, singulari humanitate Regis, ad osculum manuum Regiarum admissus, resumptis vexillis, Sehinum secutus est.

Hunc cohors integra militum Græcorum Valachorumq; mixtim sequebatur: sed cum ne Regio quidem conspectu digna judicaretur, sine Cæremonia ulla expedita est. Quippe, sicut

*In tauros Lybici ruunt leones,*

*Nec sunt papilionibus molesti;*

Ita generosissimi quoque Regum animi, de vilissimarum gentium ruinis, triumphi gloriam avversantur. Cum enim inglorium eas ducant vincere, pudet triumphare.

At jam ordo ad Fuksium Tribunum pervenerat, qui sex peditum vexillis Præfectus, post signa militaria Regiis pedibus substrata, in debitæ submisionis Symbolum, ter verticem flexit, & post  
restit-



restituta iterum militaria signa, ad præcedentes abiit.

Inde Tribunus Tobias octo cohortium legione adfuit, & præscriptam à victoribus, ad pedes Regios, cum suis, submissionem explevit.

Post hunc Boiariorum, sive nobilium Præcipuorū Moscoviæ septem cohortes, eandē peracturæ Scenam, progrediebantur. Et hæ quidem Turmæ prius & in equis fuerant, sed, hisce ad sarcinas hac occasione trahendas ablegatis, pedites modo ad Poloniæ Reges pedes veniebant. Quem ubi percussa fronte genuque flexo veneratæ fuerunt, sublevatis iterum vexillis, perrexere.

Has Dunensium Moscovitarum & eorundem Cosacorum quatuor turmæ sequebantur: quæ ab equis in terram defluentes, postquam, supplices eandem quam priores sortem subiverant, eadem sunt ratione dimissæ.

Deinde Nobilium Moscovitarum, sclopetis exercitatissimorum, selectæ sex cohortes, totidem vexilla, Regis calcibus subiciebant, & Sarmatiæ fortunam Regiamq; virtutem suspirantes, necessariæ devotioni litaverunt.

Tandem famosi isti Tribuni & militares viri, Mattissonius, Dammius, Resenerius, & Jacobus Carolus, singuli legionibus singulis octo co-

hortium Præfecti, adfuere. Qui ut se supplices, & in victorum, Regisque fortissimi de se triumphantis potestatem quoq; venisse intelligerent, depositis & ipsi, ante Vladislai Regis pedes, vexillis & militaribus signis, nihil aliud quam ille olim & nomine & furore terribilis Vercingentorix, fatebantur: qui, positis ante Iulii Cæsaris pedes armis, *Habes, inquit, fortem virū, Vir fortissime, vicisti.* Idem illi, inquā, & supplices & eadem ratione fassi & faciētes, solita clementia Regis ad suos dimissi.

Anglica quoq; natio se Moscoviticæ genti miscuerat; ita adgubernante Fortuna, ut ex singulis gentibus essent qui vincerentur, & Vladislai Regis virtute victi, fortitudine humiliati, & clementia servati, famam heroicarum ejus virtutum facinorumque latius spargerent, & ne ultima quidem Thule ignoraret. Quid ergo? Horum octo cohortium pariter legio una, Sanderfonii Tribuni sui à Lesleo interfecti corpus in medio ferens, positis vexillis, trina reverentia Majestatem Regiam venerata, eandem cum Moscovitis, ut fortunam, sic legem subiit.

Hanc Tribunus Kittius Scotus sequebatur, quem Rex (quoniam ante in Polonia stipendia sub ipso meruerat) adhuc agnoscens, & supplicem modo, pari cum aliis ratione, accedentem



tē videns, *Faxit Deus*, inquit, *nunquam adhuc, sub meis auspiciis, ejusmodi ignominiam aliquem Tribunum subiisse; nunc quoque inter victores non victos futurus si perseverasses.* Itaque, pudore suffusus, submissionis officium cum verecundia explens, ad Schinum perrexit.

Solus jam exterarum nationum Alexander Lesleus pariter scotus, tribus, singulis octo cohortium, legionibus Præfectus, restabat. Et hic ergo, tacito fortunam sensu incusans, ad Vladislaum Regem accessit, non jam minus humilis quam antea ferox & fortis. Quippe & ipse, substratis Regiis pedibus vexillis, pergentibus ulterius copiis, trina reverentia, Vladislao Regi supplex, officium victi præstitit.

Ad extremum aliquot Boiariorum sive Moscovitiorum Nobilium vexilla, pari cum præcedentibus ratione, submissionem ad pedes Sacræ Regiæ Majestatis explentes, agmen clauferunt.

Jam vero quam miserabilis facies, ægroto-  
rum, nobilium fœminarum, puerorum, infan-  
tiumque in vehis & trahis, ad aliquot millia, sin-  
gulas legiones sequentium: quis deinde, in ma-  
xima equorum penuria, tumultus, quæ lachry-  
mæ, qui ploratus, cum ipsæ nobilissimæ fœminæ,  
manibus suis, in trahis vehisque, infantes suos,  
man-

mancipiorum in modum traherent, non facile dictum est. Et hic est famosissimæ obsidionis, & numerosissimi exercitus finis: quo non tantum septennales annorum apparatus, sumptuum inestimabilis quantitas, & Moscoviticæ potentia nomen, in nihilum recidit, sed etiam ex tam numerofo variarum nationum exercitu (qui obsidionis exordio centum septuaginta millium fuisse dicitur) jam non nisi virorum ad bella valentium, sub centum viginti & unum vexillis, viginti millia circiter, in discessu, numerarentur.

Cæterum, non minimum Tragædiæ hujus spectaculum, Sehinus, multorum judicio, videbatur melius, cum in vigore esset, exercitu, & tot millium exterarum, præsertim exercitatissimarum ad bella, nationum, manibus, ingeniis, viribus, uti potuisse. Sed ipse aut voluntate & dispositione divina, aut præsentia, fortitudine, virtute, & fortuna Vladislai Regis territus, aut pessima quorundam suorum æmulatione à proposito suo distractus, sæpe vecors, tristis sapius, & ad extremum, quotidianis successibus victoriosissimi Regis, palam desperabundus. Longe à prudentium Imperatorum bellicque Ducum

moribus: qui rebus afflictis hilaritatem sæpius de industria simulant, & adversas res adumbrata lætitia abscon-

Fortuna  
statuq;  
Sehini  
deplorā-  
dus.

Sen: de  
Conf: ad  
Polyb:



*abscondunt, ne militum animi, si fractam Ducis sui mentem videant, & ipsi collabantur.* Et tandem eo devenit, ut misericordiam ignominiose rogaret, qui misereri potuit. Et qui spe Sarmatiam universam antea præsumptuose devorarat, jam pudore & confusione gravis, eventus stupore defixus, & consilii inops, Regi, quem irritaverat, genu flecteret: æque & amplius jam faciem Magni Moscoviæ Ducis quam Vladislai timens. Et serius magnæ se illi hominum parti similem intellexit, quæ navigatura, de tempestate non cogitans, naufragio perit.

Verumenimvero Vladislaus Rex, licet ingenti, & quali ab hominum memoria nullus, de potentissimo hoste, victoria potitus esset, nunquam tamē, etiam in ipsis prosperis quotidianis successibus, sui, aut moderationis suæ, oblitus est. Et præsertim in illo deditiois puncto, in quo alii ad sævitiā quam clementiam proniores, perdere infestissimos Poloniæ hostes, quam servare maluissent. Sed Vladislaus Rex, clementiæ memor (*quæ alieno sanguini tanquam suo parcat, & scit homini non esse homine prodige utendum*) omnes, ad majorem gloriam suam, salvos voluit. Præsertim cum sciret non esse tot millia, metu mortis, ad extrema cogenda: cum duodecim Anglorum millia olim, à quadraginta

*Vladislai  
Regis  
moderatio  
& clementia  
laudatur.*

*Sen: Epistol: 88.*

ginta Gallorum millibus circumdata, offerentia deditionem, & ad misericordiam non admissa, metu mortis, non ad pugnam tantum, sed nobilissimam quoq; victoriam suffecisse, non ignoraret.

*Sen lib. 2  
Natural.*

Quippe *nullus perniciosior hostis est, quam quem audacem angustiae faciunt: longeque violentius semper ex necessitate, quam ex virtute corrigimur.* Tum etiam ut omnia fere Europæ Regna (ex quibus singulis propemodum, legiones aliquæ, contra Regnum suum convenerant) beneficio sibi obstringeret: & tamen tot millibus variarum nationum, dimissis, quasi de singulis triumpharet; perditurus alias clementiæ laudem, & irritaturus tot populos, quot sanguine purpurasset. Insuper faciliorem Moscoviam (cujus jam pridem electus erat legitimis votis Cæsar) ad obsequium vel imperata fore: quæ alias, tot Principum, Palatinorum, & nobilium cæde, summum averfa, extremis exandescere viribus in ultionem posset. Demum non vicisse videri poterat, si post victoriam, & in ipsa victoria, se ipsum non vicisset. Quippe *nulli Regi gloria est ex sæva animadversione. Quis enim dubitat posse? At contra maxima, si vim suam continet, si multos iræ alienæ eripuit, neminem suæ impendit.* Itaq; ut Moscorum & tot gentium aliarum reatum intra clementiam suam ostenderet, sicut alia omnia,

ita



ita se ipsum quoque vicit, & ut de Moscis & aliis gentibus, de se pariter triumphavit. Est enim hic generosissimorum animorum genius, extra victoriæ limites iram non proferre, & Orbi terrarum ostendere, non propter sanguinem se, sed victoriam, pugnavisse: qua obtenta, & hoste ad submissionem & pedes usque humiliato, frameam cum vindicta condidit. Quippe &

*Corpora magnanimo satis est prostrasse leoni,*

*Pugna suum finem, cum jacet hostis, habet.*

Inde Rex Vladislaus, ne minus pius quam fortis <sup>Regis pro</sup> esset, divinæ benevolentiae dexteram in se agno- <sup>parta vi-</sup> scens, victoriarum suarum gloriam, in authorem <sup>gloria, in</sup> fortunæ retulit: ut cujus gratia vicerat, ejus, cum <sup>Deum, &</sup> gratiarum actione, laudes jubilaret. Itaque sequen- <sup>beneme-</sup> ti statim die, antequam adhuc hostium castra in- <sup>ritos gra-</sup> grederetur, in suis, cum toto exercitu, SS. Ambro- <sup>titudo</sup> sii & Augustini hymnum, *Te DEUM Laudamus*, mixta suavissima vocum instrumentorumq; harmonia, lætus gratusq; cecinit. Inde Magnus Cancellarius Regni Jacobus Zadzik, disertissima oratione, divinam providentiam mirifice celebravit: & quam mirabili modo Regna & Imperia hujus Mundi, ille Potentissimus Cœli terræq; Monarcha Deus, & dirigat & conservet: quomodo potentiam Regibus Principibusq; ad superbos humili-

Q 2

andos,

andos, communicet, ipse summus exercituum Dux. Hoc cum variis rationibus & exemplis comprobasset, præsentique quoque casu, posteritati ut futuro mirabili, ita ad instructionem fructuoso & efficaci, demonstravit. Hac oratione finita, Vladislaus Rex, à Deo conversus ad homines, iis, qui in partem oneris & victoriæ venerant, partem honoris & gloriæ tribuit: & belli Ducibus, præsertim Christophoro Radzivillio Duci Lithuanico Generali, & Kazanovio Generali Polonico, pro re bene gesta, gratias egit, & benemeritis præmia regalia, prorsus distribuit. Ut est enim Rex virtutis non levis æstimator, & munificentia singularis, ita ne diem quidem unum, Regiam erga benemeritos gratiam, differre voluit; ut intelligerent omnes regaliter & ex animo facere, cum cito faceret.

*Sen: lib. 2 de ben: Qui enim tarde dedit, et, diem extrahens, profuit, non ex animo fecit. Ita duas res maximas perdidit, & temp<sup>o</sup> & argumentū amicæ voluntatis. Tarde velle, nolentis est. Quæ Regia Vladislai munificentia, sicut nunquam ita defatigata fuit, ut non, quoties dignum inveniret, quasi ex pleno flueret, ita expeditos, ad ardua quæque pericula, militum animos, spe certa remunerationis, semper reddidit. Si enim Scipio Africanus in Hispania olim, generosum militem auri pugno ad expeditiones porro animavit, quia*



quia ipse Scipio dedit, quanto melius Vladislaus, qui & munificentia & victoriis Scipionem Africarum transcendere potuit. Et est hic per se beneficii genius, animos hominum invicem, ad mutuam defensionem, colligare. *Nam quo alio tuti sumus* Lib. 4. de ben: *(ut Senecæ verbis utar) quam quod mutuis juvamus officiis? Hoc uno instructior vita, contraque incursiones subitas munitior est, beneficiorum commercio.* Itaque belli Duces, Tribuni, milites, ad ulteriora, gratia munificentissimi Regis, laude, & encomio animati, affectum & obsequium porro deferentes, sua arma, suas vires, sua servitia, Vladislao Regi largius obtulerunt: duceret tantum, quo vellet, facturos quæ imperarentur. Etiam si ad Persiæ fines in Astrachanenses, in Permios ad Cingulum Terræ, & Glacialem Oceanum iret, secuturos. His omnibus expeditis, festa passim per castra convivia, congratulationes de hoste triumphato mutuae, musicalium instrumentorum jucunditas frequens, sclopetorum exoneratio sine noxa: & tandem, tribus vicibus tormentorum omnium, per circuitum castrorum, festa explosione, diei lætitiæ parentatum.

Interim hostilia castra videndi curiositas, & belli Duces, & Tribunos, & omnes promiscue milites, adeoque & ipsum Vladislaum Regem

*Rex ca-* invaferat, ut hostiles paulo ante apparatus, in su-  
*strahosti-* am perniciem tot annis preparatos, in subsidium,  
*um in-* singulari providentia Dei, cessisse mirarentur, &  
*trat 3.* quibus infestati antea fuerant, jam Poloni sua læ-  
*Mart: &* tarentur. Quamobrem, ut Martii tertia dies il-  
*qua in iis* luxit, Rex, cum Senatoribus Regni, belli Duci-  
*reperta.* bus, Tribunis, & aliis equitum peditumque offi-  
 cialibus, in hostilia castra concessit. Quæ circuitu  
 emetitus, fortalitiorem frequentiam, situm, fir-  
 mitatem, exoticas artes, ingenium inimicorum  
 suorum, & felicitatem suam agnovit: ut qui ar-  
 tificiosissime structa, & inexpugnabilia prope,  
 tam cito, compulsis ad extremam desperationem  
 & ignominiam hostibus, in potestatem suam re-  
 degisset. Cum vero apparatus belli, tormenta  
 bellica, armorum, bombardarum, nitrati pulve-  
 ris, & similium rerum copiam, perlustraret, taci-  
 to Fortunam sensu adoravit. Et erant profecto  
 talia, qualia in nullis unquam castris, exercitibus,  
 Urbibus, aut Provinciis etiã integris, expugnatis,  
 fufis, ad deditionem compulsis, aut debellatis,  
 uno tempore inventa, aut in victoris transisse  
 manus meminerim. Ingentes siquidem magno  
 numero Basilisci, tantæ capacitatis, quantæ antea  
 fere nunquam visi, reperti fuerunt. Argumen-  
 tum magnitudinis globi faciant: Unicornu ( sic  
 tormen-



tormentum maximum vocabatur) septuaginta  
 librarum globos mittit: Alia deinde tormenta,  
 viginti numero, quorum minimum quadragin-  
 ta octo librarum, immani gutture, ferrum vo-  
 munt: mediocris magnitudinis aliæ (quas Ger-  
 mani *halbe* *Carthaunen* vocant) triginta nume-  
 ro machinæ; ut notæ characteresque indicabant,  
 Amstelredami in Hollandia fusæ: tormenta cam-  
 pestria, legionaria vulgo, nova omnia & artificio-  
 sissime elaborata, numero octuaginta duo: mor-  
 taria sex inusitatæ capacitatis, adeo ut commode  
 insidentem virum caperent. Quæ omnia (si  
 duodecim pedestria illa tormenta, à *Sehino*  
*Radzivillo Duci* donata, adjungamus) centesi-  
 mum simul & quinquagesimum numerum ex-  
 plebunt. Insuper in illis castris nitrati pulveris  
 centenarii mille ducenti: centenarii plumbi octo  
 mille: bombardarum, sive m usquetrorum, opti-  
 me elaboratorum, decem millia: hastarum lon-  
 giorum [quarum in Belgio usus est] quatuor mil-  
 lia: gladiatorum, framearum, Turcicorum acina-  
 cum, & similium manualium armorum, galea-  
 rum insuper, & ferreorum thoracum, pro de-  
 cem millium exercitu; inventa fuere. Ut jam pa-  
 las, currus, catenas, fomites sclopetorum, pe-  
 tardas, ut vocant, phaleras equorum, & reliquas  
 exoti-

exoticarum inventionum provisiones taceam, quæ centenis aliquot millibus florenorum comparari non potuissent. Quæ omnia, pro maximo Poloniae thesauro habenda, Vladislao Regi, hisce perennib<sup>9</sup>, de maximo hoste, trophæis, per secula triumphaturo, cessere. Et jam hic idem mihi occurrit, quod olim in simili, quem prævidebat, casu, vaferrimus Imperator Hannibal Antiocho Magno: cui, arma in Romanos præparanti, & exercitus sui vires apparatusq; bellicum Hannibali ostendenti, & hæc num sufficerent Romanis interroganti, sufficiunt, callide respondit, etiam si avari sint; & vere, quia paulo post Romanus omnia abstulit. Potuit idem facere Vladislao Rex, acquiescere tantis de superbissimo hoste spoliis, & dicere, sufficiunt ista Poloniae meæ, quamvis etiam hac suppellectile bellica indigeret.

Cæterum Vladislaus Rex, cum jam victoriam suam, & amplissima victoriæ suæ trophæa, plenius inspexisset, relictis in Smolensco impedimentis, in Moscoviam ulterius ivit; ut cum vincere sciret, victoria quoque se uti posse ostenderet. Et quid jam, post illum exercitum, post illas exterarum nationum vires, & iis, quibus fidebat, machinis viduata Moscovia? Quid illa, post ista castra, in quibus ipsa videri poterat debella-

Rex va-  
ria loca  
expug-  
nat, Bial-  
iam obsi-  
det, &  
penitiora  
Moscovia  
vastat.



bellata? Non exercitum, non arma, non frontem ostendere ausa, suis tantum se oppidis clausit: et, quantum potuit, præfidiis, & aditibus interclusis restitit. Sed omnia intra ea virtutem, prudentiam, & fortitudinem Vladislai fuere. Quippe, ubi aditus intercluserant Barbari, victoriis penetravit: ubi valla objecerant, ferro humiliavit: ubi oppida præfidiis defendebant, armata manu expugnavit. Et primum quidem, octodecim à Smolensco miliaribus, Drohobusium fuit: potens fortasse resistere, nisi Vladislaus oppugnasset. Sed hujus præsentia in stuporem, timorem, & desperationem versum, sinu victorem admisit. Viatmæa, sive Wiazma, ausa resistere fuit: sed & ipsam, lacubus licet, & fontibus prope Borysthenis, undiq; clausam, intravit; & Polonica signa vallis, portis, turribusq; fixit. Inde, penitiora Moscoviæ penetrans, Bialam, inexpugnabili fere castro superbam, obsedit: quæ, quia deditionem factura tam cito non videbatur, ne totus ille victoriosus exercitus ejus circa oppidum unum distraheretur, missis per diversa terrarum armis, absens præsensque pugnavit. Et aliis copiis ad Bialam hærens, aliis Moscoviam vastans, nominis sui terrorem latius & ubiq; sparsit. Sic Koluga timore correpta, oppido igne deleta, totam se cum liberis, uxoribus, & rebus

R

pre-

pretiosissimis, in castrum recepit. Moscaizcum pari desperatione collapsum, idem faciens, insuper charissima, non arci, non castro, nec viribus suis fidens, ad Metropolim Moscuam misit. Sed nec ipsa tuta fuit, cui non semel copiis suis Vladislaus insultans, oculos tripidæ Urbis pulvere fumoque implevit. Adeoq; Vladislaus, uno eodemq; tempore, & Bialam obsidione pressit, & Moscoviam victoriis peragravit.

*Mosci-  
terum &  
humilius  
pacem  
petunt.*

Et jam in propinquo erat ut Bialla quoq; humiliata dederetur, cum Moscoviæ Senatores terri, post hanc peiora metuentes, missis Legatis, pacem multo humilius & ardentius à Vladislao Rege petivere: sisteret majorem sanguinis effusionem, sat pœnarum jam & cladium Moscoviam subiisse: eos, qui authores mali fuerant, iram non effugisse Divinam, & fere innoxiam turbam nunc superesse: hanc pacem & concordiam petere, & eam à clementia ejus Regia non desperare. Et quid aliud per bella deinde & hostium suorum ruinas quærat? Quid speret? Præsertim cum non tolerandas solum delideratæ pacis condiciones optent, sed etiam à Statibus Imperii sui plenam de ea in eunda, potestatem habeant. Flexus humili Legatione Rex, non abnuitt: ita semper sui ipsius, ut in medio victoriarum suarum cursu, condere fer-  
rum,



PARTIS SECUNDÆ, LIBER II. 131

ram, & dexteram inimicis porrigere non dedignaretur. Atq; hac ratione prudentiam & constantiam suam ostendit, invictissimus utraq; sui parte, Vladislaus Rex: ut qui, nec ab hoste, nec à felicitate se passus corrumpi, eundem & laceffente & blandiente fortuna animum servavit; invictus viribus, invictus animo; semper suus.

Itaque, cum animum à ferro jam ad pacem <sup>Pacis le-</sup> inclinasset, id negotii Jacobo Zadzik Magno <sup>ges, à de-</sup> Cancellario Regni, Christophoro Radzivillio <sup>putatis</sup> Duci Birzæ & Dubinki Palatino Vilnensi & Su- <sup>Regis, Mo-</sup> premo Lithuanici exercitus Generali, Martino <sup>scis præ-</sup> Kazanovio Palatino Podoliensi Polonici exerci- <sup>scribuntur</sup> tus Generali, Alexandro Gonszevio Palatino <sup>quas hi</sup> Smolenscensi, Alexandro Piaszcincio Castellano <sup>acceptar</sup> Kamenecensi, Marciano Trysnæ Mag: Duc: Li- <sup>Anno</sup> thuan: Referendario, Andrea Rey Naglovicensi <sup>1634.</sup> Capitaneo Libuscensi, Nicolao Gniewoscio Lub- <sup>13. Jun:</sup> linensi Signifero, & Alexandro Oginscio Vexilli-  
fero Trocensi. His conditionibus in chartam con-  
jectis, ut victores, victis leges proposuere: qui-  
bus in utramque partem ventilatis & mature ex-  
pensis, tandem hisce potissimum perpetuæ pacis  
articulis convenit. *Inprimis, ut occasio ulterioris* <sup>Condi-</sup>  
*belli, discordiæ, & dissidij evitaretur, Rex Vladislaus* <sup>ones pacis</sup>  
*(cui alias virtute contractus, ante aliquot annos cum*

Stanislao Zolkewio Kiovia Palatino Supremo exercituum Duce & Coronæ Legato initi, Moscorviæ Imperium erat) libere, & publicæ pacis ergo, Moscorvitas ab illo, quos obligaverant, juramento absolveret: jus, quod in Magnum Moscorviæ Ducatum habebat, Michaëli Fedrowicz, illegitime post ipsum electo, remitteret, & decretum electionis, & litteras, prædictum jus & titulum Magni Moscorviæ Ducis confirmantes, Moscorviæ Ordinibus restitueret. Magnus è contra Moscorviæ Dux, cessionis hujus intuitu, & amicitia in Regiam Majestatem affectu, Ducatum Smolensciæ, Severiam Urbem & Principatum, insuper arces istas ( quarum aliqua superiori tempore in potestatem Regis venere, alia durante hoc bello occupata erant, quedam etiam dum Moscorvitico Imperio parebant ) Novogrodecium, Drohobusium, Biallam, Roslaviam, Starodubum, Poczapovam, Trupieskam, Nevelam, Sibieszium, Krasnam, Moromscium, Wieliskawlosam, & Popowagoram, cum earum terris, jurisdictionibus, armis, machinis bellicis, provisione, omnibusque ad eas pertinentibus, re nulla excepta, cum omni jure & præensione, quam idem Magnus Dux ad eas se hæcenus habuisse existimavit, spatio duarum septimanarum, præsertim adhuc Moscorvitarum Imperio subditas, Centurionibus à Vladislao Rege deputandis traderet, & in æternum Regi, Regno Poloniae, Magno-



Magnoque Ducatui Lithuaniae cederet: ita quidem, ut ne unus harum arcium subditus, extra territorium earum migraret. Ne præterea, vi hujus stipulationis, Magnus Moscoviae Dux, imposterum totius se Russiae Cæsarem, Smolensciae Ducem, aut Severiae Principem, uti fecerat hætenus, scriberet. Adhæc idem Magnus Dux nullum in Livoniam, Curlandiam, Estoniamq., jus sibi assumeret, nec bello eas infestaret, ulla veratione vexaret: immo nec ulli exercitui transitum, ad eas oppugnandas, concederet. Denique nulli Regis Polonorum hosti, qui nunc aut postea esset futurus, Magnus Moscoviae Dux, pecunia, commeatu, vel milite, auxiliaretur, aut transitum, per Regionem suam, in damnum Regis, permitteret: ad quod pariter Polonia Rex Magno Moscoviae Duci obligaretur, & alter alteri omne bonum volens, hostem alterius pro suo haberet: gravamina autem, injuriæ, damna, data in vicem & accepta, æterna oblivione sepelirentur. Et ita quidem, Anno 1634. 13. Jun: inter Poloniae Regem, Regnum, Magnumque Ducatum Lithuaniae, ab una, & Moscovitas ab altera parte, sancita pax: quam deinde Poloniae Rex & Magnus Moscoviae Dux juramento roboraverunt.

Magnum hinc emergebat vastissimæ utriusq; <sup>Vtilitas</sup> Monarchiæ bonum. Quippe sincera concordia, <sup>ab hac pa</sup> inter infensissima sibi Imperia, tandem redibat, <sup>ce utriq;</sup> Imperio, <sup>Imperio,</sup>

*Et quan-* quæ amplius sæculo integro fluctuaverat. A quo  
*tum per* tempore ingentia invicem damna & data & acce-  
*hanc Po-* pta, vices sæpius variante Fortuna : Principio qui-  
*lonia ac-* dem, nescio quo Poloniæ fato, Moscovitis multo  
*cesserit.* favorabilior. Nam & Smolenscum, sub Magno  
 Duce Basilio: inde, sub Johanne Basilide ejus filio,  
 Polotia, Parnavia, & tandem universa Livonia,  
 Poloniæ Regno erepta. Ut fileam exercitas in Po-  
 lonos crudelitates, nobiles in captivitatem raptos,  
 & Sarmatiæ non contumeliose semel insultatum.  
 Sed hæc tamen omnia, tribus posterioribus Regi-  
 bus, in contrarium versa. Quippe, sub inclyto Ste-  
 phano Bathorio Rege, Polotia recuperata, Savolo-  
 cia, Magnique Luki expugnati, Plescovia arcte  
 obfessa, & tandem tota Livonia Johanni Basilidi  
 frendenti extorta. Sub Sigismundo III. gloriosæ  
 memoriæ, tota, quanta quanta est, Moscovia vi-  
 ctoriis peragrata. Non Borysthenes, non Tanais,  
 non volga restitit. Sed his maximi nominis fluviis  
 sub jugum missis, & ad Mæotidem paludem, & ad  
 Glacialem Oceanum, & ad Cingulum terræ &  
 adorantes Auream Anum populos, & Tartariam  
 Asiaticam victoriis itum. Quin immo, per Casa-  
 nenses & Astrachanios, ad Caspium usque mare, &  
 ipsos Persiæ fines, Polonicis armis & excursionibus  
 penetratum. Demum & Smolenscum biennii ob-  
 sidio-



fidione expugnatum, & stratis, Zolkevio Duce, in  
 Clusfinensibus campis, Moscicis Suecicisq; exer-  
 citibus, ipse Magnus Moscoviæ Dux, Basilius Szui-  
 scius, cum Johanne & Demetrio fratribus, in cap-  
 tivitatem abductus. Quin imo & ipsi Moscoviæ  
 Ordines, ultro Vladislaum, tum Poloniæ &  
 Sueciæ Principem, & suis quoque virtutibus fa-  
 mam sui nominis per gentes nationesque spargen-  
 tem, Magnum Moscoviæ Ducem elegerunt, &  
 litteris quoque confirmavere. Sed hæc ipsa Mo-  
 sci pari mox levitate rumpentes, electo Michaële  
 Fedrowicz, hoc Scenico Duce, non pugnare tan-  
 tum iterum, sed, ruptis etiam quatuordecim an-  
 norum induciis, insultare quoque præsumentes,  
 ingentes perfidiæ pœnas luerunt. Quippe sub Re-  
 ge Vladislao Polonia in ultionem acriter excande-  
 scente, Smolenscum armata manu obsidione le-  
 vatum, clausi hostiles exercitus, & tandem, tradi-  
 tis (qua parte Barbari maxime terribiles erant) in-  
 gentibus machinis, omnique bellico apparatu,  
 usq; ad Vladislai Regis pedes, magna cum ipso-  
 rum ignominia, humiliati. Et nondum satis. Mo-  
 scovia tandem eo, fortitudine, virtute, & victoriis,  
 Vladislai Regis, adacta, ut pacem supplex, vastissi-  
 mis duabus, Severia Smolensciaque, Provinciis, &  
 quindecim Urbibus, cum earum castris, arcibus,  
 terri-

territorio, & jurisdictionibus, redimeret. Quo uno quantum terrarum Poloniae adjiceretur quis ignorat? Ducenta milliaria in longitudine, in latitudine sexaginta Reipublicae accedebant. Vladislaus autem Rex Michaeli Fedrowicz, optimo terrarum suarum tractu & pluribus titulis spoliato, nomen Magni Moscoviae Ducis projecit: ut, qui in hoc jam nominis, gloriae, & potentiae creverat, ut contemnere posset. In hoc, Magnus ipse, Magnos, Alexandrum & Pompeiū, imitatus: quorum iste, cum ad apicem victoriarum suarum jam pervenisset, Poro Regi à se devicto, non vitam tantum, sed Regna donavit: Hic tot Regibus Regnisque, incorrupto victoriarum cursu humiliatis, & in Provincias Romanas disponens, Tigrani Armeniae Regnum restituit; æque gloriosum judicans, facere Reges quam debellare.

Itaque Rex, à Bialla (quæ vi contractus pacis, quod æquissimum est, in potestatem ejus jam veniebat) exercitum victoriosum in Poloniam suam reduxit. Quantus vero, ô, tum triumphus! quæ gaudia! quæ festivæ congratulationes! cum, Moscovia, quantum alias nunquam, humiliata, & prolatis Regni terminis, victor reverteretur! Occurrebant Magnates ut congratularentur, promiscue nobiles & plebei ut gloriosissimum Regem,

*Gloria  
Regis, &  
honor, in  
Sarmati  
am re-  
vertenti,  
exhibitus*



Regem, geminata tot illustribus victoriis Majestate venerandum, mirarentur, unde quaque, tanquam amplius aliquid homine visuri, conveniebant. Civitates arcibus triumphalibus excipiebant, & viri doctissimi Panægyricis celebrabant: quorum nescio an ulli unquam terrarum Orbis Regi (certe hoc tempore nulli) tot in laudem ingeniosissime scripti, oblatis, dedicatique fuerint. Quos ego, si vixero, universos, aut quoscunque saltem nancisci potero, de novo typis, singulari libro comprehensos, ut æternitate dignissimos, posteritati commendabo: singuli alias fortasse perituri. Excelluerunt autem hac in parte (sicut in omnibus aliis solent) Patres Societatis Jesu: inter hos autem Johannes Rywocius, Sacrosanctæ Theologiæ Professor in Academia Vilnensi Ordinarius; eloquentia vero & Panegyricorum acumine, judicio, & gravitate, nulli, exili meo judicio, toto terrarum Orbe secundus. Verum enimvero (ut ad propositum redeam) quis sensus Vilnæ, quis Warfaviæ, quis Cracoviæ, & per Sarmatiam universam, redeunte victoriosissimo Rege, tantarum gestarum gloria circumfuso, porro fuerit, supersedeo dicere: cum tantarum victoriarum ejus fama, Poloniæ suæ limitibus nescia circumscribi, ad exteras & longe distitas nationes vaga,

S

terra-

terrarum Orbem impleret; adeo etiam, ut, cum ad Borysthenem in Oriente fuisset pugnatum, & à fortissimo Rege debellatum, Antverpiæ in Belgio, & alibi, tormentorum explosionibus, campanarum pulsu, festis ignibus, flammis fusilibus, & mille aliis, in tanti Regis honorem, fuerit triumphatum. Claudio itaque hisce elegantissimis, de hac expeditione, versibus, Warsaviæ in Arcu Triumphali, ad solennem ingressum Regium, scriptis.

*Teuto, Anglus, Gallus, Batarusq̃, Gothusq̃, Scotusq̃.*

*ad Moscum toto venerat Oceano.*

*Arma, viros, artes, longinquus miserat Orbis,*

*jamque ferox belli viribus hostis erat.*

*Addidit ipse dolos, Erupto fœdere pacis,*

*perfida securis intulit arma locis.*

*Rex Vladislaus venit cunctosque coegit,*

*hinc invita, illinc supplici abire fuga.*

*Teuto, Anglus, Gallus, Batarusq̃, Gothusq̃, Scotusq̃,*

*scis quid erant? Hosti pompa fuere, nugæ.*



## CAPVT SECVNDVM.

## ARGVMENTVM.

Amurathes Turcarum Imperator, ad-  
ventu Vladislai IV. territus, ignominiosam  
Turcico nomini pacem admittit.

## SUMMARIUM.

*Turcarum fides fluxa, Christianorum firma & sacrosancta. Vladislaus Rex Legatum Constantino-  
polim mittit. Mosci causam & occasionem bello Tur-  
cico præbent. Amurathes Turcarum Imperator ab  
Abazio Bassa quoque ad bellum incitatur. Abazius  
Bassa qualis: cum exercitu in Podoliam venit, & op-  
pidulum parvum expugnat. Vladislaus Rex Konec-  
polscium Polonicum Generalem contra Abazium  
mittit. Konecpolscius qualis: ejus virtus & artes  
militares: Abazij conatus irritos reddit, retropellit,  
& vincit. Abazius Constantinopolim regreditur. I-  
terum Mosci Amurathem ad bellum incitant. Amu-  
rathis à Mosco petitiones: has Moscus non admittit,  
& cum Polonis pacem facit. Abazius Amurathem ad  
arma in Poloniam resumenda incitat. Amurathes Le-  
gatum ad Vladislaum Regem mittit. Hunc Vladis-  
laus Rex Warsawiam ad comitia rejicit; & pruden-  
ter ad aliquot menses in Polonia distrahit, Poloniæ Re-*



gis Legatus Constantinopoli à Turcarum Imperatore male excipitur. Amurathis præsumptuosæ petitiones à Legato Polonico: Polonici Legati imperterritus animus & constantia: In Poloniam tamē sine responso aut litteris dimittitur. Abazius Bassa, majoribus copiis instructus, in Podoliam redit. Rex Konecpolscius interum contra illum mittit. Konecpolscius Abazium Bassam varie constringit. Rex ex Moscovia victor Podoliam versus movet. Amurathis metus ex adventu Regis: Abazium Constantinopolim revocat, & Murtazium Bassam loco Abazij ad exercitum mittit, cum mandato faciendæ pacis. Murtazius à Polonis pacem petit. Poloni conditiones pacis Turcis præscribunt: quæ quia graves ipsis videntur Murtazius tergi versatur. Vladislaus Rex in Podoliam venit: ex hujus adventu consternatio magna in exercitu Turcico, et, præ metu, omnes conditiones admittunt. Regis clementia & virtutes aliæ laudantur.

*Polonorum fides firma & sacrosancta* SUMMA Christianis omnibus jurisjurandi servandique fœderis sanctitas est. Polonicæ vero nationi etiam peculiaris. Postquam enim sub Vladislao III. olim Poloniæ simul & Hungariæ Rege, multorum Christianorum Principum hortatu, ruptis fœderum vinculis, in Osmanidas arma resumpsit, & insigni ad Varnam clade multata,

ta, etiam inita cum Turcis & infidelibus fœdera  
 esse servanda didicit, nunquam postea amplius  
 ad violanda, quacunque etiam occasione defle-  
 xit. Quæ alias, paucorum annorum curriculo,  
 non oportunitas? Osmanus, qui in Polonos uni-  
 versis Turcici Imperii viribus pugnaverat, à Vla-  
 dislao tunc Principe, crebris cladibus ad emen-  
 dicandam pacem humiliatus, cum Bizantium  
 inglorius reverteretur, à militibus suis occisus.  
 Mustaphas Patruus ejus & successor, vir pruden-  
 tissimus alias, ab Amurathe Osmani fratre thro-  
 no Imperioque dejectus. Insuper & Imperium  
 Turcicū frequentibus à Persiæ Rege cladibus ex-  
 tenuatum. Et illibatam tamen, quam juraverant,  
 Sarmatæ pacem servaverunt. Quin imo Vladisla<sup>9</sup>  
 Rex, expletis & electionis legitimæ & coronati-  
 onis solennitatibus, mox, ad morem Principibus <sup>Rex Con-</sup>  
 Monarchisq; consuetum, sicut ad alios in circui- <sup>stantino-</sup>  
 tu Reges, sic Constantinopolim ad Amurathem <sup>polim Le-</sup>  
 quoque, singularis prudentiæ virum Stanislaum <sup>gatum</sup>  
 Trzebinscium Succamerarium Leopoliensem <sup>mittit.</sup>  
 misit, qui & electionem, & coronationem suam,  
 amicam insuper, secundum pacta, vicinitatem  
 candide nuntiaret. Cum quo quid postea actum  
 sit suo loco dicemus.

*Turcarū  
fluxa si-  
des.*

*Mosci  
causam  
& occa-  
sionē belli  
Turcici  
præbent.*

Omnia in contrarium interim ab infideli-  
bus Turcis facta. Quamvis enim Anno 1621. vi-  
ctoriis Vladislavianis fracti, Osmanidæ pacem  
supplices impetrassent, & Anno 1622. missa Con-  
stantinopolim honorificentissima Polonorum  
Legatione, maxima cum solennitate, jurejuran-  
do confirmassent, tamen & fluctuavere identi-  
dem, & ad extremum (quæ est Barbarorum isto-  
rum levitas) projecta omni verecundia, palam  
ruperunt. Occasionem autem & causam Mosci  
præbuere: qui cum & ipsi fœdifragi, non exspe-  
ctatis induciarum terminis, in Poloniam maxi-  
mis copiis insurrexissent, & à Vladislao Rege  
quotidianis victoriis premerentur, Turcam, suis  
diffusi viribus, respicientes, nudum Podoliæ latus  
ostendebant, & irruptionem, adjectis muneribus,  
hortabantur.

Pronum erat Amurathis animum ad arma  
commovere, cui & Polonorum potentia paula-  
tim gravis, & victoriæ Vladislai Regis suspectæ;  
quem quotidianis quoque successibus timere di-  
dicerat. Occasio deinde, quam sibi fingebat, pro-  
pagandi Imperii, communi cum Monarchis &  
Regibus plerisque ambitione, quæ eos nunquam  
in præsentium fortunarum mensura patitur con-  
quiescere, & eo majora cupiūt quo majora vene-  
runt;



runt; adeo ut & Alexander, post Orbem, potuerit  
 Orbes esurire. *Nec hoc Alexandri tantum vitium fuit* Lib. 7. de  
*(ut Senecę verbis utar) quem per Liberi Herculisque* ben:  
*vestigia felix temeritas egit: sed omnium quos fortuna*  
*irritavit implendo. Cyrum & Cambysem, & totum*  
*Regni Persici Stemma percensę, quem invenies cui*  
*modum Imperij sacietas fecerit? Qui non vitam in ali-*  
*qua ulterius procedendi cogitatione finierit? Nec id*  
*mirum (ut rationem alibi reddentem videamus)*  
*quia naturalia desideria finita sunt: ex falsa* Epist. 16.  
*opinionē nascentia ubi desinant non habent: nullus enim*  
*terminus falso est. Via eunti aliquid extremum*  
*est, error immensus est. Cæterum hanc Amurathis*  
*ambitionem, inusta quoque Anno 1621. Otto-*  
*mannico nomini, ab hac ipsa Polona gente, igno-*  
*minia in ultionem detorquebat: ut & dedecus,*  
*& mortem Osmani fratris, ob Vladislai victo-*  
*rias & triumphos acceleratam, per Sarmatię &*  
*Sarmatici Regis, ut præsumebat, ruinam & fu-*  
*nera vindicaret.*

Aderat quoque Abazius Bassa, homo tur- Abazius  
 bidus & seditiosus, qui prope Babyloniam nu- Bassa qua  
 per, occulte dominationem parans, præcipuos, lis. Amu-  
 qui obstaculo sibi fore videbantur, Janizarorum ratem  
 & militum aliorum occiderat, & tamen, rem por- contra  
 ro ad votum successuram desperans, ut rebellio- Poloniam  
 nis incitat.

nis suspicionem evaderet, Amurathi fucum faciens, præcipuos fratris ipsius Osmani interfectores, non terra, nō vita, spirituq; dignos, è medio se sustulisse, & necem ejus ultum, ad bellum in Polonos & Vladislaum Regem anhelare dixit; quo primos ruinæ ejus authores, & inustam Ottomanico nomini ignominiam, pariter ulciceretur. Sic homo vaser, perfidus, seditiosus, & turbulentus, ut ruinam suam evaderet, aliis præparavit: nec innocens tantum videri voluit, sed Cæsariæ familiæ & Ottomannici nominis Zelator. Hic itaque susurrectionibus quotidianis, pronum ad arma Amurathis animum, porro trahens, non hoc tantum obtinuit, sed etiam, ut ipse belli Dux constitueretur, effecit.

*Abazius in Podoliam venit & oppidulum parvum expugnat Anno 1633.* Mox ergo numerosissimo exercitu, non secus quam jactaverat antea, superato Danubio, per Valachiam Moldaviamque, ad ipsos Podoliæ fines, Martem mortesque spirans, ferebatur. Sunt autem in Podolia parva ejusmodi oppida, quæ Magnates Poloni, promotis porro in fertilissima & deserta tamen terra Coloniis, nova quotidie novaque ædificant, & adversus subitas Tartarorum irruptiones tumultuario opere muniunt. Horum unum cum Abazius Bassa, totius exercitus sui viribus, insultibus variis, & non sine magna

gna tamen militum suorum jactura, expugnasset, non aliter Constantinopoli (ut à viris fide dignis, qui tunc temporis ibi fuerunt, accepi) quam de Sarmatia capta triumphatum. Adeo quippe Barbari victoriis ex Polona gente desueverant, ut minutissima res in maximę victorię æstimationem veniret. Quid ergo? Abazius quoque Bassa ferocior, & inopinato successu animosior, acri⁹ imminabat; ratus Poloniam quoque cessuram, quia vile municipium cesserat.

Et profecto grande periculum erat, nisi in Vladislaum Regem periculum incidisset. Sed recte Seneca: *tanti quodque malum est, quanti illud taxavimus.* Rex quippe ad nuntium rei prorsus impavidus, quam magnum & regium ad subita & maxima animum: quid ingenij & prudentiæ corporis sui Majestatem conderet, tunc maxime, si unquam alias, universo terrarum Orbi ostendit. In Oriente & Septentrione tot Russiæ, Moscoviæ, & exterarum nationum populis, & viribus illis, quas Osmanidæ ipsi, post suas, semper formidabiles maxime judicaverunt, implicitus: à Meridie Imperii Turcici, communi passim mortalium omnium iudicio, potentissimi totius Mundi, in Sarmatiam impetu lacellitus: cum alia quoq; parte Tartari imminerent, ab alia Sueci minarentur: & ipse ab omni

De Con-

sol: ad

Mar:

Vladislai

Regis im-

pavidus

&amp; gene-

rosus ani-

mus.

T

mni



mni latere, viribus quasi Terrarum Orbis, cum  
 Polona virtute in medio premeretur, nimium di-  
 co, infestaretur, stetit tamen erectus sub quolibet  
 pondere. Et adeo non desperavit, ut, non dico  
 tantum sustinere omnes, non dico submovere, sed  
 vincere etiam & debellare præsumeret. Et quid  
 aliud quam ille generosissimus, ex sapientissimis,  
 Heros: quem Romanus Philosophus magis quis  
 debeat esse, quam fuisse vel esse describit? *Nulla*  
*Seneca* *illum res, inquit, minorem facit, nihil illi eorum, qua*  
*Epist: 71.* *ferenda sunt, displicet. Nam quicquid cadere in ho-*  
*minem potest, in se cecidisse non queritur: vires suas*  
*novit: scit se esse oneri ferendo. Ita me hercule: & in-*  
 tellexit postea Orbis, Vladislaum Regem non pa-  
 rem tantum oneri fuisse, sed superiorem etiam de  
 omnibus triumphasse.

Cæterum, ut ad rem veniamus, Vladislaus Rex,  
 cum Abazius Bassa Poloniæ finibus terrorem su-  
 um illideret, consultius judicavit, medium victo-  
 riarum suarum cursum ad Smolenscum non dese-  
 rere, sed probatissimo aliquo belli Duce, Turcas,  
 quantum fieri posset, finibus submovendo, disti-  
 nere. Et poterat facilius hoc, cum talium Heroum  
 Polonia hoc tempore felix, non unum protulisset:  
 sed alios, pro maturo iudicio suo, Rex penes se re-  
 tinens, Stanislao Konecpolscio Castellano Craco-  
 viensi,

viensi, Generalissimo Regni Polonię exercituū Ducī, Supremo, ex secularibus, Polonię Senatori, hoc potissimum negotii dedit. Hic autem est ille Konecpolscius, qui cum famoso illo exercituum Duce Zolkevio, Turcicarum victoriarum, & fatalis quoque cladis particeps, Constantinopolim in captivitatem abductus, geminata ex infortunio felicitate, ad gradum altiore, & innumeras de iis victorias, in Poloniam rediit: qui ad Amerstinum, numerosas Suecorum copias, & quasi exercitum integrum, sub Strefio & Teufelio Ducibus, ad deditiōem cogens, sub jugum misit: qui ferocem illum Baudisium, sua manu faucium, dejecit ex equo, & captivum in castra retulit: qui Pucensem Portum, novo atque inaudito opere, excitatis in ipsa marina glacie aggeribus, ad deditiōem compulit: qui Gustavum illum, adeo toti Europę terribilem, tot annis ita coercuit, ut signa contra ipsum explicare nuspiam ausus fuerit, aut arcem non nisi astu tentare. Hic tantus vir, tantis victoriis densus, quomodo terror iterum Turcarum, exstiterit, et, ad mentem Vladislai Regis, lente festinando, Abazii Bassæ ferociam comminuerit, hujus primæ irruptionis exitus docuit.

Noverat hic prudentissimus Imperator, belli Ducem, in tempestate maxime, cautum Guberna-

*Konecpol* torem navis sequi oportere. Hic enim, licet ven-  
*scij virtu-* to sæpius secundo feratur, breviam tamen alibi, ali-  
*re & mi-* bi saxa & charibdes, alibi scopulos & scyllas no-  
*litaribus* scens, directo obliq; gubernaculo, dimidio vento  
*artibus* contentus, lentius proficiendo, has Oceani, maris,  
*Abazius* & Neptuni infidias cavet, & ad portum tamen,  
*Bassu re-* tarde accelerando, properat. Ex occasione vero,  
*tro in Tur* permittis vento velis, ubi pericula nulla metuit,  
*ciam pel-* libera grassatur via. Hoc, ut noverat Konecpol-  
*litur.* sciis, imitatus est. Siquidem Belgicarum artium  
 non ignarus, valla primum, munitiones, propu-  
 gnacula, suggestus, cuniculos, & similia molieba-  
 tur: & hostem tam diu artibus & ingenio lusit, usq;  
 prima ejus tempestas desævisset. Inde caute, ubi  
 scopulos scyllasque Martis metuebat, exercitum  
 suum promovens, ad angustias paulatim inimicos  
 ipsos redigebat. Ex occasione etiam, ubi infidias  
 non metuebat, secundo Fortunæ flatu utens, libe-  
 ris grassabatur armis, copiis, præliis, victoriis, &  
 ad metam sibi destinatam tandem pervenit. Quip-  
 pe Abazium Bassam, Poloniam paulo ante & spe  
 & præsumptuosis verbis devorantem, eo angusti-  
 arum redegit, ut Polonos vice versa metueret, &  
 ad extremum, paulo ante tam altum spirans, jam  
 desperaret. Itaq; idem ille Abazius Bassa, jam pu-  
 dore, cladibus, ignominia gravis, per Valachiam  
 iterum,



iterum, transmissio Danubio, eandem, qua antea  
jactabundus venerat, viam, plenus confusione, re-  
legit.

Et peractum erat irrita illa expeditione bel-  
lum, nisi pessimos consiliarios iterum & suggesto-  
res Amurathes habuisset. Sed partim infelicitate  
sua, quæ ad pacem movere debuerat, irritatus:  
partim ingenita ambitione ab omni mente sana  
alienus: partim ab iis, qui Polonica arma metue-  
bant, incitatus, in sequentem annum arma iterum  
& bella, majore quam prius animo & apparatu,  
præparavit. Primam, sicut antea quoque, facem  
Magnus Moscoviæ Dux subjecit. Hic ad Smolen-  
scum exercitu jam, bellicis machinis, & Martia o-  
mni suppellectile, à gloriosissimo Rege Vladislao  
exutus, & in summa necessitate constitutus, humi-  
lius iterum in Poloniam irruptionem supplicabat.  
Et Amurathes, ex necessitate ipsius compendium  
suum facturum, facile assensit, dummodo annuo inge-  
nti tributo subjectionem promitteret, Regnum Astra-  
chanense universum traderet, & exercitum ad Polo-  
niæ fines commeatu & sumptibus suis aleret. Quæ  
conditiones ita Barbaræ Magno Moscoviæ Duci  
visæ, ut clementiam Vladislai Regis nuper in ex-  
ercitum suum expertus, ad eam confugere potius,  
Provincias aliquot & Urbes tradere, & pacem con-

ditionibus æquis, ut postea factum, impetrare in animum suum induxerit.

*Alij ad  
bellum  
Amura-  
them in-  
citant, &  
præfer-  
tim Aba-  
zini Bassa*

Mosco itaque ad consilia saniora converſo, alij, quibus tempeſtas etiam à Polonicis armis im- minebat, aut quibus nimia felicitas Polona gravis, ſuccedebant, & Amurathis gulam ad vomitum irritabant. Deinde etiam, quia expeditione ini- ta, jam inchoaverat bellum, pace nondum facta, irritatos in ultionem Polonos, in eorum quærere finibus, quam in ſuis exſpectare decreverat. Inſu- per idem Abazius Baſſa, ſcleribus conſcientiæ malæ cruciatus, cum faciem Amurathis ferre non poſſet, expeditionem iterum & arma ſuadens, no- va identidem novaque conſilia, quomodo Polonia debellanda, ſuggerebat: non ipſius, nec fortunæ culpa, nec etiam virtute Sarmatica, ſed quorun- dam æmulorum ſuorum vitio factum, quod prior expeditio exitum optatum non habuiſſet. Cæte- rum, malevolis illis amotis, proſperrima omnia polliceri: facturum Poloniæ Regnum tributari- um, & Sarmatiam univerſam ad Mahometis le- gem & ſacra coacturum. Quæ omnia magis ut ab- ſens eſſet, quam quod ſucceſſura ſperaret, quoti- die per opportunitatem inſinuans, adeo Amura- this animum occupavit, ut ille quoque hæc, quæ vaſer homo promiſerat, poſſe fieri ſibi leviter per- ſuade-

suaderet. Ita ambitio cæca movens cerebrum, & in vanas mentes imagines evocans, multum inter falsum ac verum mediæ caliginis fundit: nec ante oculos potentissimis aperit, quam certa calamitate pulsarit. Et ita quoque cum Amurathe tandem factum est.

Interim ambitionis suæ consiliis jam occupatus, Legatum, seu exploratorem verius, in Lithuania ad Vladislaum Regem misit, ut sub specie <sup>Amurathes Legatū ad Regem mittit, quæ Rex ad menses aliquot prudenter detinet.</sup> insinuandæ pacis, latentis belli commoda, occasiones, vires hostium, animos, occupationes, & bellum qua maxime ratione gerendum, quam posset curiosissime scrutaretur. Sed calliditas intra Vladislai Regis prudentiam erat: qui, quod reserat, subodoratus, Legatum audire noluit: sed alia nec minori calliditate, Amurathis calliditatem, aut prorsus irritam, aut inutilem redditurus, Warfaviam illum, & post menses aliquot futura Regni comitia ablegavit, ut, seu bellum, seu pacem adferret, publice Regni Ordinibus declararet. Hoc enim eo consilio faciebat Rex, tum ut à se longius ablegatus, quid ipse moliretur, non adverteret: tum etiam, ut mensibus aliquot distineret, & suspensum interim Amurathem tenens, omnia in tempore, ad tantam belli molem sustinendam, necessaria præpararet: & denique, ut,

quid



quid cum Stanislao Trzebinscio Legato suo Constantinopoli ageretur, quid responsi acciperet, fanusne rediret, & alia hisce similia, paulatim cognosceret.

Quam id salutari consilio Rex fecerit mox  
*Amura-* eventus docuit. Quippe jam, superatis tot tantisq;  
*thi pra-* viarum molestiis, idem Stanislaus Trzebinscius  
*sumptuo-* Byzantium intraverat, et, post aliquot dierum,  
*sa petir-* moras, ad audientiam tandem ab Amurathe ad-  
*ones à Le-* gato Po-  
*gato Po-* lonico, & missus, Legationem suam diserte, prudenter, &  
*hujusim-* magna praesentia sui, animose deposuit. Quid au-  
*pavidus* tem Barbarus? Abazii Bassae vanis promissionibus  
*animus* & consiliis infatuatus, in rugam contracta fronte,  
*& con-* torve Legatum aspiciens, frameam pulsavit, & se  
*stantia.* magnum illum Monarcham dixit, cujus acinacem uni-  
 versa terrarum Orbis nationes horrerent: adeoq; inter  
 se & Poloniae Regnum amicitiam aut vicinitatem nul-  
 lam perennare posse, nisi annuo aliquo tributo se supe-  
 riorem agnosceret, & insuper magni Mahometis do-  
 gmata amplecteretur. Sin minus: framea sua usque  
 novissimam ejus ruinam & exterminationem usurum.  
 Quid ad hæc Legatus Polonicus? Infractus ad ista  
 pari libertate respondit. Esse Deum in Cælo poten-  
 tiorem Amurathe Monarcham: hunc invissimo Regi  
 suo gladium quoque lateri accinxisse, quo & Christiana  
 Religio veritatem, & populorum Polonici Regni  
 liber-

libertatem, adversus quascunque etiam potentissimorum vires defendere, tueri, atque etiam, si ita visum Superis, latius propagare posset. Adeoque & tributis, & mutandæ religionis petitionem, Polonis, in summa libertate viventibus, vel solo auditu intolerabilem esse: præsertim quam diu adhuc dexteræ frameis suis sufficerent. Se quidem aliter modo non instructum, quam candidum Serenissimi Regis sui, secundum communem Regum consuetudinem, animum declarare. Si vero Amurathes in proposito illo suo perseveraret, mox aliam Legationem adfore, quæ, dubio procul, alia longe diversa in commissis haberet. Amurathes, qui Legatum Polonicum, vultus, verborum, & minarum suarum asperitate, consternatum iri putaverat, opinione sua falsus, magna cum indignatione surrexit, & Legatum sine ullo responso, vel scripto, Poloniam versus dimisit. Et bella jam magis, quia & majestas, & potentia sua, à Polonis, contempta & ludibrio habita fuisse videbatur, crepans, Abazium quoque suum animabat.

Itaque, contractis undique Imperii sui viribus, arma iterum & bella: quamvis nonnulli è prudentioribus fuisse dicantur, qui hæc eadem varijs rationibus, & maxime ob conjunctam virtuti felicitatem Vladislai Regis, & dissuaderent, & exitum, non pro cerebro Amurathis Cæsaris & Abazij

Abazius

Bassa ab

Amura-

the miss,

in Podo-

liam re-

dit. Anno

1634.

bazij Bassæ, ominarentur. Ut ut sit, propositi sui  
tum quidem tenax Amurathes, terra mariq; co-  
pias & apparatus ad Podoliæ fines dimisit. Tri-  
remibus maiora tormenta, camelis & curribus  
commeatus vehebatur; & per Danubiū, provide  
jam ponte stratum, pedestres & equestres copię  
(quæ amplius centum millium, exceptis Tartaris,  
fuisse dicuntur) Abazius Bassa, Poloniam versus,  
tumidior promovebat. Diceres Karakassii ani-  
mum, & Osmani vires, in uno Abazio, in Poloniæ  
terrorem revixisse. Accedebant alia parte Tartari,  
vaga manus, quę, illatam olim à Bathi suo Principe,  
vastitatem, jam à longe iterum Sarmatiæ mi-  
nabatur.

Sed hæc, pro consuetudine sua, superbius &  
jactabunde magis, quam fortius illi. Siquidem, *ut*  
*præcogitati mali mollis ictus venit: et, quod dicitur,*  
*tela prævisa minus feriunt;* ita omnia illa, in provi-  
dentia Vladislavianæ scopulos illisa, instar fluctu-  
um, fracta resiluere. Quippe jam prudentissimus  
Rex iterum fortissimum virum Konecpolscium,  
superioris anni successu, in Abazium Bassam, fero-  
ciorem, in occursum eo direxerat, tanquam unum  
sufficientem adversus omnia. Et profecto Konec-  
polscius Generalis, parum mox interesse docuit,  
Abazius Bassa paucioribus, an numerosioribus co-  
piis



piis dimicaret. Iterum illum, paucis milite con-  
strinxit: & modo Fabius, modo Marcellus, cun-  
ctando sæpe, sæpius præliando, continuis artibus  
cædibusque fatigavit; adeo etiam, ut apud exerci-  
tum suum, in contemptum Abazius Bassa veniret.

Interim quoque jam Vladislaus Rex, Magno  
Moscorum Duce humiliato, & oppidis Provinciis  
que multato, data Septentrioni pace, victorem  
exercitum, adversus Turciam, in meridiem, circum-  
agebat; ut gladio suo, nondum deterfo Moscorum  
sanguine, in exitium Imperii & Imperatoris Tur-  
cici, feliciter uteretur: & hoc eo fere tempore, cum  
à Comitibus Legatus Turcicus, litteris, ad Imperato-  
rem suum, arma spirantibus, à Republica Polona  
instructus, Constantinopolim remearet. Nun-  
quam magis quantum autoritas & fama unius  
fortissimi & felicissimi Regis in utramq; partem,  
& præsertim in hostium terrorem, valeat, adnim-  
adversum. Quippe cum ille Legatus Byzantium,  
& ad Amurathem ingressus, liberas liberrimæ Rei-  
publicæ litteras, Vladislai virtutes, victorias, for-  
tunam, et, quod maximum erat, ejus Turciam,  
versus mota victricia arma tradidisset, tantus subi-  
to pavor omnes, & ipsum Amurathem Cæsarem,  
invaluit, ut, mutato repente consilio, pacem, & qua-  
vis conditione concordiam, a superbissima non

*Vladislaus  
Rege ad-  
versus Tur-  
cas mo-  
vente A-  
murathem  
Abazium re-  
vocat, &  
Muratium  
Bassam  
illi suffi-  
cit cum  
mandato  
acceleranda  
pacis.*

ita pridem præsumptione, respiceret. Quia autem Abazii Bassæ tumultuosum ingenium noverat, & pacem, eo circa Poloniam adhuc hærente, desperabat, misso nuntio, ab exercitu eum Constantinopolim revocavit: & in locum ejus Murtazium Bassam, modestioris ingenii virum, cum mandato accelerandæ pacis, suffecit. Verissimum est, spurium propositum esse quod ambitio generat, & quamvis maximo fervore cœperit, ad exitum non perseverare. Ille Amurathes, ille superbissimus Imperator, cujus verba, vota, præsumptionem, paulo ante, plus nimio vidimus; cujus viribus sufficere Polonia non videbatur, jam solius Poloniæ Regis terrore fractus, pacem tam humiliter ambit, quam antea superbe rejecerat; imprudentissimus hominum secundum

*Epistol. 120.* Senecam: quippe, *sic maxime*, inquit, *coarguitur animus imprudens: alius prodit, atque alius, & (quo turpius nihil judicio) impar sibi est.* Ego vero & animum, & propositum, & conatum ejusmodi hominis, fumo similem judico. Quemadmodum enim fumus, ab igne noviter accenso, & cum viridi difficilique materia commisso, in altum copiosus ascendit, & vehementi agitatus vento, quasi momento temporis, per aërem dissipatus evanescit; ita conatus improbi, ab illo ambitio-

nis

nis igne, bellicosis præsertim gentibus Regibusq;  
 commissi, licet varii, fusi, & copiosi, valido ad-  
 versitatis vento prorsus in nihilum tandem, & in-  
 anem fabulam vulgi, rediguntur.

Cæterum Murtazius Bassa, vir prudens, cal-  
 lidus, & ingeniosus, & pacis & Imperatoris sui <sup>Murtazius</sup>  
 respectum habens, media serio excogitabat, quo <sup>z. ius pacis</sup>  
 modo & illam procuraret, & auctoritatem hujus <sup>petit, cu-</sup>  
 integram conservaret. Ad hoc Sarmatas capti- <sup>jus condi-</sup>  
 vos honeste habebat, & quosdam etiam, oport- <sup>prescri-</sup>  
 tunos negotio, sine lytro dimittens, per hos pa- <sup>buntur.</sup>  
 cem Poloniæ Senatoribus insinuabat. Et hi, cer-  
 tam pacem sperata victoria potiore judican-  
 tes, non abhorruere. Et tandem res eo deducta  
 est, ut prudentiores aliqui, ab utraque parte, ad  
 formandos articulos, deputarentur. Quia autem  
 Poloni victoriæ viciniore erant, ita ad placitum,  
 utilitatem, & gloriam suam, pacis leges præscri-  
 bebant: quarum præcipua fere capita hæc fuere:  
*Ut tributum, nullo unquam tempore, à Polonis petere*  
*Turcæ præsumerent: Tartaros, qui Cantimiro Duce,*  
*in Bialogrodiensibus campis, domicilia sua fixerant, ex*  
*illis tollerent; renuentes etiam armis internecione de-*  
*lerent: oppidorum, arcium, & castellorum Polonico-*  
*rum, ad Tyram, demolitionem, in æternum non postula-*  
*rent: arces, ad Poloniæ & Hungariæ fines, præsidiis*  
V 3
suis



*suis Turcæ non munirent: Valachie & Transylvanie Palatinos (quod proposuerat) Turcarum Imperator non amoveret: sed eum Valachie Principem faceret, quem Poloniæ Rex, & vellet, & commendaret.*

*Murtazius tertius ter-  
giversatur, sed  
adventu  
Regio in  
Podoliam  
territus  
conditio-  
nibus sub-  
scribit.*

Dura hæc Murtazio Bassæ, & parum ad respectum, auctoritatem, & gloriam Amurathis Imperatoris, Domini sui, videbantur. Itaque, aliud ex alio trahens, moras necebat, ut si aliquo interim prosperiore successu, ad humiliores, Sarmatas, conditiones disponderet. Adhæc Turcici Imperii vires identidem extollens, eas, conditionibus minus honestis, non irritandas monebat. Nunquam etiam, vultu verbisque, bella iterum & arma potius, quam pacem, spirans, Polonorum animos & constantiam explorabat. Et in eo res erant, cum ab exploratoribus nuntiaretur, Vladislaum Regē, cum exercitu illo victorioso, quo Moscoviæ Monarcham humiliaverat, per Russiæ fines, in Podoliam transiisse. Quo inexpectato nuntio, Murtazius Bassa, perterritus, non ulterius cunctandum ratus, conditionibus omnibus, ne una quidem excepta, statim subscripsit: suspensionem armorum interim, à Generali exercituum Duce Konecpolscio, petens, ut de omnibus ad Imperatorem suum referret: quo de imminente cervicibus suis Vladislao Rege, & con-

& conditionibus, quas ob vicinitatem illius, & praesenti necessitate compulsus, iniisset, Amurathem certiores faceret.

Quid autem ad hanc & ignominiosa nomini suo, et, in Barbam ipsius, prorsus, & quasi è diametro, superbæ nuperæ praesumptioni contraria, Amurathes? Præ Vladislai Regis impetu omnia placuere, & acinacem suam, quæm horrere universas nationes Orbis iactaverat, quo ruinam & exterminationem Poloniae populis minatus fuerat, cum magno dedecore suo, subito condidit, ne gladium Vladislai Regis experiretur. Sed, ne affectui aliquid ego tribuere videar, hæc, & alia hisce similia, in ipsis Murtaizii Bassæ, ad Generalem exercituum Ducem Konecpolscium, litteris, 24. Sept: Anno 1634. ad eum scriptis, & ab hoc ad Jacobum Zadzik Magnum Cancellarium Regni transmissis, videamus.

Significo Illustritati vestræ, quia Mechmet Celebi, qui ad vos ante mittebatur, postea à me ad Serenissimum Imperatorem Dominum meum missus, attulit mihi ab eodem scripturam ejusmodi. S. Quicquid ibi pepigisti ac contraxisti, totum id concedo tibi. Quod autem scribis de Cantimiro Bassa cum suis Tartaris tollendo, eundem quoque meum esse servum scis. Scribe illi aliam te provisionem concessurum, ut sua sponte abscedat;

Amurathes, metu Regis, conditionibus assentitur.

dat: quod si non fecerit, eum cum exercitu aggredere, animadvertasque in ipsum, uxores, liberosque suos. Quare fide mea, iureque jurando promitto Illustritati vestre, me in ipsum ita animadversurum, ut dictu sit impossibile. Præterea, motu ejusdem scripturæ Imperatoris Domini mei, convocavi copias omnes, præcipue Vromensium, Bosnensium, Silistrensiū, imo etiam nuntios Regiæ Majestatis, & Ducis Crimensis, ad capiendum in ea re consilium. Postquam vero Tartaros tollemus, instituemus Præfectos ejusmodi, qui perfidos homines cadant, nec Crimo exire, sine litteris, quempiam permittant, ut fœdus idem, quod cum Sultano Solimano peractum antea fuit, deinceps semper vigeat. Querebam etiam ex nuntio vestro, utrum velletis Cosakos, quo minus Turcicis terris damnum inferrent, coërcere. Quod quia affirmavit fore, ego similiter omnia promitto. Restat duntaxat ut Schahin Agamature huc adveniat, quem cum nuntio vestro, una ad Imperatorem Dominum meum mittamus, ne exercitus hic ad hyemem usque durent, utque pacifice digrediamur ab invicem. Cæterum Illustritatem vestram Deo commendo, qui præstet, ut audiam Illustritatem vestram bene valere.

Amura-  
thes in  
gratiam  
Vladislai

Ecce humiliatum Amurathem Turcarum Imperatorem. Sed nondum satis. Ut exacerbatum Poloniae Regis Vladislai, in se, & præsumptio.



ptionem suam, animum (quem non ignorabat, <sup>Regis Abazium Bassam interfecit.</sup>

*Parcere subjectis & debellare superbos)*

mitigaret, & gratiam ipsius aliquo singulari facinore promereretur, potissimum Authorem belli Abazium Bassam, alias propter callidas adulationes charissimum sibi, suffocari fecit, ut quantum posset se etiam culpa & crimine liberaret; alio etiam modo, ut metu fortissimi Regis exoneraret animum, gratificaturus, si potuisset. Sed ne & hic præter veritatem quippiam dixisse videamur, litteras 26. Sept: ex castris ad Cameneciam, ad eundem Magnum Cancellarium Regni scriptas inspiciamus.

*Gloriosa admodum est pax hæc, quæ S. R. Majestati hisce diebus magna cum oportunitate evenit. Tametsi enim Turcæ Sectæ suæ impiæ eam legem habeant, qua obstringuntur, ut cunctas nationes ad eandem Sectam trahant, sibi que tributarias faciant, tamen ab ea nunc per conditiones desciscunt. A castellorum nostrorum ac oppidorum demolitionis postulatione superse-  
dent. D'Nestrum nobis pro finibus concedentes, Cantimirum cum suis Tartaris, campis Bialogrodiensibus pellunt, atque in posterum nullum unquam iis locis passuros se promittunt. Palatinum Valachie eum quoque quem S. R. Majest. pro voluntate sua ac antiquis patris commendarverit, spondent se præfecturos. Immo,*

X

quod

quod gloriosissimum est, non pudet fateri Timam Age, de medio sublatum esse Abazium Bassam huius belli auctorem: eo scilicet, ut S. R. Maieitati satisfaceret: qui ipsi ita charus erat, ut id post ipsius interitum ita luculenter testaretur, ut pro suis exequijs 20000 Asporum daret, in Illustris cujusdam Basse monumento condideret, suffragiaque publica, pro Manibus ipsius, reliquis Bassis indiceret. Denique Valachiam, Moldaviam, Transylvaniã, quas hoc motu Turcain Provincias, Palatinis isthinc sublati, Bassisque inductis, voluit redigere S. R. Maestas summo malò laboravit. Advertit quippe Tyrannus rem sibi cum eo Monarcha esse, cuius amicitiam deinoeps sibi oportunam fore ducit. Ita gloriosa pacis hac transactione, gloriose S. R. Maiejest. nostra, ac felicissime apud posteros æternabit.

Vladislai

Regis pru-

dentia in

hoc bello,

Clemen-

tia, &

gloria a-

pud suos,

Ethic est finis istius belli Turcici, maxima ipsorum superbia, præsumptione, tumultu incepti, maiore ignominia, damno, pudore, finiti: sic ut verissimum in illis fuerit.

Parturiunt montes nascetur ridiculus mus.

Attamen quanto majus Amurathis & Turcarum dedecus, tanto major Polonorum & Vladislai Regis gloria. Qui omnes hostium conatus prudentia ludit, per fortissimum Ducem Konecpolscium fregit, & tandem adventus sui fama consummavit. Adeo ut hac in parte Julium Cæsarem, Mithridatis filium more fulminis, quod venit,

per-

percutit, & abscedit, debellantem, longe superar-  
 rit. Ille enim venisse, vidisse, & vicisse gloriatur,  
 Vladislaus autem venisse, non vidisse, & tamen  
 vicisse poterit gloriari: & quidem tanto majores  
 hostes, quanto Amurathes major Pharnace, & Os-  
 manidæ Ponticis potentiores. Itaque Vladislaus  
 Rex, cum uno eodemque tempore, à duobus po-  
 tentissimis Monarchis, & à Septentrione, & à Me-  
 ridie premeretur, & utrumque eodem anno supe-  
 raret, docuit terrarum Orbem, quid possit in sum-  
 mo periculo summa virtus, & fortitudinem pru-  
 dentia junctam, numerosis hostibus, validissimis  
 viribus, & imperiis maximis, potiore esse. Et  
 quid in utrosque non ausus fuisset, non potuisset, nisi  
 magis clementia laudem, quam severa ultionis  
 impetum odiumque respexisset? Maluit autem par-  
 cere, ut cum duos potentissimos hostes vicisset,  
 addita tertia, de animo suo, victoria, mirabilior  
 omnibus redderetur. *Quem enim magis admirabi-* Senec. lib.  
*lis, quam qui imperat sibi, quam qui se habet in pote-* 4. debet  
*state? Gentes facilius est Barbaras, impatientesque alie-*  
*ni arbitrij regere (addam ego & vincere) quam ani-*  
*imum suum continere & tradere sibi. Quid amplius?*  
 Aderat quoque necessitas quædam festinandi, cum  
 tertius hostis à Septentrione immineret: & perti-  
 nator imo deterior ille quia rebellis. Itaque cum



tanta celeritate potentissimos hostes, victos & humiliatos, præscriptis pacis legibus absolvisset, quasi non integra virtute, sed una manu usus, duo tantum, veluti per transfennam, impedimenta sustulisse videri poterat, ut in hosce, de jure suos, tota intentione expeditior esset: quod maxime etiam Poloni desiderabant, ut obsessi portus vendicarentur. Et omenerat prosperioris successus, quia cætera tam feliciter cesserant. Quapropter Vladislaum, ut nuper à Moscicis armis, sic nunc à Turciæ finibus reducem, ut Herculem suum & Patrem Patriæ venerabantur. Et quid ni? Maximis, quæ in hominem cadere poterant, beneficiis subditos suos affecerat. Quippe, ut Latinus Sapiens de beneficiis ait, *Prima hujus notæ sunt, hostium manibus eripi, & Tyrannicæ iræ, & proscriptioni: & aliis periculis, quæ varia & incerta humanam vitam obsident. Quicquid horum discussserimus, quo majus ac terribilius erit, hoc majorem inibimus gratiam: subit enim cogitatio, quantis sint liberati periculis, & lenocinium est muneri, antecedens metus. Merito ergo ut vindicem suum & Patrem Patriæ venerabantur, qui hæc ipsa in circuitu fecerat, & facere perseverabat.*

*Lib. 1. de  
benef.*

CAPUT

## CAPVT TERTIVM.

## ARGUMENTUM.

Vladislai IV. expeditio in Suecos, qui,  
factis induciis, Borussiam Regi re-  
stituunt.

## SUMMARIUM.

*Origo hujus belli describitur: Sueci ex impro-  
viso Borussiam invadunt, & tandem, successibus va-  
rijs, usque Thorunnium penetrant, quod à Gerhardo  
Dönhoffio Comite, & Civibus ipsis, insigni virtute,  
defenditur. Tandem sex annorum induciæ factæ: qui-  
bus elapsis, Vladislaus Rex victorem exercitum in Bo-  
russiam ducit: Prævos militiæ mores corrigit, & di-  
sciplinam militarem restituit. Hinc magnum exercitus  
commodum. Stratagema Regis & industria Geda-  
nensium. Apparatus in Suecos Regius ingens: sed Sueci  
pacem ambiunt, quam Rex, ob varias rationes, non ab-  
nuit. Pacis conditiones. Sueci, quicquid in Borussia possi-  
debant, Regi restituunt. Greiffenclavius Caesaris nomine  
Regi congratulatur, & hujus petitiones. Rex, post  
pacem in comitijs confirmatam, loca à Suecis reddita  
visitat. Ejus clementia commendatur, quâ omnia  
bella consummavit.*

Senec.

Epist. 29.

Origo bel

li Suecici.

**R**ecte Romanus Philosophus, *cum hac persuasione vivendum est, non sum uni angulo natus.* Vicerat jam Vladislaus Rex, duabus, & à Septentrione, & à Meridie, partibus, & Sarmatiam potentissimorum hostium metu liberaverat. Sed nondum satis judicans uno aut duobus angulis vicisse, in circuitu Sarmatiam liberare decrevit. Restabant autem à Septentrione, ex veterum recentiorumq; annalibus, famosissimi gentium, Sueci, Gothi, Wandali. Hi Vladislao Regi hæreditario jure subditi, sub Carolo Sudermannia Duce, à Sigismundo III. gloriosæ memoriæ, Vladislai Regis Patre desciverant: & quia, quæ istius generis sequi solent molimina, timere didicerant, ex omni occasione Poloniae hostes, ut bellum finibus suis arcerent, ejus Provincias vellicabant, dum alibi occuparetur. Sic Anno 1621, cum in Valachia Sarmatæ Turcarum viribus suas opposerent, Rigam omni conatu adorti, tandem expugnauerunt. Anno 1626 ita subito, è Balthico mari, in continentem, in Borussia emerferunt, ut apertis munitissima oppida portis caperentur: & ante potior Borussia pars Suecica fuit, quam Suecos intrasse Sigismundo Regi nuntiaretur. Inde aliquot annorū tumultus & velitationes, subinde vices variante fortuna. Ad extremum tamen, subdolis artibus, quod nemo un-



non unquam fore speravisset, usque Thorunnium  
à Suecis penetratum.

Eo quidem, Anno 1629. Mense Feb: Hermannus <sup>Sueci Tho</sup>  
Vrangelius, recenti victoria ferox, Suecicarum co- <sup>runnium</sup>  
piarum nucleum, tanta celeritate rapuit, ut Tho- <sup>oppug-</sup>  
runnienses, nihil minus quam de adventu suo co- <sup>nāt, quod</sup>  
gitantes, subito occuparet. Quin imo eodem illo <sup>à Gerharto</sup>  
tempore, ad visendum reum, extra Urbem laqueo <sup>do Dönhoffio Co-</sup>  
strangulandum, magno numero cives exiverant. <sup>mite, &</sup>  
Quod ipsum casu in compendium cessit, cum Sue- <sup>Civibus</sup>  
ci alium Polonum exercitum suspicarentur. Ut <sup>ipsis, in-</sup>  
primum autem cives, quos à longe venientes vi- <sup>signi</sup>  
derant, Suecos esse cognoverunt, præcipiti fuga <sup>virtute</sup>  
in Urbem se recepere. Ibi, ex improvisa re, & quia <sup>defendi-</sup>  
longa pace bello desueverant, consternatio in- <sup>tur Anno</sup>  
gens; adeo confusis omnibus, ut salutare nihil, præ- <sup>1629.</sup>  
fertim quia miles sufficiens ad manum non erat, <sup>Mense</sup>  
plebe insuper tumultuosis vocibus, ut in tali casu <sup>Febr:</sup>  
fieri solet, Senatum non audiente, in commune  
consuleretur. Commodum autem Thorunnien-  
sibus venerat, quod Gerhardus Comes à Dönhoff,  
probatum felixque jam antea in Valachia & alibi  
miles, Urbem paulo ante intrasset. Hic enim, in-  
tellecta clade Brodnicensi, maturo iudicio suo præ-  
videns, Thorunnium periclitaturum, proprio mo-  
tu (quippe cui alias Mevam, Nienburgum, Ma-  
riawer-

riæwerdam, & Kudzinum, copiis suis tueri, à Republica commissum erat) uno & altero tantum famulo comitatus, die nocteque eo properarat, ut Urbi præsentia & consiliis suis adesset. Adeoque, non uno Stratagemate usus, per ipsas hostiles copias, duabus fere, ante Suecorum adventum, horis, feliciter Civitatem intrarat. Nunquam antea magis animadversum, quantum unius fortissimi belli Ducis autoritas & præsentia valeat. Ille enim, Urbe præsentis periculo consternata, in Curiam statim forumque concessit: & Senatum civesque ad concionem vocatos, iis, ut suburbia sua incenderent, potissimum suasit; ratus hostem, ut evenit, non cervicibus Urbis diu inhæsurum, si hyberno tempore & fomenta & receptacula non inveniret. Difficilius erat, ob gravia hinc Civibus emergentia damna, persuadere: sed, interveniente quoque Senatus autoritate, qui, juramenti Coronæ præstiti memor, hoc in periculo ( præsertim Johannes Preuß tunc Proconsul Urbis, cui ejusdem nominis filius, paternæ virtutis hæres, etiamnum eadem dignitate Civitati laudabiliter præest) pro Republica fideliter egit, bono privato Cives publicum prætulerunt. Inde Comes Dönhoffius, hac jam parte securior, oportunis & efficacibus verbis, ad constan-

stantiam & virtutem, omnes porro animavit, et-  
iam vitam suam obstringens, si in hac fidelitate  
sua perseverarent, Suecos Urbe non potituros.  
Addidit aliud quoque, ad confirmandos civium  
animos, efficax, callidus belli Dux: ex copiis suis  
nimirum, mille pedites, in subsidium mox adfu-  
turos. Sic paulatim suus cuique animus, sua cuiq;  
præsentia rediit, & apparuit Thorunnienfibus ni-  
hil nisi fortem virum defuisse qui duceret. Quip-  
pe, omnibus à Dönhoffio Comite jam ritè ordina-  
tis, hunc ad prælia præeuntem, alacres in valla se-  
quebantur. Non horribiles, ab incensis suburbiis,  
in circuitu flammæ, non à facie hostilis impetus,  
terrere. Et, quamvis tanta esset hostibus capiunde  
Urbis fiducia, ut equites, equis suis defilientes, in-  
termixti peditibus, pedestres expugnationi in-  
cumberent: licet eousq; jam ascendissent ut par-  
tes cominus invicem latera foderent: licet portas,  
S. Catharinæ & Culmensē, immo ad hanc tur-  
rim quoque munitissimam expugnassent, & sub-  
inde misso tibicine (cui Comes Dönhoffius, sub  
pœna mortis, ne reverteretur, tandem interdixit)  
ad deditionem Cives sollicitarent; omnia tamen  
ista intra virtutem Dönhoffij, & Dönhoffius o-  
mnibus hilce potentior in Thorunnienfium ani-  
miserat. Itaque, velut uno momento temporis,

Y \*                      cir.



circumacta fortuna est, & hostes munitionibus suis valloque pulsi, magna clade rejecti sunt. Ad-  
eoque insigni fortitudine, Gerhardus Comes à Dönhoff, Suecis, jam prædam & spolia meditantibus, egregia civium fidelitate fultus, Urbem è manibus quasi extorsit. Fremuit Hermannus Vrangeli-  
us, spei irritus, & cum damno recessit; tantum, virtute etiam in hoste victo valente, ut fortitudinem Dönhoffij Comititis, cognati sui, non modicè celebraret, servatamque Urbem virtute ejusdem confiteretur. Debebat itaque Dönhoffio Republica hac vice Thorunnium, & Thorunnium eidem fortissimo Comiti suam integritatem: quod quidem, quam diu erit, Dönhoffianæ virtutis illustre monumentum perennabit.

*Quanta  
ea victo-  
ria fuerit* Quanta, tum temporis, ea victoria fuerit, ex  
eo metiamur: quod, statim post nundinas trium  
Regum, Polonorum juxta ac Germanorum mercatorum opibus, Urbs eadem, quodammodo prægnans esset; adeo quidem ut soli Gedanenses, suas tunc in Urbemerces, millionem auri excessisse, faterentur. Sic ut Gustavus Adolphus, si superior evasisset, è solis spoliis Urbis, triginta millium virorum exercitum alere potuisset. Insuper, quia Thorunnium tunc quodammodo Clavis erat Poloniae Regni, si eo Sueci potiti fuissent, difficillime  
deinde

deinde Borussia moveri potuissent, et, aperta in  
 uberes terras janua, excursionibus quotidianis,  
 Majorem Poloniam, Cuiaviam, terram Dobri-  
 nensem, & Mazoviam, nobilissimas Coronæ Pro-  
 vincias, pro libitu devastassent. Quæ omnia Dön-  
 hoffiana virtus, & Senatus Civiumque fidelitas,  
 tunc, favente Deo, feliciter avertere. Hoc etiam <sup>Post hanc</sup>  
 Fortuna adjecit, quod Sueci, nunquam postea eo-<sup>Sueci,</sup>  
 usque progressi, solitis se tantum dolis & artibus <sup>cum Polo-</sup>  
 suis porro tuerentur. Quas cum evitare, & virtu-<sup>nis, sex</sup>  
 tem Polonorum vincere, æque difficile esset, eo-<sup>annorum</sup>  
 dem illo Anno 1629. 26. Sept: sex annorum indu-<sup>faciunt,</sup>  
 ciis arma suspenderunt; ita tamen ut penes Sueci-<sup>eodē Anno</sup>  
 ampleraque maritima oppida perseverarent. In-<sup>1629.</sup>  
 tellexit interea temporis Polonia incommodum  
 suum: & sibi compedes velut injectos indignata,  
 acriter animum in ultionem acuebat. Et hoc op-  
 portuno tempore, cum virtute fortissimi Regis  
 sui, à lateribus aliis, pacem victoriis extorsisset, &  
 sexennio induciarum elapso, adhuc Romani Im-  
 perii viribus Suecia distringeretur.

Itaque Vladislaus Rex, initâ prius cum Fer-<sup>Rex v. la-</sup>  
 diando Imperatore armorum societate, illum vi-<sup>di. la. ex-</sup>  
 ctorem exercitum, illas victrices Polonas aquilas, <sup>exercitum</sup>  
 quibus tot gentibus leges dederat, à Borysthene <sup>in Borus-</sup>  
 & Tyra, in Borussiam circumagebat. In Borussi-<sup>sia cōtra</sup>  
<sup>Suecos</sup>  
<sup>ducit An-</sup>  
 am 1635.

Sen. lib. 1  
de clem:

am dico, superiori bello, à multis, in vanum fortasse, suspectam, et, eorum iudicio, belli malis, quæ in initio melius excludere potuisse videbatur, non indignam. Ut ut sit. Prudentissimus Rex suam eam terram, etiam quæ ab hoste possidebatur, iudicans, à bellicis calamitatibus, quantum quidem fieri poterat, præservandam censuit. *Is etenim cui curæ sunt universa, quanquam alia magis alia minus tuetur, nullam non Reipublicæ partem tanquam sui nutrit, inclinatus ad mitiora, etiam si ex usu est animadvertere: ostendens quam invitum asperum remedium manus admoveat, in cuius animo nihil hostile, nihil effrum est. Qui potentiam suam placidè ac salutariter exercet, approbare imperia sua civibus cupiens. Itaque prava militiæ mores corrigendos censuit, ne Provinciam illam, à nupero bello non nihil respirantem, & adeo copia rerum omnium alias affluentem, ut Munsterus Jovem è Cælo casurum, non aliam lapsu terram occupaturum, iudicaret, etiam curando debilitaret.*

Pravi ho-  
die mi  
litia mo-  
res.  
Lib. 7. de  
benef:

Et profecto ij, hoc sæculo, militiæ mores sunt, quos deplorare meritissimo jure quilibet, & maxime qui suo damno experiuntur, queat. Et qui alii, quam quos, in imagine captæ Civitatis, Seneca nobis repræsentat? *Omissio pudoris rectique respectu, inquit, vires in consilio sunt, velut signo ad permiscenda*



da omnia dato. Non igni, non ferro abstinetur. Soluta legibus scelera sunt. Nec religio quidem, quæ inter arma hostilia supplices texit, ullum impedimentum est truentium in prædam. Hic ex privato, hic ex publico, hic ex profano, hic sacra rapit: hic effringit, hic transilit, hic non contentus angusto itinere, ipsa, quibus arceatur, evertit, & in lucrum ruina venit. Hic sine cade populatur, hic spolia cruenta manu portat. Nemo non fert aliquid ex altero. Hæc, & hisce similia, Vladislaus Rex, etiam in Turcas, Tartaros, Moscovitas, & extreme Barbaras nationes, pro continentia sua, ut poterat, præcavebat: ne, posita paulatim disciplina, exercitus licentia tali sylvesceret. Sed in hostico victor exercitus non adeo poterat cohiberi: quippe non sufficit homo justus unus tot armatis cupiditatibus. Non potest quispiam eodem tempore & de benef. bonum Virum, & bonum Ducem agere. Quomodo tot millia hominum insatiabilia satiabuntur? Quid habebunt si suum quisq̃ habuerit?

Diffimulare ergo non nihil in alieno Dominio visum, in Borussia vero non item. Quid enim per-<sup>Rex cor-</sup>diturus nisi suum? Itaque Rex, rapinas, vastatio-<sup>ruptos mē-</sup>nes, incendia, stupra, & quicquid militaris licen-<sup>litia mo-</sup>tia præsumere solet, severe prohibuit, transgres-<sup>res corri-</sup>git, & no-<sup>vā disci-</sup>foribus cuique sceleri correspondentes pœnas ob-<sup>plinā mi-</sup>oculos posuit: ut, si non pudore, non culpa, non <sup>litarem</sup>virtu-<sup>-instituit.</sup>

virtute, saltem animadversione severa, ab illicito moverentur. Immo integræ conscientiæ viros ad hoc deputavit, ad quos subditorum querimoniæ liberè deferrentur, cum plenaria potestate, quoscunque reos comperissent, pro arbitrio puniendi. Hæ bellicæ leges, à Vladislao Rege introductæ, sub nomine *disciplinæ militaris*, passim imprimebantur, & stricte observabantur. Quippe in hac morum perversitate desiderabatur solito vehementius aliquid, quod mala inveterata discuteret. Ne autem esset quod milites quererentur, Commissarios singulos legionibus singulis præposuit: qui in tempore illis stipendia providerent. Insuper Tribunos militiæ Belgicæ non ignaros, quibus necessarium judicabat, legionibus præfecit, ut disciplina, ad illius Patriæ mores, conformaretur. Qui utinam in omnibus gentibus observarentur, non ita Respublicæ variæ, & integra passim Regna debilitarentur. Non illas abominabiles in Imperio Romano vastitates: pagos, oppida, Regiones desertas: & sex, septem, octo, decem milliarium spatium, nullum, in agro fertilissimo alias, hominem; sed in domibus, & arcibus desolatis lupos averfarentur. Interim Belgium octuaginta jam & amplius annis, tot exercitibus, obsidionibus, expeditionibus, præliis, & domesticis odiis in invicem sæviens,

ſæviens, non dico adhuc ſpirat, ſed divitiis & deliciis proficit: pagos, arces, & oppida nova ædificat: & in medio bellorum incendio vivit, ſicut Salamandra ſolet in igne.

Hæc Vladislaus Rex in Belgio, & ipſa obſidione Bredana, magna ſua cum gloria, viderat, & nunc in Polonia ſua æmulabatur. Et quanto mox cum fructu! Subditi largius ſua offerebant, quia non auferebantur: & in exercitu Regio erat invenire, quod in publico affluentiffimæ Urbis foro. Insuper ſub Suecico jugo viventes, jam Moderatorem ſuum ſuſpirabant: et, affectu à parte in partem, translato, ejus Imperium anhelabant, qui, ut Princeps legitimus erat, legitimum ſe Principem terræ, diſciplina oftendebat. Quin immo & Suecos ipſos hæc anima veræ militiæ terruit: & qui altis è Germanico ſucceſſu animis intumeſcebant, verſa vice, victoriam deſperavere.

At Vladislaus Rex, virtute ſua uſurus, copias & exercitum ſuum in hoſtes porro movebat. Illi autem non fortunæ, non campo ſe committere: aufi, paludibus & oppidis ſe continebant. Ne autem, tumultuarie collecto exercitu, beneficio notis, Viſtulam aut alia flumina transmittentes, ut antea ſub Guſtavo ſolebant, vicinis regionibus vaſtitatem inferrent, prudentiſſimus Rex Strategemate

*Magni  
hinc fru-  
ctus in  
exercitu.*

*Strata-  
gema Re-  
gi & Ge-  
danenſium  
industria*





bellicus) idem qui antea in Thorunnio, contra eosdem Suecos, rem strenue gesserat, Gerhardus Comes à Dönhoff, cum Sigismundo Barone de Guldenstern, Illustrissimæ familiæ viro, constitutus est. Ne vero rem, in Reipublicæ emolumentum prudentissime ordinatam, diffidentia quædam corrumpere. quosdam ex ipsa etiam Civitate Gedanensi, eidem Commissioni adhibuit, quo sincerius procederetur: Itaque collecti passim milites nautici, & parvo temporis spatio, in eventum omnem præparata Classis, militariter instructa natavit. Missæ quoque litteræ universales, ad Capitaneos Balthico mari vicinos, ut de victualibus Classi providerent. Sed & Pucium, Vladislaopolim, Fortalitium Casimirianum, & alia maritima loca, ut ad Vistulam quoque Deraviam, & propugnaculum Sperlingianum, annona, nitrato pulvere, numerofo præsidio militum, & munitionibus aliis aliisque Rex firmavit. Usus potissimum, hac in re, Johannis Plaitneri, Architecti sui militaris, ingenio: qui ex Belgio nuper, admodum adolescens, ad Regem veniens, successibus semper secundis, ad Smolenscium operam & ingenium suum, supra ætatem, feliciter Regi probaverat; adeoque nunc quoq; oportunus vilus, cujus industria Rex por-

ro uteretur. Denique, ut ad propositum rede-  
 am, quia periculum prona Vistula timebatur, ,  
 naves plaustris impositæ, terrestri itinere, infra  
 Gedanum, prope Fortalitium Sperlingianum;  
 vectæ: è quibus, egregia Eliæ Artischevii Tribu-  
 ni militaris opera fortiter invicem compactis,  
 ponte navali, Vistula subjugata; qui Regiam post-  
 ea, Vladislao, confectis induciis, transeunte, lau-  
 dem meruit. Hujus pontis extremitates, Arti-  
 schevius idem, munitione firmavit: cujus bene-  
 ficio, elapso aliquoties, cum de induciis postea  
 tractaretur, armistitii tempore, & vario bellico  
 apparatu à præfatis Commissariis Regiis instru-  
 ctus, copiis suis in alteram ripam transibat, & ad  
 angustias, in adversis munitionibus Suecos, iden-  
 tidem redigebat; adeo ut, cum aliquot iterum  
 diebus, integræ jam conficiendæ rei intentus, su-  
 spensa arma (quod, subsecutis induciarum tra-  
 ctatibus, sæpius factum) audiret, projecto in ter-  
 ram pileo indignaretur.

*Sueci pa-  
 cem am-  
 biunt, quā  
 ob varias  
 rationes  
 Rex non  
 respuit.* Erant itaq; hoc vario apparatu bellico Vla-  
 dislai Regis, antequam serio bellum inchoaretur,  
 in Borussia Sueci quasi debellati. Adeoq; etiam,  
 saniore consilio usi, cum in eo jam esset, ut statio-  
 nes & oppida eorum obruerentur, subito pacem  
 ambivere, iis conditionibus, quales victoriis ex-  
 tor-



torqueri meliores vix potuissent. Quid ergo Vladislaus Rex? Vibrare gladium perseveraret, cum dexteras inimici offerrent? Conditiones averfaretur, cum reddere, quæ superiori bello multo sanguine & sudore parta, & aliquot annorum pertinacia defensa erant, ultro promitterent? Sine sanguine Urbes superbè contemneret, quæ multo sanguine, bello, sumptuque repetebantur? Consideratior & prudentior erat. Et quamvis alii, utendum præfenti fortuna & occasione, suaderent, cum Suecis, adhuc in Germania occupatis, uti se totis non liceret, & Romani Imperii & Polonicæ Reipublicæ viribus simul resistere illis impossibile esset: non posse jam Borussia tantum, sed Livoniam & Estoniam quoque extorqueri, & Sarmatarum timorem ipsis Sueciæ rupibus finibusque illidi; immo Regnum fortasse integrum, recuperari. Quamvis hæc, inquam, & hisce similia nonnulli suaderent, tamen prudentissimus Rex in alteram partem declinabat: volvi etenim sapius fortunæ rotam, & magnum detrimentum, in bello præsertim, non semel à parvo incommodo gigni: non virtutis semper Fortunam comitem esse, & eam sapius fortissimos quoque, cum maxime abblandiri videbatur, quasi in medio cursu deseruisse: Cyrum

Thomyri Reginae cum tanto exercitu praedae & ludibrio fuisse, & Annibalem, sedecim annis Italiae incubantem, victoremque, cum tot praeliis experientiam collegisset, ad extremum in Patria sua victum: Pompeium, cum jam prius vere Magnus esset, cum Senatu & Republica simul occubuisse, & victoris ejus Julij Caesaris fortunam, cum ad summum pervenisset, ad Mundam in Hispania, contra Pompei filios, vacillasse, & non, nisi per errorem, vitam & victoriam obtinuisse. Quin-imò modernum Imperatorem Ferdinandum Secundum, ab iisdem Suecis non ante praelio fustum, quam Germaniae prope totius potens fuisset. Nil se supra hominem, nec fortunam in manibus habere; & licet habere videretur, facile elabi posse:

*Senec. lib. 7. de ben. nihil enim firmi habet, qui in incerta propensus est.*

*7. de ben.* Et, posito fieri posse quae ipsi dicerent, Borussia extorqueri, Livoniam & Estoniam recipi, Sueciam ipsam concuti, tamen quod noceret prius fore: nimio constare quod sine dispendio valetudinis acquiri non posset. Vigorem Provinciarum suarum suum videri: hunc exarescere bello certissimum esse, & antequam Borussia Livoniaque reciperetur, prius fortunis omnibus, quas maxime salvas velleret, iterum spoliatas, perdi oportere: adeoque verissimum esse quod Romanus Sapiens,

*nullius*

nullius metus tam gratus est finis, ut non gratior sit <sup>Lib. 6. de</sup>  
 solida & inconcussa securitas. Præter bellum ipsum, <sup>benef:</sup>  
 cum honeste vitari potest, gravissimum Rei-  
 publicæ morbum videri: jam autem <sup>Sen. Epi-</sup> nulli dubium  
 esse quin <sup>Stol. 66.</sup> felicior sit inconcussa valetudo, quam ex gra-  
 vibus morbis & extrema minitantibus, in tutum vi-  
 quadam & patientiaeducta. Non dubium esse quin  
 felicior pax sit nunquam laceffita, quam multo repa-  
 rata sanguine. Pacem denique esse, quæ una  
 innumeris triumphis potiatur: & ideo Regem  
 sapientissimum quemque ad illam respicere. In-  
 sapientiæ esse, cum citra sanguinem, damnum, &  
 sumptum offeratur, aversari. <sup>Senec.</sup> Sapientia enim altius  
 sedet, nec manus edocet, animorum magistra est. <sup>Vis Epist. 90.</sup>  
 scire quid illa eruerit, quidve effecerit? Non indeco-  
 ros corporis motus, nec varios per tubam ac tibiam  
 cantus, quibus exceptus spiritus, aut in exitu, aut in  
 transitu formatur in vocem: non arma, nec muros,  
 nec tela. Utilia molitur, paci favet, & genus huma-  
 num ad concordiam vocat.

Assensit ergo, optimis rationibus ductus, <sup>Condi-</sup>  
 Suecorum propensione Vladislaus Rex, & pru- <sup>ones in-</sup>  
 dentissimis aliquot viris, ab utraq; parte, ad for- <sup>duciarū</sup>  
 mandos pacis, seu induciarum, articulos, designa- <sup>Anno</sup>  
 tis, tribus potissimum iis, Stumsdorfii, Anno 1635. <sup>1635. 2.</sup>  
 2. Sept. stylo veteri, convenit. <sup>Sept. Sty-</sup>  
 lo veteri.



I. Ut viginti sex annorum, hoc est ab anno, quo hæc agebantur, 1635. Mense Sept: usque ad primam Julij, stylo veteri, Anni 1661. induciæ essent, & inter ea temporis de perpetua pace tractaretur.

II. Pars utraque in Livonia, sicut præteritis sexennialibus induciis possederat, ita hisce induciis quoque possideret.

III. Ut quicquid in Borussia Sueci bello superiori invaserant, & durantibus sex annorum induciis hucusque possederant, deductis sine incolarum damno præsidis, ita omnia & integra Poloniæ Regno restituerent, ut ne munitiones & fortalitia quidem, præsertim quæ Elbingæ, & circa Elbingam, durante hoc bello extruxerant, demolirentur.

Hisce feliciter conclusis, Nigram Aquilam Poloniæ Reipublicæ Sueci, restituere. Hanc namque vim bellicam, nondum elapsis induciarum terminis, in statione Gedani, secundum in Daniam ventum præstolantem, integra Classe advenientes Sueci, Anno 1635. 14. Julij, interceperant; eo titulo, quod non regia, sed Hevelij Civis Gedanensis esset, qui variis eos in rebus, ut agebant, irritasset. Et licet Regiam esse variis rationibus demonstraretur, tamen hucusque, variis artibus, restitutionem distulerant. Nunc autem, factis viginti sex Annorum induciis, Vladislaus Rex, traditis

Nigram  
Aquilam  
Sueci re-  
stituunt.

20. Sept.

ditis Johanni Heppen & Petro Scatoni Secretariis suis, Jacobi de la Garde Suecorum Generalis, literis, ad Suecicæ Classis Admiralem misit: quibus lectis, Admiralis quidem, 20. Sept: navim restituit, sed ea conditione, ne insigniis Regni Suecici, quam diu in Classe Suecica essent, uterentur. Itaque præfati illi Secretarii Regii, in ipsa Classe quidem, abstinuerunt. Ut primum autem, desertâ Classe, in altum vela fecere, pro suo in Regiam Majestatem Zelo, insignia statim reposuere: & sub vesperam, insigniis Suecicis superne pendulis, in Classem Suecicam, & exinde Gedanum revertere. Sed hoc Nigræ Aquilæ imminentis mali erat breve solatium, paulo post enim, in Hispanias, vela factura, adhuc in mari Balthico naufragio periit.

Cæterum (ut ad summam rei revertar) postquam, in subsecutis eodem Anno Mense Novem-  
bri Comitibus, à Vladislao Rege & Polona Republica conditiones ratificatæ & confirmatæ fuere, quicquid in Borussia possidebant, bona fide Sueci restituere. Ita iterum sola ostentatione armorum Vladislai Regis, citra unius militis jacturam, potior Borussicæ pars liberata. Elbinga cum pristino ejus territorio atque Insula minore, & munimentis ibi exstructis, recepta: Pillavia & ea Neringiæ pars, quæ ad eam spectat, recuperata. Mariæburgum,

*Quicquid  
in Boruss  
Sueci  
tenebant  
bona fide  
Reipubl.  
Polonæ re  
stituunt.*

gum, cum Insula maiore, Poloniae restitutum. Stuma, Brunsberga, ac Tolkmitum, cum eorum territoriiis omnibus, Sarmatiae, à qua male divisa hucusque fuerant, reunita. Hauptum vero & Junkerthaliū, quia oportuna non videbantur, solo æquata. Quid amplius? Liberata ingenti metu damnoque Provincia, quæ à gravissima exercituum in invicem collisione, suam tantum comminutionem certo certius, nisi hæ induciæ quasi Cælo missæ intervenissent, imminentem abominabatur. Quemadmodum enim molarium lapidum collisione, frumentum solummodo in medio fustum, comminuitur, nihil in invicem alias nisi calorem, sordes, & pulverem ipsa sui collisione generaturi; ita miserorum subditorum substantia, exercituum, collisioni media, tantum comminuitur: nihil in invicem alias collecturi, nisi enerves iras, sordidum & inane odium, & infinitum pulverem calamitatum. Hoc ut præcaverat prudentia sua Vladislaus Rex, ita alio beneficio, Balthicum quoque mare littoribus, & littora Poloniae Regno restituit. Soluti compedes dolosi hostis, & Sarmatiae portibus liberum, cum toto terrarum Orbe, negotiationis exercitium procuratum. Novis pagis & arcibus Provincia exornata, novis colonis pagi & arces instructæ. Et omnibus aureæ pacis commodis



modis Borussia paulatim iterum sibi reddita, cæpit tandem, obductis calamitatum cicatricibus, pristinæ integritatis felicitatisque suæ faciem agnoscere,

Quapropter gemina obligatione Vladislao <sup>Lagatus</sup> Regi, tanquam Domino & benefactori obstricta, <sup>Cæsaris</sup> eundemjugi encomio celebrabat. Nec Borussia <sup>Vladislao</sup> tantum, sed pleraque Europæ Regna, hanc incru- <sup>Regi, Cæ-</sup> entam de hostibus suis victoriam, pacem, & liber- <sup>saris no-</sup> tatem Borussiæ postliminio restitutam Vladislao <sup>mine, cō-</sup> Regi congratulabantur. Quin imo & ipsum Sacra- <sup>gratula-</sup> tissimum Imperatorem Ferdinandum II. Vladis- <sup>tur: hujus</sup> lai Regis admiranda felicitas in congratulatorias <sup>petitio-</sup> voces rapuit. Et quamvis transactio hæc, inter <sup>nes, &</sup> Poloniam & Sueciam subsecuta, non mediocre <sup>laus.</sup> damnum rebus Imperialibus generaret (quoniam, ut supra insinuatum est, inter Rempublicam Polonam & Cæsariam Majestatem contra Suecos, in eventum belli, de armorum conjunctione convenerat: neque Suecis Germanicæ & Polonicæ potentia simul resistere possibile fuisset; qui tractatus pacis ab Imperatoria Majestate Principi Electori Saxoniae tanquam delegato commissos, calide in aliquot menses protraxerant, ut exitum tractatus Prussici viderent, & ex illo res suas in Germania metirentur) nihilominus tamen Cæsar Vla-

dislai Regis nepotis sui erga Poloniam Rempublicam summa merita, & famam non belli tantum, sed etiam felicissimę huius pacis gloria sublimem, publica voce deprædicandam censuit: & per Consiliarium suum Appellationum Bohemicarum ac Prolegatum in aula Regia Poloniæ Residentem, Alexandrum à Greiffenclaw, Regi & Reipublicæ, de tam incruenta victoria, de rarissima illa felicitate, & gloriosissima pace, siue induciis cum Suecia initis, congratulatus est: atque id tantum simul requisivit, ne ea pax foederibus & pactis Polonicis, cum Augustissima Domo Austriaca sancitis, & à longo tempore religiose servatis, aliquo detrimento esset. Ille igitur Greiffenclavius, Mense Novembri, Comitibus iis, quibus pax illa confirmabatur, coram Rege & Senatu, multa ad hanc rem pertinentia solenniter & diserte locutus, non tantum optimum responsum, sed etiam dexteritatis & eloquentiæ præclaram laudem obtinuit, Cæsari ipsi per litteras Regias contestatam. Juvenis multifaria doctrina, maturo iudicio, & experientiæ singularis; cognitione etiam præcipuarum totius Europæ (quam totam fere peragravit) linguarum, & equestribus exercitiis insignis: prudentia vero ferventique in Cæsarem obsequiorum fide, & rebus gestis Imperio & Polonico Regno notissimus:

simus: qui non Paternam tantum, sed etiam maternam Truksesiorum à Reinfelden profapiam, (quorum utraque vetusta nobilitate, & summis in Imperio dignitatibus, jam pridem excelluit.) sua virtute non tantum sectatus est, sed multis etiam modis exornavit.

Cæterum, ut ad Vladislaum Regem (qui Greifsenclavium hunc in Cubicularium suum deinde, <sup>Rex loca varia, & præsertim à Suecia reddita, usitat.</sup> virtute tractus, legit) revertar; hic, post Comitia, in Prussiam deinde, ut Urbes & Oppida ab hoste reddita coram intueretur, & præsentia sua bearet, profectus est. Et per Mevam, Mariæburgum, Pucium quoque deflexit, ut nihil ad Balthicum mare non lustratum relinqueret; cujus sinus, Isthmos, freta, portus, & Insulas, in futurum providus, scrutari voluit; ut in quibus superiori bello peccatum, quæ fieri oportuisset, ubi propugnacula, hosti, ubi munitiones, ubi bellicæ naves (quarum magnam nimis in Polonia sua penuriam prudentissimus Rex animadvertibat) objiciendæ fuissent. Et profecto hoc unum Poloniæ deesse semper prudentissimi quique judicaverunt & admirati fuere. Nullum enim Regnum est quod facilius classem extruere possit, & minus extruit. Ligna ipsa, refinam, picem, & alia omnia ad ædificandas naves requisita, toti Europæ communicat;

Aa 2      ipsa



ipsa negligit: & interim classibus inimicorum ob-  
 noxia, suis impugnata materiis, nudum ad inva-  
 siones, vastationes, vellicationesque, latus præbet.  
 Cæterum (ut prudentioribus illa relinquamus) in  
 itinere illud celebre quoque Olivense, Ordinis  
 Cisterciensis, Monasterium, quod multum etiam  
 hoc bello Suecico passum fuerat, vidit: immo &  
 hoc gratiæ fecit ut pernoctaret. Ibi panem olim  
 in lapidem versum, nitidissimi templi altaria, &  
 ornamenta, artificiosissima manu acupicta, vi-  
 dens, locum illum suspexit, in quo, gloriosæ me-  
 moriæ, Parens ejus Sigismundus III. primo ex Sue-  
 cia in Poloniam veniens, à Reipublicæ Polonæ  
 Magnatibus, juramentum fidelitatis accepit. Hoc  
 Monasterium à Pomeraniæ (aut Pomerelliæ po-  
 tius) Ducibus, amœnissimo loco, inter mare &  
 montium fauces mediò, ab Hussitis, tumultu Ge-  
 danensi, & casibus aliis non semel exustum, diru-  
 tum, spoliatum, tamen in melius semper, magna  
 providentia & gratia Dei, resurrexit: Et variis, à  
 variis Principibus Regibusque, Privilegiis dota-  
 tum, etiam sub Davide Konarski, instante glorio-  
 sæ memoriæ Sigismundo III. Vladislai Regis Pa-  
 tre, Insula à summo Pontifice Clemente VIII. de-  
 coratum. Qua subsequentes Abbates, Adamus  
 Trebnitz sanctissimæ vitæ Præsul, Johannes & A-  
 lexan-

Alexander Grabinscii, Germani fratres, integerri-  
mi & omni virtutum genere Ornatissimi viri, &  
modernus Michaël Konarski, supra memorati  
Davidis Konarski Patruelis, prudentissimus Ab-  
bas, ex Illustrissima Germanorum Comitum von  
Schlesen familia oriundus, adhuc feliciter uti-  
tur, & omnes porro successores, per gratiam Dei,  
usuri sunt. Hujus quoq; Monasterii Filius, ille non  
uno nomine Reverendissimus, Leonardus Rem-  
bowski est, Abbas Polplinensis, & Commissarius  
Cisterciensis Ordinis, per Poloniam, Generalis,  
non semel confirmatus. Cujus viri laudes juste  
prosequi, rei series non permittit.

Hoc famosum Monasterium ergo postquam  
Vladislaus Rex perlustrasset, & nocturna quie-  
te præsentiaque sua decorasset, Regiam il-  
lam Urbem Gedanum, Emporium totius Balchi-  
ci maris, & tot Regnorum in circuitu, celeberrimum, intravit. Qua ibi pompa, magnificentia,  
quo honore exceptus fuerit: quomodo distincti  
in cohortes & vexilla cives obviam in campos  
exiverint: quibus, & quam compositis in miram  
humanitatis speciem, verbis, Magnæ Urbis Lau-  
datissimi Consules, fidelium subditorum obse-  
quia suo Regi detulerint, impossibile dictu est.  
Sed facile quilibet judicaverit, qui incolarum

*Gedanum  
intrat.*

genium, integerrimi prudentissimique Senatus candorem, & fidelissimæ Urbis erga legitimos Dominos reverentiam & Zelum, minime ad præsentiam Regis otiosum, novit.

*Elbingæ quoque.* Postquam ergo desiderio officiosissimæ Urbis diebus aliquot præsentiam suam Rex Vladislaus indulgisset, Elbingam & ad alia loca porro perrexit: omnibus ubique in occursum passim effusis, cum vindicis Publicæ libertatis faciem omnes anhelarent. Præsertim cum nullius injuriæ memorem cognovissent, ut qui clementiam, tot injuriis hostium, quos vicerat, laceffitam, incorruptam tamen, etiam in malis subditis, perseverantem, nullius sanguine contaminaret.

*Miraclemencia Regis, quæ omnia bella consūnavit.* Et profecto multos rara clementia Regis in admirationem rapuit. Licet enim variis in locis multos perfidiæ suspectos, multos palam reos, et, tempore belli, in exitium Reipublicæ sedulos, comperisset, tamen omnibus pepercit; quo magnitudinem animi sui, nec pace, nec bello, nec in hostibus, nec in subditis, ad vilissimam ultio, nem degenerantem, ostenderet. *Sen. lib. 3. de ira.* Quippe nullum est argumentum magnitudinis certius, quam nihil posse, quo instigeris, accidere. Pars superior Mundi & ordinatior, ac propinqua sideribus, nec in nubem cogitur, nec in tempestatem impellitur, nec versatur in turbinem: omni tumultu caret, inferiora fulminant.

Eodem



*Eodem modo sublimis animus quietus semper, & in statione tranquilla collocatus, intra se premens quibus ira contrahitur, modestus & venerabilis est & compositus. Nec ego ullam aliam ob rationem Regibus Serenissimi titulum, ab initio, consensum hominum aut attribuisse, aut etiam illos admisisse crediderim, quam ut nullis magis quam Regibus jugem Serenitatem (procul ab inferiorum hominum alternantibus quotidie nebulis, pluvia, serenitate, & mox iterum nubibus) competere recordarentur.*

*Quia æquius est hominem hominibus præpositum miti <sup>Sen. lib. 1</sup> animo exercere Imperium, & cogitare, utrum Mundi <sup>de clem:</sup> status gravior oculis pulchriorq; sit sereno ac puro die, an cum frigoribus crebris omnia quatiuntur, atq; ignes hinc atq; illinc micant. Atqui non alia facies est quieti moderatiq; Imperij, quam sereni Cœli & nitentis. Itaq; Vladislaus Rex, hac quoq; parte Regum Serenissimus, nulla publicam lætitiā tristitiæ nube corrumpit. Et postquam omnia perlustrasset, & quædam etiam, quæ fieri vellet, ordinasset, illibatum & victoris, & pacatoris, & clementiæ, & Patris Patriæ nomen in Poloniam retulit. Maximus & felicissimus, meo iudicio, Regum: qui, duorum Annorum spatio, omnes & potentissimos Poloniæ hostes gloriosissime vicit, felicissime pacem restituit, & dilatatis alibi, alibi restitutis Regni terminis, omnia in circuitu bella clementia consummavit.*

GE-

G E S T O R U M  
 VLADISLAI IV.  
 PARTIS SECVNDÆ  
 LIBER TERTIUS.

CAPVT PRIMVM.

ARGUMENTUM.

VLADISLAUS IV, Regnum suum vi-  
 sitat, & Vilnæ, annulum, proprio digito suo de-  
 tractum, Laureæ Doctorali Mathiæ Casimiri  
 Sarbievij inserit,

SUMMARIUM.

*Vladislaus Rex, post bella omnia, pacis commodis  
 Sarmatiam beaturus, ad morem Monarcharum pro-  
 pe omnium, Regnum suum visitat, Inter alia autem  
 bona Reipublice communicata, non minimum fuit, quod  
 doctis viris exhibuit. Adeoque Vilnæ cum Serenissima  
 sorore Anna Catharina Constantia, Nuntio Apostolico,  
 & pluribus Senatoribus, Academiam ingressus, Do-  
 ctissimum virum, scriptisque libris famosissimum,  
 Mathiam Casimirum Sarbievium, Societatis Jesu,  
 publice*

publice pro Doctorali Laurea assumptem, audit. Dum vero insignia doctoralia ei conferuntur, ipse Rex, anulum digito suo detrahit, & Laureæ ipsius Doctorali inserit. Hunc honorem docto uni exhibitum ad omnes pertinere. Reges & Imperatores varij adducuntur, qui litteris & litteratis honorem exhibuere, neminem autem ad favorem hujus Regis pervenisse. Sperandum vigorem litterarum tanto Patrono & fautore; quibus fatum imminere frustra aliqui doluerunt. Tandem Sapientibus, aureo seculo, Regibus, Vladislaus comparatur.

**M**Ore Imperatoribus Regibusque Magnis inveteratum est, nonnunquam è loco in locum, ex Provincia in Provinciam, ex aula in aulam migrare. Ita veteres Romani Imperatores Romæ sæpius, Mediolani sæpe, aliquando etiã, Alpes transgressi, Treveris commorabantur. Ita Persarum Reges, & Sufis, & Persepoli, & in Babylone, & in Ecbatanis, certis temporibus anni versabantur. Carolus Magnus, præ aliis Galliæ locis, Ingelhemium ubi natus erat, Aquisgranum ubi mortuus est, & Noviomagum ad Vahalim frequentabat. Moderni Galliæ Reges, præter Lutetiam Parisiorum, S. Germani, & Fontisbellaquæi delicias amant. Polonia Reges nonnunquam aulam suam Cracoviam

Monarcha sæpe  
aulas suas trans-  
ferunt.



viam, Warfaviam, & Vilnam transferunt. Et moderni Cæsares Posonium, Pragam, Lintzium, & Viennam, per otium & occasionem, migrant.

*Rationes* *quare.* Fecerunt autem & faciunt hoc magni Imperatores Regesque non sine ratione. Præterquam enim quod subinde novitatibus animum, à maximis Imperij curis reficiant, suadent etiam prudentissimi viri propter utilitatem. Hinc Suetonius, *De Cæsar. ut vitato assiduitatis fastidio, auctoritatem absentia tueare:* quæ dubio procul jugi præsentia minueretur. *Lib. 35.* Quippe *continuus aspectus* (ut Livij verbis utar) *minus verendos magnos homines ipsa satietate facit.* Addit Politicorum Princeps Cornelius Tacitus, *Lib. 1. Annal.* quia *et Majestati major ex longinquo reverentia est.* Aliud etiam inde emolumentum, non Principum quidem, sed subditorum emergit: quos præsentia Principum (præsertim si boni sunt) instar solis recreat afficitque. Quemadmodum enim clarissimum hoc diei Sidus, quocunq; radiis suis pertingit, & serenitatem, calorem, & vigorem, & fertilitatem inducit; ita Principes, Imperiorum Regnorumque suorum Soles, quemcunque iocum, præsentia sua lustrarint, & lætitia, & vigore, & observantia legum, et, nunquam sine fructu, aureæ pacis felicitate beant. Tolluntur Magnatum, semper in subditorum perniciem, discordiæ: redeunt

in gratiam inimici: eradicantur dissidiorum fibre: dirimuntur partium longa pertinacia fotæ lites: et, velut aureo Mercurii thyrso, in complexum mutuum serpentes provocantur. Verbo. Ita Provinciam, quamcunque ingrediuntur, præsentia sua bonis omnibus satiant nutriuntq; sicut *oculus Domini saginat equum*.

Hos magnos itaq; Imperatores Regesq; Vladislaus Rex imitatus, propter novissimam potissimum rationem, Waravia Vilnam proficisci decrevit, ut, cum subditos, ab omni bellorum metu liberatos, innumeris aureæ pacis commodis locupletasset, nunc per otium præsentia suæ emolumentis bearet. Itaque, cum post inducias cum Suecia factas Borussia & alia Polonia loca peragrasset, & aliquo jam tempore in Mazovia Waraviâ habitasset, An. 1636. cum Serenissima sorore Anna Catharina Constantia, & Senatorib<sup>9</sup> variis, Vilnam in Lithuaniam quoq; profectus est: et, victis longinqui itineris difficultatibus, post aliquot tandem septimanas, feliciter appulit. Quomodo autem à Magna illa Magni illius Ducatus Metropoli exceptus fuerit: quibus cæremoniis introductus: quibus arcubus triumphalibus honoratus: quibus deniq; orationibus salutatus, quoniam ad alias, extra Polonia Regnum, nationes fama sparsit, super sedeo

*Vladislaus  
Rex Vilnam se  
consert.*

dicere, & me ad illa accingo potissimum, quæ oculis totius Mundi, & æternitate dignissima, ibi Vladislaus gessit.

*Ej9 amor  
erga lit-  
teras.* Inter omnia alia autem nihil præclarius, ad exemplum Principum hujus ævi efficacius, & honorem eruditorum virorum luculentius fuit, quàm quod liberalibus disciplinis exhibuit, & ostendit æque sese Musarum, quam Martis & Bellonæ, consortio delectari: immo post arma & pacem, nihil adeo, quam litteras & viros litteratos amare. Habebat in familia sua continuo, præter alios viros doctissimos, Matthiam Casimirum Sarbievium, virum divinis humanisque litteris docendis versatissimum, Poësi vero ita eminentem, ut & à summo Pontifice Urbano VIII. Laureâ donatus fuerit, & à toto terrarum Orbe, non suppar tantum Horatio, sed par, & superior etiam, passim judicaretur. Adeo profecto, superstes licet adhuc, invidiam omnem supergressus, ut in Gymnasiis quoque opera ejus, publicè juventuti prælegerentur. Hunc è Societate Jesu (ex qua & Illustrissimæ familiæ virum, quæ varios Senatores, & quasi Reipublicæ fulcra, Regno genuit, Stanislaum Pstrokonski, doctrina, scientia, & sacrarum litterarum peritia singularem, Confessarium habet) Vladislaus Rex in Concionatorem suum legit. Hanc enim Socie-  
tatem,



tatem, sicut plerique Christiani Principes, ob doctrinam, vitam inculpatam, & fidei promovendæ Zelum, arcte complectitur. Licet multi ex vulgo viri, livore magis & differentia vitæ quam ratione ducti, nonnunquam minus candide traducant. Sed recte Seneca: *Quis potest placere populo, cui placet virtus? Malis artibus popularis favor quæritur: similem te illis facias oportet. Non probabunt, nisi cognoverint. Multo autem ad rem magis pertinet, qualis tibi videaris, quam qualis aliis. Conciliari nisi turpi ratione amor turpium non potest.* Cæterum [ut ad rem revertar] Vladislaus Rex, hunc doctissimum virum, jam antea, ut dixi, in concionatorem suum legerat, cum & integerrimæ vitæ, & ejusmodi comperisset, qui salutaria potius quam placita propinaret, & cui conscientiam & animæ suæ salutem tuto concrederet. Secutus in hoc consilium Sapiens Latini. *Eligamus non eos, inquit, qui verba magna celeritate præcipiant, & communes locos volvunt, & in privato circulantur: sed eos qui vita docent, qui, cum dixerint, quid faciendum sit, probant faciendo: qui docent quid vitandum sit, nec unquam in eo, quod fugiendum dixerint, deprehenduntur. Eum elige adiutorem, quem magis admireris cum videris, quam cum audieris.*

Cum ergo hunc prudentissimus Rex sibi in

*Annulum  
digito suo  
detrahit.  
& Lau-  
rea Do-  
ctorali p.  
Sarbievij  
inserit  
Anno  
1636.  
3. Non:  
Iul.*

Patrem quodammodo adoptasset, & profundam  
ejus doctrinam quotidie magis & magis adverte-  
ret, virum tot gentium linguis celebratum, & à  
Summo Pontifice Laurea jam ante donatum,  
Summa Sacrosanctæ Theologiæ Laurea pariter  
exornandum duxit; ne minus quam Pontifex &  
terrarum Orbis, Concionatorem suum facere vi-  
deretur. Quid ergo? Ipse Rex ad fastigium illud  
virum dignissimum exhortatus est, non ausum  
Regi suo in regio. hoc favore. resistere. Sed rem  
ipsam ex monumento gratæ testificationis, super  
hac ipsa re, ab eloquentissimo viro P. Johanne  
Rywocki, in eadem Academia Vilsnensi Sacræ  
Scripturæ Professore Ordinario, qui Cæremoniæ  
huic interfuit, audiamus. *Sublatis omni ex parte  
hostibus, & Regno ad sensum pacis composito, cepit  
Vladislaus IV. Poloniae & Sueciæ Rex invictissimus  
pacis commoda suarum felicitati terrarum impertiri.  
Non minima inter ceteras curas fuit industria, qua se  
liberalibus disciplinis impendit: quas certū est efflore-  
scere magis, cum viri eruditi ad estimationem cæteris  
porriguntur. Pervenit hæc quoque dignatio ad Vil-  
nensem Societatis Jesu Academiam; quam ut tanto  
amplius eveheret, Reverendum Patrem Matthiam  
Casimirum Sarbievium è Societate Jesu, Concionato-  
rem suum, ac Theologum, virum diu in docendis divi-*

*nishu.*

nis humanisque litteris versatum, & libris impressis Orbi notissimum, Laurea Theologica exornavit. Adjuncta de causa 3. Non: Jul: Anno 1636. sacram D. Johannis adem, principem Academiae locum; & sublimi solio effultus, se ac Serenissima sorore Anna Catharina Constantia præsente, celebritatem de more peragi voluit. Aderat & Illustrissimus ac Reverendissimus Dominus D. Marius Philonardus Archiepiscopus Avenionensis, in hoc amplissimo Regno Nuncius Apostolicus, & magna Illustrissimorum Senatorum ac Procerum corona. Ibi primum à Magistratu Academico insigne Universitatis ad pedes S. R. Majestatis depositum est, in signum subjectionis: jussu deinde Regionutu erigi, in testimonium concessæ approbatæque literariæ potestatis. Disputatum tandem à Doctoribus, & usitata candidatis specimina præmissa. Postquam eventum est, ut Promotor Reverendus Pater Jacobus Lachonski Societatis Jesu in Lithuania Præpositus Provincialis, insignia Laureæ Theologicæ conferret, Serenissimus Rex Annulum suo digito detraxit: quem per illustris ac Admodum Reverendus Dominus Johannes Gembicki in Regno Poloniae Cancellaria Majoris tunc Regens, eleganti, & fida favoris Regij interprete oratione porrexit, ut hoc singulari, non tantum munere, sed & Privilegio Reverendus Pater Candidatus inter Doctores transiret.

Eximia



Eximia hæc dignatio Vladislai Regis fuit: quæ uni Sarbievio quidem exhibita, in totum genus litteratorum transiit. Quippe *quando unum quem-  
 Constans Imp: piam honore afficio, de universis bene promereor. Nul-  
 Or: de lum namq; beneficium cum ratione & iudicio datum,  
 Them: illius tantum fit, qui id accipit; sed omnibus in univer-  
 sum, tanquam præmium similium laborum proponitur.*  
 Verumenimvero non potuisset prudentissimus Rex meliori Symbolo amorem suum erga litte-  
 ras declarare; adeo ut hac parte omnium Impe-  
 ratorum Regumque, in simili causa, munificen-  
 tiam vicerit. Licet enim Alexander Magnus A-  
 ristoteli centena aliquot talenta donarit: licet Sci-  
 pio Africanus tam elegans liberalium studiorum  
 omnisq; doctrinæ & admirator & fautor fuerit, ut  
 Polybium Panætiumq; præcellentes ingenio  
 viros, domi militiæq; secum haberet, & quotidia-  
 nis muneribus locupletaret: licet Pompeius Ma-  
 gnus, hac quoq; parte se ipso non minor, à Mi-  
 thridatico bello reversus, Rhodis fasces in audi-  
 torium submissos intulerit, Philosophos disse-  
 rentes audiverit, singulis talentum dederit, &  
 Theophanum Mitylenæum, quem secum sem-  
 per habebat, in publica militum concione Civi-  
 tate donarit: licet Augustus Horatium prædiis,  
 villis, servis ditaverit; immo & Vespasianus, An-  
 toninus

roninus Pius, Alexander Severus, Caracalla, & Diocletianus, quamvis partim avari, partim impii pessimique, in hac tamen parte liberales fuerint: licet denique, ex recentioribus, Carolus Quintus & Sigismundus Imperatores, Doctorum eximii fautores extiterint, quos Nobilibus quoque præferrent; tamen nullus eorum, hanc Inviçtissim Vladislai Regis erga litteras dignationem æquavit. Adjudicent enim alii præferentiam loci, quam tamē alii, in litteras & litteratos obliqui, superbe rapiant. Alii Civitate Romana donent, qua tot centena millia sceleratorum fruebantur. Alii etiā, dextera in pecuniæ thesaurum mersa, talenta annumerent, quorum centena etiam indignis projiciebant. At hic paulo ante Moschorum triumphator, Turcarum victor, Tartarorum cōcisor, Suecorum & hostium suorum terror, è pulvere bellico ad Academicum transiens,

*Edita doctrinæ Sapientum templa serena,*

Vladislaus ingreditur, Serenissimam Sororem Annam Catharinam Constantiam, & tot Senatores Proceresque secum trahens; ut quod exhibiturus erga litteras beneficium erat, & exemplum æterna memoria dignum, latius spargetur, & omnis eruditionis reverentiam Reipublicæ universæ incuteret. Quid amplius? Inter Do-

ctores sedet, qui paulo ante fortunæ casibus, & hostibus suis immerfus, adversariorum latera fodiebat. Disputationes, argumenta, Sylogismos, & docta Sophismata audit, qui, à bello recens, armorum strepitu, tormentorum fragoribus, à pertis præliis, & Stratagematibus, à juventute assueverat. Et tandem non talenta, aut alia his similia, quibus avaritiam irritaret, obtulit: sed annulum (quem nonnulli coronam cordis, quod venarum ad cor ipsum excurrentium capita in digito coronet, nominavere) articulo manus detrahit, ut Sapientiam diademate cingeret. Digitos Regios spoliavit; ut eruditissimi viri condecoraret. Ornatum levæ minuit, ut Doctorum numerus augeretur. Merito ergo Augusto Vladislaus Augustior, & Magnis, Alexandro & Pompeio, major: qui tot gradibus altius, in litteris cohonestandis, ascendit, quot annis posterior venit.

In vanum itaq; nunc interitum mihi litteris illi minati videntur: quas jam vibrari, sicut corpora instante morbo: jam temporum malitia, aut ferocia meliores illas omnes mitioresq; Musas à nobis abire dixerunt. Vivunt, vigent, & vigeunt literæ, quam diu potentissimi & invictissimi Reges, in pretio illas habentes, tam illu-

stri-



stribus signis venerabuntur: quam diu Principes manu, quæ sceptrâ tenent, membranas non dedignabuntur; & Majestate, qua Regna & Imperia moderantur, eruditionem & eruditos fovebunt: Verbo: quam diu Vladislai erunt. Siquidû.

*Sint Mæcenates, deerunt non Flacce Marones.*

In exemplum se modo posteris, & Regibus terrarû Orbis, Vladislaus posuit: nec deerunt, ut spero, qui imitentur, qui eruditione manu teneant, si uberes doctrinæ fructus volunt; qui indubie, ad summam Regnorum felicitatem, sub hisce talibusque patronis, jugitur germinabunt maturescuntq; Sentit & experitur fortunata tanto Rege Polonia: quo præeunte, ad omnis eruditionis adita, felicissime sequitur; adeo ut plurimis & doctissimis modo viris abundet, quibus nescio an aliquod Europæ Regnum pares habeat.

Jam vero reliqua, quæ ex tanti Regis præsentia, prudentia, & dispositione orta, in Lithuania & in Sarmatia omni porro fuerunt, facile quilibet judicaverit, qui Sapientissimorum Regum Imperia cōsideraverit. Prorsus eadē enim fuerunt, & prorsus idem Vladislaus fuit, quod aureo seculo Reges, cum Philosophi imperarent. Hi (ut Posidonius apud Senecam ait) *continebant manus, & in-* Epist. 99.  
*firmiores à potentioribus tuebantur, suadebant dissua-*  
Cc 2 debant.

debantque, & utilia atque inutilia monstrabant. Horum providentia ne quid deesset suis providebat. Fortitudo arcebat pericula, beneficentia augebat ornabatque subiectos, officium erat imperare, non Regnum. Nemo quantum posset adversus eos experiebatur, per quos ceperat posse. Nec erat cuiquam aut animus in injuriam, aut causa; cum bene imperanti bene pareretur. Eadem hoc Sapientissimo Rege Sarmatiæ facies, idem Vladislaus Sarmatiæ suæ Rex: qui quidem, quam diu vixerit (utinam ad Nestoreos annos) aurei seculi felicitas in Sarmatia perse-

verabitur.



CA-

## CAPVT SECVNDVM.

## ARGUMENTVM.

Connubium VLADISLAI IV. & Serenissimæ Reginæ Cæcilie Renatæ Austriacæ: Huius coronatio, & Principis Sigismundi Casimiri Nativitas.

## SUMMARIUM.

*Vladislaus IV. per Ossolinum Principem, Ferdinandi II. consensu privatim impetrato, & obtenta dispensatione à Summo Pontifice, Principem Johannem Casimirum, Respublica Polona vero; Johannem Lipski Culmensensem Episcopum, & Comitem Casparum Dönhoffium Palatinum Siradiensem, Viennam mittunt. Horum solennis ingressus Viennam, & Culmensis Episcopi ad Ferdinandum Tertium Oratio, qua Cæciliam Renatam Austriacam Vladislao IV. Poloniarum & Sueciæ Regi in connubium solenniter deposcit: Eiusdem Oratio, qua Cæciliam Renatam Austriacam, jam designatam Vladislai Regis Sponsam, & Poloniarum Reginam, eiusdem Regis nomine salutat. Archidux Claudia Oeniponto Viennam venit: qua excepta, Serenissima Sponsa Cæcilia Renata Austriaca, Johanni Casimiro Principi, Vladislai IV. Personam*  
*Cc 3 repræ-*



representanti, solenniter copulatur. Imperatrix Vidua, ex Styria Viennam venit: qua ab omnibus salutata & valedicta, Serenissima Sponsa, Archiduce Claudia, Principe Casimiro, Georgio Traschowicio Jaurinensi Episcopo, & Reipublicæ Polonæ Legatis, comitantibus, in Poloniam proficiscitur: in cuius primis limitibus à Magnatibus Polonis excepta, maxima solennitate, Cracoviâ primo, inde Warsawiam ingreditur. De novo Vladislao Regi solenniter copulata, in Poloniarum Reginâ coronatur; & sumptuosissima spectacula, à Vladislao Rege, in hujus solennitatis honorem, instituuntur. Tandem, omnibus rara munificentia Regaliter à Vladislao Rege donatis, Serenissima Archidux Claudia ad Imperatorem, & Qenipontum reuertitur. Interim Regina Cæcilia Renata concipit, & Principem Sigismundum Casimirum feliciter enititur: Hic solenniter baptizatur, & votum longæ vitæ Regiæ.

**U**Num porro adhuc ad solidam Poloniæ felicitatem deerat, digna tanto, tanti Regis, fastigio Coniunx, quæ in consortem dignitatis assumpta, Augustam deinde Prole Regia stiparet Dominum; cuius beneficio, cum jam, quo ad naturalia, vivere Vladislaus desisset, in multa porro secula superesset, immo etiam, si ita visum Superis, imperaret. Itaque cum is Vladislaus Orbi, & is Vladislao

Rex Vladislaus Cæciliâ Renatâ Austriacâ in comubiū respicit.

dislao Orbis esset, ut Regio suo thoro dignissimam,  
 è pluribus dignis, posse legere videretur, non ali-  
 bi tamen, quam in Augustissima Domo Austriaca,  
 individuum vitæ sociam quærendam censuit. Ad  
 hanc non affectu aut cognatione tantum, sed ra-  
 tionibus variis validisq; tractus. Et primo quidem,  
 propter avitæ Catholicæ Religionis studium, utriq;  
 Domui Cæsareæ & Regali communē. Deinde, quia  
 omni exceptione nobilissima totius Orbis, felix  
 Imperatorum Monarcharumque, ultra Solis. Ocea-  
 nique vias quodammodo imperantium, procrea-  
 trix. Denique, ob mutua Romani Imperii & Polo-  
 næ Reipublicæ fœdera, amicitiam, vicinitatem:  
 quæ hoc matrimonio firmitus stabilirentur. Est  
 enim, simul cum Regibus, Regnorum quoddam  
 connubium, quod una cum matrimonij vinculo  
 coalescit. Et amaverunt hanc mutuam, ab anti-  
 quo, vicina sibi Imperia, conjunctionem, crebris  
 Principum Regumque connubiis confirmari. Sic  
 Austriacas, Elisabetham Casimiri III. Elisabetham  
 alteram & Catharinā Sigismundi Augusti, Annam  
 & Constantiam Sigismundi III. summo utriusq;  
 Reipublicæ cū applausu, Poloniæ Reginas legim⁹.

Hos Reges secutus Vladislaus IV. qui ex his, *Hanc, per*  
 non minori utriusque Imperii cum assensu & vo- *Offolimiū*  
 luptate, Serenissimam Cæciliam Renatam Au- *Principē,*  
*a Ferdi-*  
 stria-

nando II. *Striacam*, Ferdinandi II. filiam, Ferdinandi III. *privatim* Romanorum Imperatoris sororem, propriam, *impetrat* consobrinam suam respexit. Itaque Anno 1636. *Anno* Georgio Ossolinio Principi, suo ad Serenissimū Electorale Collegium (tunc Ratisponæ solenniter congregatum) Legato, inter cætera quoque, ut Cæciliam Renatam Austriacam, sibi in thori Regniq. Consortem, *privatim* à Patre Ferdinando II. peteret, commisit. Et tunc quidem Ferdinandus II. non parum sibi congratulatus quod in fatali sua debilitate, tamen ante mortem adhuc, Vladislaum Generum suum cognovisset, prudenter assensit.

Oberat unum autem cognati sanguinis impedimentum, quo, ob solidas rationes, Apostolica dispensatione remoto, ad ipsa matrimonij vincula, Anno Christi 1637. palam processum. Et à Serenissimo Rege Vladislao quidem Casimirus Princeps, à Republica Polona vero Johannes à Lipie Lipski, tunc quidem Culmenensis & Pomesaniæ Episcopus, nunc autem Gnesnensis Archiepiscopus, Primas Regni, vir eloquentissimus, & purissima latinitate prorsus Lipsius, & Comes Casparus Dönhoffius, Palatinus Siradiensis, Illustrissimorum Comitum, Magni Ernesti Dönhoffij Palatini Parnaviensis, & Gerhardi Dönhoffij, Regii



Regii Mariæburgensis Oeconomi, Capitanei Cof-  
ferinensis & fortissimi Belli Ducis Germanus Fra-  
ter; ita jam olim Sigismundo Regi charus, ut ulti-  
ma, morientis Regis, gratiæ signa, non ore, non lin-  
gua, nec labris, sed, quod alibi inauditum, ejus-  
dem Monarchæ manu perciperet, Viennam de-  
stinabantur.

Hic ergo Casimirus Princeps, cum duobus  
illis Poloniæ Regni Legatis, nobilissimo & nume-  
rosissimo duorū millium comitatu stipatus, War-  
savia Viennam profectus est. Quam deinde, post-  
quam in arce Wolkerstorffiana, diebus aliquot,  
longinqui itineris nauseam, quiete decoxisset,  
Anno 1637. 26. Julij, Legatis Regni una aut altera  
die præcedentibus, Regio splendore ingressus est.  
Antequam tamen Urbem ingrederetur, Archidux  
Leopoldus, rheda in occursum properans, officio-  
sissime salutavit. Ac deinde in rhedam suam Prin-  
cipem Casimirum acceptum, in arcem novam de-  
duxit: Reipublicæ vero Polonæ Legatis, Eggen-  
bergianum Palatium commorationi assignatum.  
Quibus diebus aliquot cum Viennensi Episcopo,  
Comite Trautmanstorffio, & Domino Priggel-  
maiero, circa dotalia tractanda occupatis, Sere-  
nissimam Archiducem Claudiam interim, quæ  
Reginam Sponsam, honoris gratia, in Poloniam

Dd

comi-

Hanc in-  
grediuntur  
An. 1637  
26. Julij.

comitaretur, Oeniponto Viennam invitare placuit. Et hæc, licet tunc temporis obsidione Brisaci non parum commoveretur, tamen affectum in Augustissimam Domum Austriacam, & Cæciliam Renatam, potiore ostendit. Quippe, Serenissimæ Proli valedicens, trecentis suorum, assumptis, secundo Anaso Danubioq; descendit.

*Cæciliam Renatam in connubio Vladislao IV. à Ferdinando III. solemniter petiit.* Interim autem dum Claudia Archidux navigat, et, quo ad dotalia, facile deputati convenissent, Reipublicæ Polonæ Legati, ad aulam Cæsaris, die ultima Julij, se contulerunt. Quorum unus Johannes à Lipie Lipski Culmenensis & Pomesaniæ Episcopus, nomine Regis & totius Reipublicæ Polonæ, hac oratione gravissima, Cæciliam Renatam, à Sacratissimo Imperatore Ferdinando III. Vladislao Regi in connubium, Polonia vero in Reginam, rara quadam facundia, deposcebat.

*Pertinebat, Invictissime Imperator, ad novi Imperij auspicia, & Christiani Orbis vota, atq; auguria, ut Vladislaus Rex, post debellatos hostes, & tranquillas Provincias, in Imperatricem Domum parta trophæa secum inferret; & victricibus armis in hoc Augusto sacrario suspensis, Regalem Manipulum, candidis tenens, in opimam publici otij frugem fasciaret. Extimuerat nimirum Orbis, post receptum Cælo Divum*

Cum Progenitorem Ferdinandum, novi Imperij au-  
 spicia, dum videbāre, Augustissime Cæsar, ex Impe-  
 rialibus Coronis ferream primum induisse, à vincente  
 ferro Imperium auspicatus; nī cognatus Rex, ferrea  
 auspicia in aurea vertisset, & Septentrionalis Mars,  
 post belli fulmina, auream pacem, & latum hymenæ-  
 um Orbi, bellis fesso, prætonare cæpisset, Viennæ Pro-  
 cus, Coloniae Pacificator. Nova ergo omnia, nova au-  
 guria Orbi ferimus, dum, inter bellorum Classica, E-  
 pithalamium apud novum Imperatorem, Magni Re-  
 gis Pronubi præcinimus, à quo depulsis procellis disse-  
 renare jam in optatam malaciam incipiat, & ferrea  
 secula aurescere. Quid nī hoc jam sperare liceat?  
 Quando Mars ipse Orbi ad pacem pronubit, & Bello-  
 nam apud alterum Martem ambit, non arcum, sed  
 Organa tractantem, ad præcinendum Cælo & Orbi,  
 Cæcilianam harmoniam: Quæ cum per Septentrionem  
 nostrum dudum suave insonuisset, Martij Regis vo-  
 ta, hætenus per Orbem vaga, & multis ambita, in-  
 primam Orbis Domum pellexit; Cælo, & fati novo-  
 rum seculorum texturam ordientibus. Sed præter hæc  
 fausta Orbis auguria, Tuum hoc etiam, Maxime Im-  
 perator, sempiternum erit decus, quod tui Imperij pri-  
 ma salutatrix fuerit victoria, salutator Victor Rex, nō  
 vota modo, sed victoriam de se, in Victricem ferens  
 Domum, ut plenum Majestas vestra haberet gloriæ



titulum, initio Imperij & hostes, & Amicos vicisse.  
 Obsecundare etiam Rex Frater volebat, non publicis  
 tantum votis, & augurijs: verum etiam Tuæ Maje-  
 statis & Augustæ Domûs genio, quod & illi antea pri-  
 ma Hungaricæ, & Bohemicæ Coronæ auspicia, à vi-  
 ctoria, & nuptiis obtigissent; & huic, tanquam supra  
 rerum humanarû sortem fastigiata, ipsæ etiam mortes  
 Imperia, Victorias, Connubia parturire soleant, ut ne-  
 que modo aliam jacturam, aliam orbitatem sentiat,  
 quam quod Divus Ferdinandus Pater mortalis esse  
 deserit, quando statim Filius pro eo imperare, ac vin-  
 cere, Filia in Reginam à Magno Rege, & Regno am-  
 biri, ac novi Nepotes ad capeffenda Paterna, æ vitæ  
 sceptrâ nasci cæperint: tanquam in hac Domo nihil non  
 immortale sit, præter mortales. Quod ergò Cælum,  
 quod vota & auguria publica, quod Imperij Maje-  
 stis vestræ auspicia, & Imperatricis hujus, ac Nostræ Re-  
 gnatricis Domûs, æterna fata destinabant: id Nos so-  
 lenni istâ Legatione exequimur, vota & preces Sere-  
 nissimi Regis nostri in Fraternali Majestatis vestræ  
 sinum reverenter deponentes, quibus Serenissimam  
 Principem Cæciliam Renatam, Majestatis vestræ So-  
 rorem, in Sacrum Connubium deposcit. Conspirare vére  
 diu in hoc Conjugium sanctissima destinata Cæli, peren-  
 nia Orbis Sarmatici fata, Præcerum Consilia, Vota Po-  
 pulorum, Religio, Sanguis, Vicinitas: atque ut omnia  
 ista

ista conspiravisse, haud ambigendum sit, ad Vota Regis  
hic demum sistenda, quæ per Principes Domos magis  
ambitus, quam ambiens circumtulit; ita Nostri Comi-  
tij, atq; adeo Regni Universi Consilia, & Vota huc in-  
cubuisse satis documenti est, dum petimus, quod ipsi  
cum universa Patrum Curia suasimus. Adeo quid Or-  
bi, quid Imperio Majestatis Vestræ portendat nuptu-  
riens in Martia Domo Mars, etsi alienorum omnium  
incuriosi esse vellemus, nostrorum securi sumus, dum  
res & exempla pro augurijs habemus, nempe Elisabe-  
thas, Annas, Constantias, Augusta Reginarum nostra-  
rum nomina, quas Rex, quas nos ipsi, istarum Nuptia-  
rum Auspices, ac fidas paranympbas habuimus, mox  
in Renata Regina nobis renascituras. Hinc haud mi-  
rum, si post Reginas, quas nobis Austria dedit, quatuor  
Regibus Matres (quarum vel sola Vladislai Regis  
Mater satis adhæc vota invitamenti haberet) prona  
in Reginam hinc ambiendam, & Senatûs Consilia, &  
Ordinum studia, securis omnibus, nec Cælum fallere,  
posse, nec fatorum industriam aberrare; quorum hoc  
perenne quoddam arcanum est, in hac Domo alijs Re-  
ges, nobis Reginas nasci, utpotè, quibus non alibi, quam  
in liberis pectoribus, Reges nascentur. Quin nec Re-  
gine, nisi quod jam diu in Augusta hac Domo faustissi-  
mum Reginarum nostrarum Nidum, Cælum, & Sæ-  
cula posuissent, gratæ & mutuæ redhibitioni pro Cym-

*barcā nostrā obsecundantibus fati, tanquam vel pro  
 hac ipsa Imperatoris Austriaci Matre, jure hinc pe-  
 tamus Regum Nostrorum Matres, quas lubens & gra-  
 ta dabit hæc Domus nobis, mox etiamnum datura No-  
 vam Novis Sigismundis & Vladislais Matrem, quos  
 Filia & Sorores Imperatorū nobis parere consueſſent;  
 datura, inquam, habituris quo, si Superis placet, tan-  
 ti pignoris officium pensemus. Verum quæcūq; fuere  
 & Serenissimo Regi, & Nobis ipsis, præsentis Voti &  
 Consilij suscipiendi invitamenta: eadem etiamnum  
 sunt, solenni prece & officio maturandi, privatis fulta  
 Regiæ Domus rationibus, ob casum geminatorū nuper  
 funerū, orbitatem, magnā Orbis jacturā, formidantis.  
 Propriopræterea genio, optimus & sapientissimus Rex,  
 diu ferebatur in cognatam & Maternam Domum,  
 Cæli Alumnam, Orbis Gemmam, Religionis Altricem,  
 Impietatis Domitricem, gloriæ Nidum, Virtutis Pro-  
 creatricem, Caesarum Matrem, Imperij Conservatri-  
 cem. Proinde ex hac Ille sibi Thori, Sceptriq; Sociam,  
 Nos Reginam deposcimus: & à Majestate Vestra, uti  
 Domus & Imperij Præsides, petimus. Annuit his vo-  
 tis, procul dubio, Cælum; annuit è Cælo Divus Fer-  
 dinandus Pater, quia hinc Superstes annuerat; annuit  
 ipse Orbis, latus talibus augurijs se novo Imperio, al-  
 me paci, aureo sæculo, inaugurari. Reliquum est, ut,  
 cum Majestas quoque vestra annuisset, solennioribus  
 pactis,*



pactis, & sanctissimo fœdere rem velit maturari; celsuram, adspirante supremo Numine, in Magnum Orbis, & Imperij Christiani Emolumentum, Religionis præsidium, ac utriusque Domus decus & solatium. Tui vero inprimis, Augustissime Cæsar, Imperij lætam faustitatem, ad quam fortunatissimus Rex præit Nuptiali omine, in partem fausti auspicii ipse veniens, sanguine Frater, fœdere Socius, Connubio Affinis, ut accessura magna novo Imperio fulcra, certius omnibus auguriis sit, cum accedit Magnus, Potens, Bellicosus Rex, uno verbo dicam, Vladislaus.

Post triduum deinde, cum Sacratissimi Imperatoris voluntas in consensum prudentissime <sup>Cæciliam</sup> defuisset, ab eo, ad Cæciliam Renatam, tanquam <sup>Renatam</sup> jam Vladislai Regis Domini sui Sponsam, & suam, <sup>Vladislai</sup> & Poloniarum designatam Reginam, converſi, <sup>nomine</sup> <sup>salutant.</sup> 3. Aug. idem qui primo Culmenſis & Pomeſaniæ Episcopus, Vladislai Regis nomine, hac Oratione Latina ( quia non inelegantius eadem lingua, quam vernacula, Cæcilia Renata loquitur ) salutavit.

Venimus salutatum Majestatem Vestram, à Serenissimo & Potentissimo Principe Vladislao IV. Poloniae & Sueciæ Rege, Domino Nostro Clementissimo. Venimus, inquam; sed non jam tantum à Fratre ad carissimam Sororem: ast à Rege ad Reginam, à Sponſo ad desideratam Sponsam. Novum hoc ſcimus & insolens

solens in auribus Angelicis Majestatis Vestrae salutationis genus; sed diu Cælo, & fatis decretum, votis publicis concupitum, Divo Progenitori, & Augustissimo Fratri placitum, Supremo Sacrorum Præsidi ratum. Itaque non exaggerabimus magnitudinem Regij affectus, cum quo amantissimæ salutationis, atq; precationis officium Majestati Vestrae per Nos impertit. Nempe superat officiosa vota ipsum Fratris & Sponsi nomen, præcipui humane caritatis nexus: qui Regium quoque pectus eo affectu Majestati Vestrae devinxere, ut nihil in eo voti, nihil studij resideat, quod non totum amor Majestatis Vestrae mancipet. Sed quanquam Serenissimus Rex eum affectum erga Majestatem Vestram, in fraterno pectore aleret, quem tam propinquus sanguis excitavit; non is tamen illi ad vota præsentis Conjugij paranympum egit; sed inclytum genus, sublimes dotes, eximie virtutes, quæ in amorem Majestatis Vestrae Regem raperent, etsi Frater non esset. Quin hoc ipsum, ut liberè more nostro fateamur, quia Frater erat, vota hæc morabatur; ne aut leges Sacras posthabuisse, aut affectui fraterno, in legenda thori Regni que Sociâ, indulgisse videretur. Verum postquam Cælum, & Suprema ejus in terris potestas, Religioni Catholicæ, publicæ saluti, ac Regiæ Domui prospiciendum isto Conjugio censuit: statim hic optimus & sapientissimus Rex stitit vota, per Principes Domus haud ingra-

ingratis hospitibus oberrantia, ac eadem in sinum utri-  
 usque Imperatoris, Ferdinandi Avunculi, & Fratris  
 deposuit; ijsque demum Sanctissimo fœdere maturan-  
 dis, & Majest: Vest: ad Reginale Solium, ac Diadema  
 deducendæ, nos huc ablegavit. Ferimus in primis Ma-  
 jestati Vestræ à Rege nostro, non fraterni modò atque  
 Connubialis affectus, verum etiam grati, & obligati  
 animi officium, pro eâ voluntate, quâ Majestas Vestra  
 Divino cum primis, Paternoque & Fraternali placito,  
 tum flagrantibus Regis, & Regni nostri votis, ac rei  
 Catholicæ, publicæq; obsecundat. Ferimus deinde An-  
 plissimi Senatûs nostri, cujus pars sumus, suffragia,  
 ceterorumq; Ordinum studia, unâ voce Majest: Vest:  
 Regi in Sponsam, Regno in Reginam, sibi in Dominam  
 deposcentium. Neq; nobis opus est tam concordis in  
 Majest: Vest: consensûs publici causas memorare; aut  
 Augustum genus, præcipuum connubiorum decus, ad-  
 struere; quando satis dictum foret, Te Neptem, Fili-  
 am, Sororem, esse Imperatorum. Verum enim verò com-  
 mune hoc Regi nostro cum Majestate Vestra decus, ex  
 eadem Augusta Domo, ex quâ Tu Paternum, Mater-  
 num ducenti genus, Tibi ipsi, Imperialis Virgo, Tuisq;  
 Angelicis moribus, Tuis Regijs virtutibus, Tuis Au-  
 gustissimis dotibus acceptum ferre debes, Te à Magno  
 Rege, & Regno ambitam, à pleno Comitio lectam, à  
 tota Sarmatia concupitam, votis, suffragijs, vocibus  
 Ec . . . publi-



publicis, Reginam inauguratam. Namque videmus in Te, non otioso titulo Renate nomen Cœlitus sortitâ, renatas nobis Elisabethas, Annas, Constantias, virva sanctitatis simulacra, rara fœcunditatis exempla, quæ nobis non Reges modo, sed & Sanctos genuerunt, & per quas modo habemus unde Nostra Regina esses. Ibit ergo Majestas Vestra ad Regem Fratrem, & Sponsum, Unicum humani generis delictum, multis invidiosè ambitum, consensura thorum, soliumque Regale, Tuis Aviabus, & Materteris feliciter præsessum. Ibit ad Regnum, Gentemque, etsi omnium liberrimam, tamen reverentiùs ceteris Regnis, ac populis, Reges, Reginasq; suas tractare solitam, & in cuius sinu, ex Tua Avia natus Rex, se tuto obdormiscere posse, erat hic quondam coram Regibus gloriatus. Secure & Tu, Domina, in liberis & fidi pectoribus nostris depones dignitatem, & fortunas Tuas omnes; & liberè à curiâ, Comitioque nostro Regi lecta, & ceteris omnibus in Orbe præhabita, dignius promptiusque libero apud nos obsequio coleris, quam alibi debito. Quin, fidenter dicam, securiorem apud nos esse Sceptri Regiam prolem, ubi libertas Parens Regum, quam ubi Reges. Nulla certe vidit ætas posthabitu ibi Regum sanguinem, quoad in utroque superesset sexu, quin vel ultra Alpes, & maria, ad Sceptra quæreretur. Non erit, si Superis placeat, infeliciores eo nomine, amor & delicta nostræ Vladislaus Rex, Avibus & Progenitoribus suis Vladislais.

Casi-

*Casimiris, Sigismundis: neque Cæcilia Regina, Elisabethis, & Annis, quæ, quot filios, tot Reges nobis ediderunt, nisi, qui cum Superis regnare maluerunt. Superest modo, ut quod vovemus, speramusque, has Nuptias ita secundet, fecundetque summus illarum, auspex Deus, ut in longam Magnorum Regum seriem sobolescant, & renatos ex Renata Nostra & posthuma sæcula videant, Vladislaos, & Sigismundos, Patrem heroicâ & bellicâ virtute, Matrem Religioso Superum cultu, nobis, & Orbi referentes.*

Interim autem dum hæc apud Imperatorem, & Serenissimam Cæciliam Renatam, æmula Ciceronis eloquentia, Reipublicæ Polonæ Legati ex-  
 pediunt, jam Archidux Claudia, cum, ob continuam pluviam, Ottingii biduo moram traxisset, tandem 6. August. prono Danubio Viennam applicuit. Cujus adventu nuntiato, Imperator Ferdinandus III. Serenissimis, Cæcilia Renata, Archiduce Leopoldo, Principe Johanne Casimiro, & Reipublicæ Polonæ Legatis comitatus, quinquaginta rhedis Danubij ripam occupavit, Archiducem Claudiam, quatuordecim navibus descendentem, excepturus. Ut primum ergo Archiducis navis applicuit, Imperator, relicta terra, in eandem navim descendens, cum Serenissimis aliis, humanissime salutavit. Ipsam deinde Archiducem, cum Sorore Cæcilia Renata, in currum suum

Archidux  
 Claudia  
 Viennam  
 venit 6.  
 August.

accipiens, comitantibus Archiduce, Principe Casimiro, ut & Reipublicæ Polonæ Legatis, in Palatium Imperiale reversus est.

*Vladislai  
IV. & Cæ-  
cilia Re-  
nata Au-  
straciæ  
duciaria  
nuptiæ  
2. Aug.*

Et jam ad summam rei nihil deerat nisi copulatio ipsa: cum qua, omnibus hucusque feliciter expeditis, cunctari diutius inutile visum. Itaque, quod felix faustumque, 9. Augusti: tempore pomeridiano, comitantibus Ducibus Comitibusque Viennæ presentibus, regali prorsus magnificentia, ad templum Augustinianorum transitum est. Ibi omnibus ad hanc solennitatem jam antea præparatis, Princeps Johannes Casimirus, veste indutus Phrygia, Vladislai Regem in hoc matrimoniali actu repræsentans, & Serenissima Sponsa, Cæcilia Renata Austriaca, designata Poloniarum Suæciæq; Regina, vestem pariter induta Phrygiam, ad altare accedebant. Et pertinebat quidem copulatio de jure ad Viennensem Episcopum, sed, ad instantiam Johannis Lipski, tunc Culmensis & Pomesaniæ Episcopi, pro ea vice, juri suo cessit. Quare Culmensis Episcopus, prævia oratione Latina, eadem linguâ, Cæciliam Renatam, Latine pariter in hac solennitate semper & elegantissime respondentem, Casimiro Principi, personam Poloniæ Regis repræsentanti, solenniter junxit. Quo facto, omnia in circuitu Viennæ tormenta, ter in lætitiæ & congratulationis signum, detonuere. Inde musica,

sua



suavissimo vocum instrumentorumque lenocinio aures mulcens, successit. Qua finita, **VIVAT VLADISLAUS REX**, diversis vicibus ingemmatum. Et ita quidem solennitate consummata, eadem regia magnificentia, in arcem regrediebantur. Ibi mensa in aula equitum præparata erat: in cujus capite Imperator Ferdinandus III. à dextris Principem Johannem Casimirum, tanquam Sponsum, accipiens, sedit. A latere autem Casimiri Principis Serenissima Sponsa, post hanc Johannes Lipski Culmenensis & Pomesaniæ Episcopus. A sinistris autem Imperatoris, Serenissima Archidux Claudia, Archidux Leopoldus, & Comes Casparus Dönhoff Palatinus Siradiensis, confedere. Bibitæ, post paululum, sanitates, & cantati, ad hanc solennitatem compositi versus, Musicæ harmoniæ subjecti.

Dum ita dies hæc sponsalitia solennitate trans-  
igitur, altera mox insequenti, Vidua Imperatrix *Vidua Im-*  
Ferdinandi II. Cæciliæ Renatæ Poloniarum Regi- *peratrix*  
næ Mater, ex Styria, ob inassuetum & noxium va- *Ferdin. II.*  
letudini suæ ærem, Viennam venit; ita adguber- *Viennam*  
nantibus Superis, ut filiæ Cæciliæ Renatæ, Maximi *10. Aug.*  
modo Regis dignissimæ Sponsa, amplissimi Polo-  
niæ Regni Magnæ Reginæ, antequam Vienna di-  
scederet, præsentia frueretur, et, suprema forte

Ec 3 libans

*Vidua* *Inde*

peratrix

Ferdin. II.

Viennam  
namit

10. And

1012

libans oscula, ultimum, præsens, vale diceret: Cæcilia vero Renata, facie Serenissimæ Parentis beata, nullius porro videndi, nisi unius Serenissimi Sponsi, desiderio teneretur.

*Sponsa Poloniam versus discedit 12 August.* Itaque, peracto ab omnibus salutationis pariter & valedictionis officio, Vienna tandem, cum Regina Sponsa, Poloniam versus discessum est, quos Imperator Ferdinandus III. ultra Wolkerstorffium, honoris gratia, deducebat. Dietrichstenius Princeps usq; ad ipsos Poloniæ fines: Georgius Traschowicius autem Jaurinensis Episcopus, ut omnibus ubiq; Reginam Sponsam latine salutantibus, ejus nomine responderet, jussu Cæsareo, Warsaviam usq; comitabatur.

*In Polonia limitibus, nomine Regis extipitur. 24 August.* Simulac vero, relictis Imperij Romani limitibus, in Polonicos fines concessere, ecce vastissimum, in patenti viridique campo, tentorium apparebat: cui cum appropinquarent, Jacobus Zadzick Cracoviensis Episcopus, & Georgius Ossolinski S. R. Imper: Princeps Sendomiriensis Palatinus, quinquaginta rhedis & curribus, & sex hastatorum Sclopetariorumq; turmis, obviam processerunt. Ita Regina Sponsa, inter duos Episcopos Cracoviensem & Culmensensem media, in tentorium deducebatur. Ibi, Regis Vladislai nomine, Sponsa, à Cracoviensi Episcopo, Oratione Latina: à Castella-

stellana vero Voinicensi Matre Palatini Cracoviensis, summe gravitatis & prudentiæ Vidua, Polonicè salutabatur. Et Cracoviensi quidem Episcopo Jaurinensis Episcopus, Matronæ vero Castellanus Siradinensis, Reginae Sponsæ nomine, respondebant. Princeps Ossolinius etiam tunc Palatinus Sandomiriensis, Archiducem Claudiam Italice salutavit, cui ipsa Claudia Archidux, eadem lingua respondit. Inde, quoniam S. Bartholomæi festum erat, ab eodem Cracoviensi Episcopo Sacrificium Missæ solenniter inchoatum. Quo finito, Johannes Casimirus Princeps, rhedam ex toto propemodum deauratam, Reginae Sponsæ præsentavit. Novissime utriusq; nationis Magnates Regie pasti, invicem valedixerunt. Quicquid enim, excepta Archiduce Claudia & Jaurinensi Episcopo, Germanicum erat, Viennam revertebatur: quicquid Polonicum, partim ad propria se recipiebat, partim cum Regina Sponsa perseverabat.

Ut Tertia die Cracoviam attigere, ecce alius honor: Occurrebat iterum Cracoviensis Episcopus <sup>A Cracoviensibus</sup> majori nobilium numero comitatus, & Regina <sup>magna</sup> Sponsa privato nomine salutata, ad Urbem <sup>pompa excipitur.</sup> ducebat. Cui cum propius Sponsa appropinquaret, sedecim cohortes civium, in miram magnificentiae speciem exornatæ, obviam gradiebantur.

Quæ,



Quæ, Serenissimæ Sponsæ propinquiore, in tres partes, prout in tria diversa Oppida Urbs Cracoviensis distincta est, se divisere: quarum Magistratus singuli, Oratione latina, Reginam Sponsam excipiebant. Mercatores præcipui, Attalici tegumentis unius coloris omnes superbi, centum quinquaginta numero, in equis, ut plurimum Turcicis & Arabicis, occurrebant: quos totidem famuli, in equis pariter & unius coloris vestitu, sequebantur. Prope S. Florianum Academicus Magistratus, Reginam Sponsam, Oratione Latina, salutabat. Inde Civitatem ipsam Regina Sponsa ingrediebatur. Ibi duobus Arcubus triumphalibus, Turcicæ, Moscoviticæ, Tartaricæ, aliæq; Victoriæ Regis, repræsentabantur. Hos arcu triumphales cū Cæcilia Renata transiret, miro quodā artificio, Aquila alba Coronam Genio tradidit: qui ad Sponsam descendens, eandem ei, cum Sceptro, in rheda obtulit, & mox, uno quasi momento, omnium oculis sese subduxit. Prope Metropolitanam Ecclesiam, Clerus in Pontificalibus occurrebat; cuius Præpositus, Reginam Sponsam oratione Latina salutans, ad chorum introduxit. Tum Episcopus SS. Ambrosij & Augustini hymnum solenniter inchoavit: quo suavissima mulica absoluto, cum Sancti Stanislaw reuquias Sponsa oscularetur, ter omnia

omnia in circuitu Urbis tormenta detonuere. A templo ad Regiam itum est: cujus primos gradus Sponsa attingente, à Premisliensi Episcopo, & Lithuanie Thesaurario, Regis Sponsi nomine, salutabatur. Quibus, sicut alias semper, Sponsæ nomine, Jaurinensis Episcopus, pari facundia, respondebat. Et jam crepusculum vespertinum erat, quo, in confinio lucis & tenebrarum, ad cænam, regia magnificentia præparatam, Serenissimæ hospites se conferebant: sed major curiositas flammæ fusilium, & ignium festivorum plerosque, quam refectionis cupido invaserat. Duas columnas Cracovienses extruxerant, super quas insignia & nomina quædam, è nitrato pulvere, miro artificio fabricata erant. Quibus incensis, nihil ilico nisi flammæ & ignes; ita artificiose facti, ut integræ horæ spatio, inter hæc martialia tela, incorrupta tamen insignia & nomina perseverarent: quæ deinde, quasi momento temporis, in flammam & fumum evanuerunt. Novissime Castellum ingeniosissima manu erigebatur, ex quo ignes fusiles, in concurrentiū acierum speciem, hinc & illinc emicabant. Interim tibiæ & tympana, alternantibus, è viginti mortariis, Bellonæ tonitruis, resonabant.

Hisce similibusq; spectaculis, in quartam

Ff

usq;

*Pintcho-* usq; diem Cracoviæ recreati, coactis iterum in ar-  
*via à Mar-* ma civibus, ulterius processere. Ubi Pintcho-  
*chione* viam ventum, Marchio Gonzaga, Miskovius no-  
*Gonzaga* mine, ex Mantuæ Marchionibus ortus, adeoq;  
*splendide* postquam illa familia Nivernicæ Domui sese mi-  
*tractatur* scuit, & Serenissimorū Ducū, Juliæ, Cliviæ, Mon-  
*8. Sept.* tium, cognatus, ejus loci Dominus, ducentis No-  
 bilibus Comitatus, in foro obviam equitavit;  
 quem duo vexilla peditum, Burgrabio Duce, se-  
 quebantur. Peracto ibi à Marchione salutationis  
 officio, Reginam Sponsam, cum omni comitatu,  
 qui duorum millium & quingentorum erat, in  
 Palatium suum introduxit. Qua cataractas por-  
 tarum subeunte, tormenta in vicino monte di-  
 sposita, in lætitiæ Symbolum, ter flammæ vomu-  
 ere. Ut est autem Marchio ille in omnes humani-  
 tatis eximia, ita Reginam Sponsam, cum ingenti  
 illo comitatu, & prandio, & cœna, Regium in-  
 morem præparatis, refecit. Post cœnam, choreis  
 magna pars noctis impensa est.

Tandem, cum in loco, Ilfcha dicto, Vladislaus  
*Vladis-* Rex, paucis comitatus, hora circiter media no-  
*via à Prin-* ctis, Reginam Sponsam, 8. Sept. primum saluta-  
*cipibus* set, medio à Warfavia milliari, Uiasdoviam (in-  
*Carole* gens Palatium est, recreationi Poloniæ Regum  
*Anna Cō-* serviens) 10. Sept. pervenere. Ibi Princeps Caro-  
*stantia* lus  
*excipitur*  
 10. Sept.



lus Ferdinandus, cum Sorore Principe Anna Constantia, Reginam Sponsam, & Archiducem Claudiam, excipiebat. Cum vero prandio accumbere jam jam sese accingerent, Vladislaus Rex supervenit. Qui, Sponsam & Archiducem, Claudiam, salutans, manuque ducens, inter illas medius confedit, sed mox, peracto prandio, Warsaviam sese recepit.

Interim omnia ad solenne ingressum præparabantur. Quibus, maximo cum sumptu, in effectum tandem deductis, 12. Septemb: absoluto prandio, Varmienfis Episcopus, & Ossolinus Princeps Sandomiriensis Palatinus, ad hoc à Vladislao Rege deputati, Reginam Sponsam, ad ingressum & Regiam invitavere. Qua humanissime acquiescente, Princeps Carolus Ferdinandus in rhedam suam Reginam Sponsam, cum Archiduce Claudia, accepit. Quibus honoratiore loco collocatis, ipse cum Sorore Anna Constantia, eidem, è regione insedit. Erant autem duo tentoria, Regali prorsus magnificentia, in aperto campo erecta, circa quæ tria hastatorum & Heidonum milia, tum tredecim vexilla civium, denique quingenti nobiles, in equis Turcicis & Attalicis vestibus omnes, in unam aciem conglobati stabant. In priori autem tentorio, Vladislaus Rex, cum

Principe Johanne Casimiro, & quibusdam Episcopis, Reginam Sponsam præstolabatur. Cui ad Regem ingredienti, Præmisliensis Episcopus, idem, ut opinor, qui & nunc Magnus Cancellarius Regni Petrus Gembicki, Sac. R. Majestatis nomine, felicem adventum, Oratione Latina, congratulabatur. Cui, Reginae Sponsæ nomine, Jaurinensis Episcopus, ut alias semper, respondebat. Quibus finitis, Rex, Ducibus, Palatinis, & Senatoribus variis comitatus, ad tentorium vicinius Urbi, Reginam Sponsam manu duxit. Ibi, dum Serenissima Sponsa, à Magnatibus variis, & Illustrioribus Virginibus terræ, saluatur, rheda, pro Regina Sponsa noviter facta, ad os tentorii, nutu Regio, advehebatur. Hæc pretiosissima erat, adeo etiam, ut quicquid ferrum esse consueverat, argentum esset: intorsum veste Phrygia, extrorsum holoserico rubro tecta. Quæ octo equis generosissimis Turcicis, coloribus in miram pulchritudinem variegatis, trahebatur. Ad hanc cum Regina Sponsa à Rege Sponso duceretur, jam acies in cohortes turmasque soluta, solennem ingressum auspicabatur. Præcedebant rheda vacuæ circiter triginta, quas quinque Heidonum vexilla sequebantur. Post hæc Archiepiscopus in rheda vehebatur, cujus verticem, in rheda

rheda pariter, Lubelski Capitaneus Warsaviensis clauderat. Inde vexillum unum Heidonum ibat, cujus vestigia à viginti alatis equitibus premebantur. Vehebatur in rheda, post hos, Matthias Lubinski Plocensis Episcopus, quem quatuordecim vexilla peditum sequebantur: hæc autem, ab insequentibus Regis Heidonibus, sexiga distinguebat. Heidones autem, qui sequebantur, Regii, trecenti sexaginta numero, sub uno vexillo omnes, galeis ferreisq; thoracibus severioris militiæ mores referebant. Prætoriani equites quingenti porro sequebantur, quos viginti quatuor tibicines præcedebant. Inde Dn. Gostomski turma equitum, et, post hanc, Martini Kazanovii Polonici Generalis, hastati, magnifice induti, & alati omnes, equitabant; quorum terga centum quinquaginta, tum Poloni, tum Germani Nobiles, in generosissimis equis Turcicis premebant. Omnia autem hæc equitum peditumque vexilla, circiter quatuor millium militum, novis unius coloris vestibus, ad hoc à Vladislao Rege donatis, singula distinguebantur. Quin imo & plerisq; Nobilibus, & Officialibus suis, regia prorsus munificentia, Vladislaus Rex, holosericas & Attalicas vestes dederat. Adeò ut hi militares ordines, mira voluptate, intuentium oculos recrearent. Itaque, ut ad



propositum revertamur, post hosce centum quinquaginta Nobiles, Duces, Principes, Palatini, Legati externorū Principū, ut & Ragotzii Transylvaniæ Ducis, & Maraschalci sequebantur. Tandem ipse Valdislaus Rex, albo Caballo generosissimo, in eundē modū, quo octo equi illi generosissimi, qui Reginae Sponsæ rhedam pretiosissimam trahebant, coloribus variegato, inter Principem Johannem Casimirum jam Cæsariæ Majestatis Legatum, & Sigismundum Marchionem Brandenburgicum, Brandenburgici Electoris consanguineum & Legatum, medius vehebatur. Vestis illius adeo adamantibus erat referta, ut tota adamantina quodammodo videretur: cui lenocinium ornatus equi, adamantibus pariter auroque refulgens, conferebat. Eos autē generositatis radios corporis sui Majestate spargebat, ut melius pingere veteres Martem non potuisse viderentur. Immediate post Regem, Regina Sponsa, illā pretiosissimā rhedā, octo equis vehebatur: cui à sinistris iterum, Claudia Archidux, è regione Serenissimi Principes, Carolus Ferdinandus & Anna Constantia. Erant autem, prope Warsaviense suburbium, quadraginta tormenta & mortaria bellica, in ordinem rite disposita; quæ, postquam Regina Sponsa rhedā suā transferat, in congratulationis & lætitiæ signum,

signum, detonuere. Inde quinquaginta sexigis  
Reginæ Sponsæ, Archiducis Claudæ, & Principis  
Annæ Constantiæ, gynecæum vehebatur: cujus  
tergum & agmen ultimum, Civium Warsavien-  
sium tredecim vexilla claudebant.

In Cracoviensi suburbio Arcus duo trium- Arcus tri-  
umphales  
& Car-  
mina.  
phales erecti erant, in quibus, præter picturas ar-  
tificiosissimas, S. Cæcilia de super, organum pul-  
sans, structa erat; infra quā Musici absolutissimi  
abditæ, Cæciliā Renatā Sponsa transeunte, sua-  
vissimā vocum instrumentorumque harmonia,  
æmulā Cælo suavitate, mulcebant aures. Portam  
ipsam Warsaviensem Reginā Sponsā subeunte,  
hisce, in Arcu triumphali, versibus salutabatur.

*Affusam Regina tibi circumspice turbam,  
quaque venis gaude vix reperire viam.*

*Plebis amor tantas tibi convocat Urbe catervas,  
quo tibi clausa magis semita, aperta foret.*

Inde.

*Has aperit Regina tibi Warsavia portas.*

*Lata patent Domina mœnia, corda magis.*

Ab alia parte, hi versus, legebantur.

*Docta Themis, jucunda Charis, formosa Dione,*

*Juno, Minerva, Dice, Flora, Diana, Ceres,*

*Queritis unde Lecho nostro sint Orbe renata?*

*Suscitat innumeras, una Renata, Deas.*

Inde,

Inde.

*Annon perpetuos scepro dabit illa Nepotes,  
 quæ, quâ luce fuit nata, Renata fuit?*  
 Propius arcem Regiam subvectis, in Arcubus tri-  
 umphalibus, alia disticha se offerebant: & ab u-  
 na quidem parte.

*Arboreas, hospes, portas ne despice: Lechus  
 intus habet muros, lignea tecta foris.*

Inde.

*Festinis ne nocte moras Regina quadrigis,  
 si populi spectes gaudia, sero venis.*

Ab altera parte:

*Augustus cum tu Rex Vladislac voceris,  
 September nobis Cæcilianus erit.*

Inde.

*Robur, opes, animos, Aquilo conjunxit & Auster,  
 quisquis in alterutrum corripis arma cave.*  
 Sed & ad ipsam Regiam, à latere dextero, sequen-  
 tia legebantur.

*Cæcilie Renatæ,  
 Luci Austrie,  
 Imperatorie Domus Sideri,  
 felici Sospitatrici,  
 Regine,  
 Conjugi fortunatissimæ.*

S. P. Q. Varsavi.

P. P.

A fini.



A sinistro latere autem inscribitur.

VLADISL AO. IV.

Moscovitico, Turcico, Scythico,

pio, felici, victori.

Terrori Orientis,

Occidentis spei.

Conjugi fortunatissimo,

S. P. Q. Varsav.

P. P.

Novissime pro sanitate Serenissimorum Conjugum, Senatus Populusque Varsaviensis, in alio Arcu Triumphali, desuperstantibus Divorum Poloniae, Austriae, Sueciaeque; statuis, ab uno latere, ita vovebat.

Divi Divaque,

Poloniae & Austriae,

Indagetes:

CÆCILIAM RENATAM AUSTRIAM,

Poloniae Sueciaeque Reginam,

diu Regi,

diu Regno,

diu Urbi huic,

incolumem

Velitis, impetretis.

ita vovemus

S. P. Q. Varsav.

Gg

Ab

Ab altero latere, in eodem Arcu,

Divi Divaeque

Poloniae & Sueciae,

Præsides & tutelares,

VLADISLAI IV. faventes,

Et secundi bello,

Et pace adsitis.

Diu Caelum virtutem ejus terris

Commodet, diu ipsum exspectet:

Dum Orientem laurea,

Occidentem Olivâ præcingat.

Ita velitis, oretis,

ad votum.

S. P. Q. Varsav:

Regis &  
Reginae  
solennis  
& novae  
copulatio

Inter hos Musarum plausus, & Varsaviae vota, ad templum S. Johannis ventum est: quod cum Serenissimi, cum Magnatibus terræ, subiissent, clausis, ob ingruentis multitudinem vulgi, ostiis, à Posnaniensi Episcopo, qui cum Clero extra chorum obviam illis processerat, Regina Sponsa, Oratione Latina, salutabatur: cui cum, more solito, Jaurinensis Episcopus responderet, jam Gnesnensis Archiepiscopus, Primas Regni, Johannes Wezyck, Pontificalibus suis indutus, ad ea, quæ porro ad matrimonii vinculum necessaria videbantur, se accingebat: et, præviâ Oratione

tionē Latinā, Vladislaum IV. Poloniæ Sueciæ-  
que Regem, Cæciliæ Renatæ Austriacæ, solenni-  
ter de novo conjunxit. Inde, *Te Deum Lauda-*  
*mus*, Musica exquisitissima, inchoatum: quo ab-  
soluto, duo millia Sclopetariorum, ad hoc desti-  
natorum, in congratulationis & lætitiæ signum,  
explosionibus applausere. Ita felicissime per-  
actā hanc solennitate, à templo in Regiam, eadem  
pompā Serenissimi ducebantur; ubi soli tantum,  
eā vesperā, cœnam sumpsere.

Alterā die, ad Cæciliæ Renatæ coronatio-  
nem processum est. Et tunc quidem tota via, *Cæcilia*  
à Regiæ gradibus, ad templum S. Johannis usq; *Renata*  
mille pedes longa, decem lata, asseribus sterne- *Austria-*  
batur: qui rubro deinde panno, pretioso satis, *ca, in Po-*  
vestiebantur. Ubi ergo Vladislaus Rex, è Regia *lonia Re-*  
sua descendit, Palatini & Senatores Regni, vesti- *ginā, Co-*  
*ronatur.*  
bus pretiosissimis omnes induti, terni & terni in  
ordine, hanc viā Regem præcedebant. Inde Rex,  
inter Johannem Casimirum Principem, Cæsariæ  
Majestatis Legatum, & Legatum Daniæ Regis,  
medius, inæstimabilis pretii veste indutus, seque-  
batur. Immediatè post Regem Cæcilia Renata,  
à Principe Carolo Ferdinando, Hispaniarum Re-  
gis personam repræsentante, & tunc Culmensi  
Episcopo Johanne Lipski, ducebatur. Archidu-

13. Sept.



cem Claudiam, Ragotzy Transylvaniæ Ducis Legatus; Principem vero Annam Constantiam, Comes Casparus Dönhoffius, Palatinus Siradiensis, ducebat. Novissime, longo ordine, Serenissimarum, Regina, Archiducis Claudiæ, & Principis Annæ Constantiæ, gynecæum sequebatur. Quæ passim magnificentia vestium fuerit, non facile dictum est. Hoc autem à viris fide dignissimis, qui præsentés fuerunt, accepi, ad aliquot auri milliones accessisse. Tota aula Regia, tum & Serenissimorum Principum, Johannis Casimiri, Caroli Ferdinandi, & Annæ Constantiæ, aulici, à Pedibus quoque, Tibicines, & centum numero Regii stipatores, in novis iterum omnes vestibus, auro argentoque prætextis, comparuere. Ut in Ecclesiam ventum est, Vladislaus Rex, in Sacristiam se contulit, et, mutatis ibi vestibus, Sceptrum manu premens, & corona redimitus tempora, in locum suum reversus, Regaliter sub Majestate confedit. Regina vero, ad summum altare se contulit; ubi scamnum, pro ea, holoserico rubro tectum erat, cum pulvinari. Ad hoc cum accessisset, Gnesnensis Archiepiscopus, Orationes & Hymnos, in hoc actu recitari solitos, ordiebatur. Quibus absolutis, Regina, more consueto, aliquamdiu supina jacuit. Novissime sublevata,

levata, & ad Sacristiam ducta, mutatis ibi vestibus, majori magnificentia ad altare rediit: cui, solitis cum Cæremoniis, Gnesnensis Archiepiscopus, reginali Sceptro manum implevit, & Polonici Regni diademate caput cinxit. Dum ita Cæcilia Renata Austriaca, in Poloniæ Reginam coronata, se ad locum, sibi preparatū sub Majestate, conferret, SS. Ambrosii & Augustini Hymnus solleanni Musicā inchoabatur. Quo absoluto, Serenissimi, Rex & Regina, coronati, eodem ordine, & eadem, per asseres rubro panno tectos, viâ, in Regiam perrexere. Cum aliquot vero passibus à templo processissent, duo aulici, ad hoc à Rege deputati, aurea argenteaq; numismata, usque in ipsam Regiam, in confertum vulgus sparserunt.

Ad Regiam autem cum pervenissent, Musici tribus Regiæ portis abditi, gratissimo modulamine animos recreabant. Simulac vero Regiæ suæ Majestates, relictis asseribus, gradus ascendere, ruber ille, mille trecentarum facile ulnarum, pannus, ab anhelante vulgo in partes lacerabatur. Miraculo simile visum, quod, cum eodem quoque tempore aurea argenteaque numismata largius spargerentur, ex invida compressione nemo mortuus, imo ne læsus, quidem fuerit: Cæterum ubi suæ Majestates, deposito diademate, Sceptro, Or-

natuque Regali, ad mensam se contulere, Vladislaus Rex in capite ejusdem confedit; cujus dexteram Johannes Casimirus Princeps, ut Cæsariæ Majestatis Legatus, Legatus Daniæ Regis, Sigismundus Marchio Brandenburgicus, & Ragorzij Transylvaniæ Principis Legatus: sinistram Poloniæ Sueciæque Regina, Cæcilia Renata Austriaca, Claudia Archidux, Princeps Anna Constantia, & Princeps Carolus Ferdinandus, occupavere. In alterius mensæ demissioris capite, quinque Episcopi confedere. Quibus ad dexteram, Principes, Palatini, Castellani, Capitanei sive Gubernatores, & Secretarii Regii Sanctiores; à sinistris, Principes foeminæ, & Serenissimarum, Regina, Archiducis Claudiæ, & Principis Annæ Constantiæ, gynæceum erat. Post hæc choreæ in multam noctem.

*Rex, Serenissimi Principes, Serenatores, Officiales, & Civitates Polonica, Regiam munerebus honorant.*

Inde, primâ post coronationem die, Vladislaus Rex, Reginae suæ, centum viginti millia coronatorum donavit: secunda idem Rex, cum Serenissimis Principibus, Johanne Casimiro, Carolo Ferdinando, Anna Constantia, & Principum externorum Legatis, Reginae munera obtulit. Quâ & eadem die, Princeps Anna Constantia, Balletum, ut vocant, per duodecim è gynæceo suo virginēs, veste partim Phrygia, partim Attalica candida indutas, exhibuit; quod, præter doctum ad chorea.



choreales numeros alterno pede gressum, miro <sup>Balletum</sup>  
 quodam artificio, subita mutatio loci in Paradi- <sup>Principis</sup>  
 sum, arboribus rivisque jucundum, unde duode- <sup>Anna Cō-</sup>  
 cim illæ Virgines egrediebantur, & inopinata, post <sup>stantia.</sup>  
 choreas, in priorem statū translatio, cōmendabat. <sup>15. Sept</sup>  
 Tertiā, Episcopi, Palatini, Castellani, & Senato-  
 res alii, septuaginta aurea, & argentea vasa, Re-  
 ginā obtulerunt, tantæ magnitudinis aliqua, ut ro-  
 bustissimi viri portando fatigarentur. Quartā,  
 præcipuæ totius Sarmatiæ Civitates & Officiales,  
 oblationibus suis, Reginam honoraverunt. Ingens  
 & sumptuosissimum ea die spectaculum, accitis  
 Gedano & aliis Urbibus ad hoc artificibus variis,  
 Vladislaus Rex instituerat: quod tamen, infor- <sup>Sumptuo-</sup>  
 tunio aliquo, ad propositum Regis non desuit. Ca- <sup>sisimum</sup>  
 stellum, duodecim columnis fultum, erigi jusse- <sup>spectacu-</sup>  
 rat, in cuius quatuor angulis, quatuor ætates anni, <sup>lum casis</sup>  
 Ver, Æstas, Authumnus, & Hyems, è nitrato pul- <sup>corrum-</sup>  
 vere factæ, conspiciebantur. Desuper Mars, equi- <sup>pitur.</sup>  
 tibus comitatus, eminebat: qui à quatuor elemen- <sup>17. Sept.</sup>  
 tis, è nitrato pulvere similiter factis, ab omni late-  
 re cingebatur. Inerant Castello ipsi, ignes fusiles  
 varii, & ex ipsis fenestris mortaria, & alia inventa  
 Mavortia, prospiciebant. Ad hanc artificiosissi-  
 mam machinam, cum, crepusculo vespertino,  
 procederetur, ejusartis Magistri, rhomphæâ bis  
 acutâ,

acutâ, & nitrato pulvere farta, fusilium flammâ-  
rum in morem, aliquanto tempore prælusere. Inde  
ad Castellum ipsum processum: cuius summita-  
tem, duo præcipui ejus rei artifices, ad directio-  
nem operis, ascendebant. Quibus ignem appli-  
cantibus, nescio quo casu, scintilla decidit, & ad  
pulverem incendiarium, in imâ Castelli parte col-  
locatum, penetravit; adeoque, quod à summo de-  
bebat, ab imo incendium cæpit; & spatium horæ  
corruit, quod in mediam usque noctem oble-  
ctare debuerat. Artificum, qui in summitate Ca-  
stelli stabant, alter incolumis & sanus evasit, alter  
adustus, Perilli instar, invento proprio torqueba-  
tur. Quatuor tamen adhuc Ætates Anni, & E-  
lementa quatuor, artificium spectatoribus aliqua-  
liter ostendebant. Quintâ, à coronatione, die, tres  
præcipuæ Regalis Borussia Civitates, Gedanum,  
Elbinga, Thorunnum, Serenissimæ Reginae mu-  
nera obtulerunt. Quâ eâdem die, à Serenissimis,  
Vistula navigata: applaudentibus interim tormen-  
tis bellicis, & flammis fusilibus in aërem missis.

*Specta-  
cula va-  
ria sequen-  
tibus die-  
bus.*

Sequentes deinde aliquot dies, choreis Sarmati-  
carû Virginum, hastifragiis Germanorû Nobiliû,  
Urforum, Taurorum, Molossorumque invicem  
commissionibus, & spectaculis variis, à Rege, in  
hujus solennitatis gratiam, exhibitis, consumpti  
fue-

fuerunt. Nullis ad hæc sumptibus & pecuniis parcebatur: nec aliquid ab ullo, quod ad magnificentiam plaufumque conduceret, Vladislao Regi infinuatum, quod non regaliter in effectum deduceret.

Inter omnia autem Spectacula, ultimis diebus solennitatis, à Rege exhibita, hoc potissimum admirationem meruit. Structum à mille viris & amplius, in aula Regia, versatile Theatrum erat, eo artificio, ut in formas quasunque, momento temporis, variaretur. Inprimis, velatâ diei luce, accensisque candelis, tota aula in noctis speciem variabatur. Tum, verso Theatro, jucundissimi Paradisi species comparuit: cujus rivi & arbores, mirificè oblectantes, cum in stuporem oculos & animos intuentium raperent, subito Paradisus in Civitatem pulcherrimam, fontibus, foris, & plateis distinctam, vertebatur; quæ mox, successivè, in fornices, scopulos, & saxa; inde in fluvios, mare liberum, sinus & freta, & novissime in Infernum desit. Hujus aspectu in horrorem omnibus alteratis, iterum momento temporis, è tenebris, & è nocte dies, nubes & Cælum, Cœlestis gloria, campique Elisii visebantur. Quibus inopinatò rursus oculis subductis, lætissimum ver apparuit, germinante terra, & pullulantibus rosis. Successit

*Tragico-  
media de  
S. Cæcilia, in  
theatro  
miri artificio, exhibetur.  
23. Sept.*



Æstas, imbres secum, fulgura, tonitrua, & aridas  
ferenitates, repræsentans. Authumnus inde & Vir-  
demia figurabatur: quæ in canam Hyemem, fri-  
gora, glaciem, nivem, gradines, ventos, & tempe-  
states, mox desinebat. His omnibus demum in  
profundas valles, altos Montes, & opaca nemora,  
successivè transformatis, sua theatro facies rediit:  
et, sublatis velis, homines subito luci redditi; ita  
variarum rerum speciebus in stuporem acti, quasi  
illusionibus falsi fuissent. Hoc autem omnes, etiam  
illi, qui plerasque Europæ Regiones peragrârant,  
fatebantur, nullibi aut industria, aut artificio, si-  
mile se spectavisse. Inter hæc, in eodem Theatro,  
Tragicomædia, S. Cæcilie vitam martyriumque  
repræsentans, à S. R. Majestatis Musicis, Italicè  
exhibebatur, eo vestium splendore & magnificen-  
tia, eâ personarum agentium agilitate, quæ trans-  
figurationibus illis intermediis corresponderet.

Hisce similibusque spectaculis quatuordecim  
diebus consumptis, ad propria quilibet anhelaba-  
bat. Itaque Vladislaus Rex, ut cum gaudio, qui  
Poloniarum Reginam Cæciliam Renatam, Vien-  
nâ comitati fuerant, in Austriam reverterentur,  
omnes, pro qualitate cujusque, Regiâ munificen-  
tiâ prosecutus est; ita quoque singulis largitus, ut  
ne vilissimus quidem Agazo transiretur. Et quam  
copio-

copiosè donârit, ex hoc eluceat, quod fabro  
ferrario Viennensi civi, curiositatis gratia Var-  
saviâ comitato, sciens volensque, sexaginta Ta-  
leros annumerari jusserit. Ne esset nimirum, qui  
ditior non rediret, & singularis Regiæ munificen-  
tiæ fama, jam olim Orbi nota, per Urbes & Regna  
iterum proficisceretur; nec minus universus Mun-  
dus munificentiam ejus, quâ passim liberalissimus  
Regum audiebat, quam virtutes bellicas & tro-  
phæa loqueretur.

Sed & Serenissima Archidux Claudia, quo  
esset crebrior memoria sui, Aulicos Regios, & *Archidu-  
cis Clau-*  
Serenissimarum, Reginæ, & Principis Annæ Con-*dia libe-*  
stantiæ, gynecæum, muneribus liberalissime pro-*valitas &*  
sequuta est. Cui deinde Viennam iterum & Oe-*in Austri-*  
nipontum versus proficiscenti, Vladislaus Rex, *am redi-*  
cum tota Domo Regia, sex Varsaviâ milliaribus, *tus. 26.*  
ad Stanislaum Radzieiowski, Palatinum Lenci-  
ciensem, honoris gratia comitem sese junxit. Ibi,  
cœnâ absolutâ, Primus choreas Rex inchoavit:  
quæ in multam deinde noctem, maximâ omnium  
cum recreatione, trahebantur. Tandem, sequen-  
tis diei mane, cœptum Serenissima Claudia Ar-  
chidux prosequeretur iter; quam Serenissimi,  
Rex, Regina, Principes, Johannes Casimirus,  
Anna Constantia, & Carolus Ferdinandus,  
Hf 2 ad

ad medium circiter adhuc milliare, ulterius deducebant. Tum, mixtis invicem complexibus, valedicentes, in diversa viarum avulsi, Vladislaus Rex, Serenissimis, Reginâ, Anna Constantia, & Carolo Ferdinando, Principibus, Comitatus, Varfaviam rediit: Claudia autem Archidux, Austriam versus, iter promovit. Quam Johannes Casimirus Princeps, quinque milliaribus ultra, Ravam usq;, Comes autem Casparus Dönhoffius, Palatinus Siradiensis, cum Illustrissima conjuge sua & filia, ad usque Romani Imperii fines, iussu Regio, prosequiebantur. Quæ deinde, postquam Eberstorffii cum Sacratissimo Imperatore Ferdinando III. de solennibus Varfaviæ omnibus, contulisset, incolumis, cum toto comitatu suo, Oenipontum reversa est.

Interim Sarmatia paulatim, supremam matrimonii felicitatem anhelans, Divinam clementiam precibus quotidianis sollicitabat, ut, cum Regem Conjuge, Reginâ Poloniam benedixisset, illum prole, hanc novis Principibus beare dignaretur. Audivere tandem Superi vota, & populi adorantis affectum liberaliter adimplerunt Quippe Regina Cæcilia Renata, Anno, post Christum natum, 1640. 1. Aprilis, crepusculo matutino, hora quarta & octo minutis, (ut Lucas Grzymalla,

utri-

*Principis Sigismundi Casimiri  
nativitas  
An. 1640  
1. April.*



utriusq; juris, historiarum, & Mathematices peritissimus, sedulo observavit) prolem masculam feliciter enixa est. Quantis, ô, tum Polonia gaudiis exultabat! Congratulabantur Serenissimis Genitoribus Primates, & natum modo Principem, inclyti jam Sueciæ Regni hæredem, in maximi Poloniae Regni lactandi spem, suum velut olim futurum Regem, tacitâ animorum concordia venerabantur. Itaque Serenissimi Parentes, cum Polonia tota, largitori bonorum omnium, grates offerunt, reboatque, inter festivos ignes, in sparsis per Regnum Ecclesiis, immixtum chelis & Cymbalis, *Te Deum Laudamus.*

Decima quinta deinde Aprilis, hora duodecima, è Regia, ad baptismum, Christiano more, processum est. <sup>Baptizatur 15. April.</sup> Præcedebant magno numero Nuntii Terrestres, alique nobiles, qui frequentissimi, ob Comitia 19. April. inchoanda, ex omnibus Sarmatiæ locis convenerant. Hos Senatores varii & Marscalci sequebantur. Inde Princeps Carolus Ferdinandus, inter duos Ecclesiasticos Senatores medius, Infantem Principem portabat. Post hunc, Princeps Anna Constantia, inter duos sæculares Senatores media, ducebatur. Novissime Reginae & ejusdem Principis Annæ Constantiæ gynecaumibat. Ad portam templi S. Johannis, Serenissimi

Hh 3 cum

cum pervenissent, Johannes Lipski, idem qui nu-  
 per Culmenfis & Pomesaniae Episcopus, nunc Ar-  
 chiepiscopus Gnesnensis Primas Regni, cum Clero  
 occurrens, ad fontem baptismalem, cuius circum-  
 ferentiae veste holoserica auro intertexta, tum &  
 lapidibus pretiosissimis fulgebant, introduxit. Ad  
 quem cum pervenissent, Serenissimis & Illustris-  
 simis, circum circa, ingyrum stantibus, Gnesnen-  
 sis Archiepiscopus Serenissimum Principem, *In*  
*nomine Patris, & Filij, & Spiritus Sancti,* Sigismun-  
 dum Casimirum baptizavit. Patrini erant, Impe-  
 rator Ferdinandus III. & Imperatrix: quorum per-  
 sonas Serenissimi Principes, Carolus Ferdinandus,  
 & Anna Constantia, representabant. Post baptis-  
 mum & exquisitissimam Musicam, Princeps An-  
 na Constantia, Infantem Principem Sigismun-  
 dum Casimirum, in ulnas suas accipiens, prope eo-  
 dem ordine, in Regiam reportavit. Inde in arce,  
 decollatis ferculis, propinationes faustae, tubarum  
 clangor, suavissima Musica, & choreae: in Urbe ve-  
 ro, Sclopetorū explosiones, ignes fuliles, et, è qua-  
 draginta sex grandiorib⁹ machinis, terna tonitrua,  
 Plures solennitates Vladislai Regis, qui eo  
 tempore gravius Podagrā laborabat, morbus in-  
 hibuit. Qui utinam fortissimum hunc Regem, cu-  
 jus vitam, tot stupendis victoriis, triumphisque,  
 glorio-

totū Va-  
 letudinis,  
 & longae  
 vitae Re-  
 gia

gloriosissimam, ad benedictionem usq; nati Principis, & liberis, per Dei gratiam, liberrimæ nationis suffragiis, olim in Regno sibi successuræ Proles, pro modulo meo deduxi, ad exterminationem, ruinam, & everisionem Monarchiæ Turcicæ, quam à fortitudine ejus facile nobis persuademus, nunquam rediturus, deferat. Utinam, dico, vigorem generosissimi animi ejus, vigor corporis & valetudo (quæ, per Dei gratiam, excellentissimi Medici Andreæ Cnöffelij cura, in melius quotidie proficit) sequatur, ut Serenissimus Infans Princeps Sigismundus Casimirus, nullius alterius nisi fortitudine Patris, & crebris, de Ottomannica Domo, victoriis, ad paria & solium ejus erudiat: Nos autem gloriosissimum Regem, in Thraciam, Constantinopolim, Asiam, & Hierosolymam, in Ægyptum, & Babylonem, victoriis præeuntem, calamo sequamur. Ita vovemus: & claudō ejusdem, cujus hoc opus capī, Senecæ verbis. *Dij illum Deaq* <sup>De Con-</sup>  
*omnes terris diu commodent. Acta hic D. Augusti* <sup>sol: ad Polyb:</sup>

*Annos vincat, ac quam diu mortalis  
 erit, nihil ex Domo sua, mortale sentiat.*

F I N I S.

1660







glo  
of  
v  
P  
m  
f  
o  
d  
A  
o  
g  
d  
s  
s  
h  
p  
m  
o  
c  
v



